

कबीर साखी-संग्रह




ebookspdf.in

Collect more e-books




A lot collection of Hindi e-books

Please click the link below-



www.ebookspdf.in

कबीर साहब का साखी-संग्रह



प्रकाशक

बेलवेदियर प्रेस, प्रयाग ।

तुलसी-ग्रन्थावली ।

(दो भागों में और खूब बड़े २ अक्षरों में)

गोस्वामी तुलसीदासजी के ग्रन्थों के सम्बन्ध में अधिक कहने की आवश्यकता नहीं है। उनके महत्व को पढ़े अनपढ़े भारतवासी मात्र भलीभाँति जानते हैं। गोस्वामीजी के बनाये हुए छोटे बड़े बारह ग्रन्थ प्रसिद्ध हैं। रामलला नहलू, बैराग्य-सन्दीपिनी, बरवै रामायण, पार्वती-मङ्गल, जानकी-मङ्गल, रामाञ्जा प्रश्नावली, दोहा वली, कवित्त रामायण, गीतावली-रामायण, कृष्णगीता वली, विनयपत्रिका और रामचरितमानस। इन बारहों ग्रन्थों को मूल खच्छ चिकने कागज़ पर शुद्धता-पूर्वक बड़े बड़े अक्षरों में हमने छपवाया है। नीचे कठिन शब्दों का अर्थ भी दिया गया है, जिससे भावार्थ समझने में बड़ी सुगमता हो गयी है। इनमें से ग्यारह ग्रन्थों की एक जिल्द है जिसमें लगभग ५८० पृष्ठ हैं। मूल्य सजिल्द केवल ४) और यह दूसरी जिल्द केवल रामचरित-मानस की सचित्र और सटीक पृष्ठ १३०० का मूल्य ४॥) और चिकने डमड़ा कागज़ पर वाली का ६॥) है।

मिलने का पता

मैनेजर, बेलवेडियर प्रेस, प्रयाग ।

कबीर साखी-संग्रह

जिसमें

कबीर साहिब की अति ^{Date} कोमल ^{Receipt} और
मनोहर साखियाँ कई पुस्तकों और फुटकर
लिपियाँ से चुनकर बड़ी सुदृढ़ता के साथ
८७ अंगों में छापी गई हैं ।

[कोई साहेब बिना इजाज़त के इस पुस्तक को नहीं छाप सकते]

All Rights Reserved.

इलाहाबाद

बेलवेडियर प्रेस, में प्रकाशित हुई ।

सन् १९२६ ई०

तीसरी बार]

[दाम १=)

संतबानी

संतबानी पुस्तक-माला के छापने का अभिप्राय जगत-प्रसिद्ध महात्माओं की बानी और उपदेश को जिन का लोप होता जाता है बचा लेने का है। जितनी बानियाँ हमने छापी हैं उनमें से विशेष-तो पहिले छपी ही नहीं थीं और जो छपी थीं सो ऐसे छिन्न भिन्न और बेजोड़ रूप में या तोपक और त्रुटि से भरी हुई कि उन से पूरा लाभ नहीं उठ सकता था।

हमने देश देशान्तर से बड़े परिश्रम और व्यय के साथ हस्तलिखित दुर्लभ ग्रंथ या फुटकल शब्द जहाँ तक मिल सके असल या नकल कराके मँगवाये। भर सक तो पूरे ग्रंथ छापे गये हैं और फुटकल शब्दों की हालत में सर्वसाधारण के उपकारक पद चुन लिये हैं। कोई पुस्तक बिना दो लिपियों का मुकाबला किये और ठीक रोति से शोधे नहीं छापी गई है, और कठिन और अनूठे शब्दों के अर्थ और संकेत फुट नोट में दे दिये हैं। जिन महात्मा की बानी है, उनका जीवन चरित्र भी साथ ही छपा गया है, और जिन भक्तों और महापुरुषों के नाम किसी बानी में आये हैं उनके वृत्तान्त और कौतुक संक्षेप से फुट नोट में लिख दिये गये हैं।

दो अन्तिम पुस्तकें इस पुस्तक-माला की अर्थात् "संतबानी संग्रह" भाग १ (साखी) और भाग २ (शब्द) छप चुकीं, जिनका नमूना देख कर महामहोपाध्याय सुधाकर द्विवेणी बैकुण्ठबासी ने गद्गद् होकर कहा था—“न भूतो न भविष्यति”

एक अनूठी और अद्वितीय पुस्तक महात्माओं और विद्वानों के बचनों की "लोक परलोक हितकारी" नाम की गद्य में सन् १९१६ में छपी है, जिसके विषय में श्रीमान महाराजा काशी नरेश ने लिखा है—“वह उपकारी शिक्षाओं का अचरजी संग्रह है, जो सोने के तेल सस्ता है”।

पाठक महाशयों की सेवा में प्रार्थना है कि इस पुस्तक-माला के जो दोष उनकी दृष्टि में आवें उन्हें हमको कृपा करके लिख भेजें जिससे वह दूसरे छापे में दूर कर दिये जावें।

हिन्दी में और भी अनूठी पुस्तकें छपी हैं जिन में प्रेम कहानियों के द्वारा शिक्षा बतलाई गई है। उनके नाम और दाम इस पुस्तक के पीछे सूचीपत्र में देखिये। अभी हाल में कबीर बीजक भी छापी गई है जिसका दाम ॥१॥ है।

हमने 'मनोरमा' नामक सचित्र मासिक पत्रिका भी निकालना आरम्भ कर दिया है! साहित्य सेवा के साथ ही साथ मनोरमाक लेख कहानियाँ और ऐसे महात्माओं के कवित्त दोहे सबैये जो स्फुट हैं और पुस्तक के रूप में नहीं निकाली जा सकती निरंतर छपती हैं। वार्षिक मूल्य ५) और छः माही ३) है।

भक्तशिरोमणि

मनेजर, बेलवेडियर छापाखाना,

अक्तबर सन् १९२६ ई०

दलाहावाद

निवेदन

(सन् १९१२)

कबीर साहिब के इस अनमोल ग्रंथ के छापने के लिये बहुत दिन से हमारी अभिलाषा और मित्रों का तगादा था पर अब तक उसका पूरा मसारा इकट्ठा न होने के कारण हम न छाप सके । चार बरस हुए हमको बाबा जुगलानंद कबीर-पंथी भारत-पथिक की एक पुस्तक लखनऊ के (संवत् १९५५ के) छापे की मिली थी पर वह इतनी अशुद्ध और छेपक से भरी हुई थी कि जब तक और लिपि हाथ न आवै जिससे त्रुटियों की शुद्धि की जावै उससे पूरा मतलब नहीं निकल सकता था । फिर भी हमको उससे बहुत मदद मिली जिसके लिये हम उक्त महाशय को अनेक धन्यवाद देते हैं । संत संग्रह के प्रथम भाग में भी कबीर साहिब की साखियाँ हैं जो यद्यपि संख्या में कम हैं पर चुनी हुई और बड़ी शुद्धता के साथ छपी हैं और थोड़े दिन हुए हमारे मित्र बाबू सरजूप्रसाद मुभाफ़ेदार तेरही ज़िला बाँदा और साधू साहिबदास जी वेस्ट कोस्ट डेमरारा निवासो ने दो मोटी पुस्तकें कबीर साहिब के उत्तम साखियों और पदों की कृपा करके हमको भेजीं जिनसे साखियों के चुनने और बाबा जुगलानंद जी की पुस्तक की साखियों के सोधने में बहुत मदद मिली ।

अनेक साखियाँ लखनऊ की छपी हुई पुस्तक और लिपियों में भी दो दो तीन तीन बार भिन्न भिन्न अंगों में दी हुई थीं इनको छाँट कर निकाल देने में बड़ा परिश्रम हुआ और फिर भी यह कठिन है कि हमारी पुस्तक में कोई साखी भूल से दो बार नहीं छपी है । पर जहाँ तक बन सका इस पुस्तक में उत्तमोत्तम और शुद्ध साखियाँ रक्खी गई हैं जो दोष रह गये हों उन्हें प्रेमी जन छिमा की दृष्टि से देखें और कृपा करके हमको जता दें जिसमें दूसरे छापे में वह ठीक कर दिये जायँ ।

कबीर साहिब का जीवन-चरित्र विस्तार के साथ उनकी शब्दावली के पहले भाग में दिया गया है इसलिये यहाँ फिर छापने की आवश्यकता नहीं है ।

जो साखियाँ पहिले छापे में कहीं दुबारा या अशुद्ध छपी थीं वह इस नये छापे में ठीक कर दी गई हैं और टिप्पणी की भी यथा शक्ति जहाँ तहाँ शुद्धि कर दी गई है ।

प्रयाग,
अक्टूबर १९२६ }

अधम —

एडिटर, संतबानी पुस्तकमाला ।

हिन्दी महाभारत

सचित्र व सजिल्द

[लेखक—पं० महावीर प्रसाद मालवीय]

यह महाभारत डबल क्राउन अठपेजी साइज़ के ४५० पृष्ठों में उमदा सफ़ेद कागज़ पर छपा है। रंग बिरंगे अति सुन्दर चित्रों से सजधज कर और सरल हिन्दी भाषा में अनूदित होकर प्रकाशित हुआ है।

इसके उपसंहार में महाराज युधिष्ठिर से लेकर पृथ्वीराज चौहान के वंशजों तक अर्थात् १७७१ वर्ष दिल्ली के राज्यासन पर आर्य राजाओं का शासन काल बड़ी खोज के साथ लिखा गया है। मूल्य लागत मात्र ३)

पता—

मैनेजर, बेलवेडियर प्रेस, प्रयाग।

सूचीपत्र अंगों का

॥ भाग १ ॥

नाम अंगों के	पृष्ठ
गुरुदेव	१—१३
झठा गुरु	१३—१५
गुरुमुख	—१५
मनमुख	१५—१६
निगुरा	१६—१७
गुरु शिष्य खोज	१७—१९
सेवक और दास	१९—२२
सुरमा	२२—२८
पतिव्रता	२८—३१
सती	३१
विभिचारिन	३२
भक्ति	३३—३६
लत्र	३६—३७
बिरह	३७—४५
प्रेम	४५—५१
सतसंग	५१—५३
कुसंग	५४—५५
सूक्ष्म मार्ग	५५—५९
चितावनी	५९—७५
उदारता	७६
सहन	७६—७७
विद्वान	७७—७८
दुर्विधा	७८—७९
मध्य	७९—८०
सहज	८०
अनुभव ज्ञान	८१
बाचक ज्ञान	८१—८२
करनी और कथनी	८२—८५
सार गहनी	८५

नाम अंगों के	पृष्ठ
पारख	८६—८७
अपारख	८७—८८

॥ भाग २ ॥

नाम	पृष्ठ
मुमिरन	८९—९३
शब्द	९३—९८
बिनती	९८—१०२
उपदेश	१०२—१०५
सामर्थ	१०५—११०
निज करता का निर्णय	११०—१११
घटमठ	१११—११३
सम दृष्टि	११३
भेदी	११४
परिचय	११४—१२०
मौन	१२०—१२१
सजीवन	१२१
जीवत मृतक	१२१—१२४
साध	१२४—१३२
भेष	१३३
बेहद	१३३—१३४
असाधु	१३४—१३७
गृहस्थ की रहनी	१३७
वैरागी की रहनी	१३७—१३८

अष्ट दोष वा बिकारी अंग—

१—काम	१३८—१३९
२—क्रोध	१४०
३—लोभ	१४०—१४१
४—मोह	१४१—१४२
५—मान और हँगता	१४२—१४४

नाम अंगों के	पृष्ठ	नाम अंगों के	
७—आशा ...	१४५—१४६	माया ...	१६
८—तृष्णा ...	१४६	कनक और कामनी ...	१६
नव रत्न वा सकारी अंग —		निद्रा ...	१६
१—शील ...	१४६—१४७	निन्दा ...	१७
२—क्षमा ...	१४७—१४८	[अहार]	
३—संतोष ...	१४८	स्वादिष्ट भोजन ...	
४—धीरज ...	१४८—१४९	मांस अहार ...	१७
५—द्विनिता ...	१४९—१५०	नशा ...	
६—दया ...	१५०	सादा खान पान ...	
७—साध ...	१५०—१५२	आनन्देव की पूजा ...	१७
८—बिचार ...	१५२—१५३	मूरत पूजा ...	१७
९—बिबेक ...	१५४	तीर्थ व्रत ...	१७
बुद्धि और कुबुद्धि ...	१५४—१५५	पंडित और संस्कृत ...	१७
मन ...	१५६—१६२	मिश्रित ...	१७



कबीर साहिब का साखी-संग्रह

[भाग १]

गुरुदेव का अंग

गुरु को कीजै दंडवत, कोटि कोटि परनाम ।
कीट न जानै भृङ्ग को, वह कर ले आप समान ॥१॥
जगत जनायो जेहि सकल, सो गुरु प्रगटे आय ।
जिन गुरु^१ आँखिन देखिया, सो गुरु^२ दिया लखाय ॥२॥
सतगुरु सम को है सगा, साधू सम को दात ।
हरि समान को हितू है, हरिजन सम को जात ॥३॥
सतगुरु की महिमा अनंत, अनंत किया उपकार ।
लोचन अनंत उधारिया, अनंत दिखावनहार ॥४॥
जेहि खोजत ब्रह्मा थके, सुर नर मुनि अरु देव ।
कहै कबीर सुन साधवा, कर सतगुरु की सेव ॥५॥
कबीर गुरु गरुआ मिला, रल^३ गया आटे लोन ।
जाति पाँति कुल मिटि गया, नाम धरैगा कौन ॥६॥
ज्ञान-प्रकासी गुरु मिला, सो जन बिसरि न जाय ।
जब साहिब किरपा करी, तब गुरु मिलिया आय ॥७॥
गुरु साहिब करि जानिये, रहिये सबद समाय ।
मिले तो दंडवत बंदगी, पल पल ध्यान लगाय ॥८॥

(१) गुरु के निज रूप से अभिप्राय है । (२) देहधारा रूप गुरु का है ।

(३) मिल ।

गुरु को सिर पर राखिये, चलिये आज्ञा माहिँ ।
 कहै कबीर ता दास को, तीन लोक डर नाहिँ ॥९॥
 गुरु गोविंद दाऊ खड़े, का के लागौं पाँय ।
 बलिहारी गुरु आपने, जिनगोविंद दियो बताय ॥१०॥
 बलिहारी गुरु आपने, घड़ि घड़ि सौ सौ बार ।
 मानुष से देवता किया, करत न लागी बार ॥११॥
 लाख कोस जो गुरु बसै, दोजै सुरत पठाय ।
 सबद तुरी असवार हूँ, पल पल आवै जाय ॥१२॥
 जो गुरु बसै बनारसी, सिष्य समुंदर तीर ।
 एक पलक बिसरै नहीं, जो गुन होय सरीर ॥१३॥
 सब धरती कागद करूँ, लेखनि सब बनराय ।
 सात समुंद की मसि करूँ, गुरु गुन लिखा न जाय ॥१४॥
 बूढ़ा था पर ऊबरा, गुरु की लहरि चमकू ।
 बेड़ा देखा भाँकरा, ऊतरि भया फरकू ॥१५॥
 पहिले दाता सिष भया, जिन तन मन अरपा सीस ।
 पाछे दाता गुरु भये, जिन नाम दिया बकसीस ॥१६॥
 सत्त नाम के पटतरे, देवे को कछु नाहिँ ।
 क्या लै गुरु संतोषिये, हवस रही मन माहिँ ॥१७॥
 मन दीया तिन सब दिया, मन की लार सरीर ।
 अब देवे को कछु नहीं, यों कह दास कबीर ॥१८॥
 तन मन दिया तो भल किया, सिर का जासी भार ॥
 कबहूँ कहै कि मै दिया, घनी सहैगा मार १९॥
 तन मन ता को दीजिये, जा के बिषया नाहिँ ।
 आपा सबही डारि कै, राखै साहिब माहिँ ॥२०॥

तन मन दिया तो क्या हुआ, निज मन दिया न जाय ।
 कहै कबीर ता दास से, कैसे मन पतियाय ॥२१॥
 तन मन दीया आपना, निज मन ता के संग ।
 कहै कबीर निरभय भया, सुन सतगुरु परसंग ॥२२॥
 निज मन तो नीचा किया, चरन कँवल की ठौर ।
 कहै कबीर गुरुदेव बिन, नजर न आवै और ॥२३॥
 गुरु सिकलीगर कीजिये, मनहिँ मस्कला^१ देइ ।
 मन का मैल छुड़ाइ कै, चित दरपन करि लेइ ॥२४॥
 सिष खाँडा गुरु मस्कला, चढ़ै नाम खरसान^२ ।
 सबद सहै सन्मुख रहै, तो निपजै सिष्य सुजान ॥२५॥
 गुरु धोबी सिष कापड़ा, साबुन सिरजनहार ।
 सुरति सिला पर धोइये, निकसै जोति अपार ॥२६॥
 गुरु कुम्हार सिष कुंभ^३ है, गढ़ गढ़ काढै खोट ।
 अंतर हाथ सहार दै, बाहर बाहै^४ चोट ॥२७॥
 सतगुरु महल बनाइया, प्रेम गिलावा दोन्ह ।
 साहिब दरसन कारने, सबद भरोखा कीन्ह ॥२८॥
 गुरु साहिब तो एक है, तूजा सब आकार ।
 आपा मेटै गुरु भजे, तब पावै करतार ॥२९॥
 ज्ञान समागम प्रेम सुख, दया भक्ति बिस्वास ।
 गुरु सेवा तैं पाइये, सतगुरु^५ चरन निवास ॥३०॥
 गुरु मानुष करि जानते, ते नर कहिये अंध ।
 महा दुखी संसार में, आगे जन्म के बंध ॥ ३१ ॥
 गुरु मानुष करि जानते, चरनामृत को पानि ।
 ते नर नरकै जाइँगे, जन्म जन्म हूँ स्वान ॥३२॥

(१) सिकली करने का औज़ार । (२) सान । (३) घड़ा । (४) लगाता है
 (५) सत्य पुरुष ।

कबीर ते नर उध हूँ, गुरु को कहते और ।
 हरि रुठे गुरु ठौर है, गुरु रुठे नहीं ठौर ॥ ३३ ॥
 गुरु हूँ बड़ गोविंद तैं, मन में देखु बिचार ।
 हरि सुमिरै सो वार है, गुरु सुमिरै सो पार ॥ ३४ ॥
 गुरु सीढ़ी तैं ऊतरै, सबद बिहूना होय ।
 ता को काल घसीटि है, राखि सकै नहीं कोय ॥ ३५ ॥
 अहं अगिन निसि दिन जरै, गुरु से चाहै मान ।
 ता को जम न्योता दियो, होउ हमार मिहमान ॥ ३६ ॥
 गुरु से भेद जो लीजिये, सीस दीजिये दान ।
 बहुतक भौंदू बहि गये, राखि जीव अभिमान ॥ ३७ ॥
 गुरु समान दाता नहीं, जाचक सिष्य समान ।
 तीन लोक की सम्पदा, सो गुरु दीन्हा दान ॥ ३८ ॥
 जम गरजे बल बाघ के, कहै कबीर पुकार ।
 गुरु किरपा ना होत जो, तौ जम खाता फार ॥ ३९ ॥
 गुरु पारस गुरु परस है, चंदन बास सुबास ।
 सतगुरु पारस जीव को, दीन्हा मुक्ति निवास ॥ ४० ॥
 अबरन बरन अमूर्त जो, कहो ताहि किन पेख ।
 गुरु दया तैं पावई, सुरत निरत करि देख ॥ ४१ ॥
 पंडित पढ़ि गुनि पचि मुए, गुरु बिन मिलै न ज्ञान ।
 ज्ञान बिना नहीं मुक्ति है, सत्त सबद परमान ॥ ४२ ॥
 मूल ध्यान गुरु रूप है, मूल पुजा गुरु पाँव ।
 मूल नाम गुरु बचन है, मूल सत्य सत भाव ॥ ४३ ॥
 कहै कबीर तजि भरम को, नन्हा हूँ के पीव ।
 तेजि अहं गुरु चरन गहु, जम से बाचै जीव ॥ ४४ ॥

तीन लोक नौ खंड मैं, गुरु तैं बड़ा न कोइ ।
 करता करै न करि सकै, गुरु करै सो होइ ॥४५॥
 कबिरा हरि के रूठते, गुरु के सरने जाइ ।
 कहै कबीर गुरु रूठते, हरि नहिँ होत सहाय ॥४६॥
 गुरु की आज्ञा आवई, गुरु की आज्ञा जाय ।
 कहै कबीर सो संत है, आवा गवन नसाय ॥४७॥
 थापन^१ पाई धिर भया, सतगुरु दोन्ही धीर ।
 कबीर हीरा बनिजिया^२, मानसरोवर तीर ॥४८॥
 कबीर हीरा बनिजिया, हिरदैं प्रगटी खानि ।
 सत्त पुरुष किरपा करी, सतगुरु मिले सुजान ॥४९॥
 निश्चय निधी मिलाय तत, सतगुरु साहस धीर ।
 निपजी मैं साझी घना, बाँटनहार कबीर ॥५०॥
 कबीर बादल प्रेम को, हम पर बरस्यो आय ।
 अंतर भीजी आत्मा, हरो भयो बनराय ॥५१॥
 सतगुरु के सदके^३ किया, दिल अपने को साच ।
 कलजुग हम से लरि परा, मुहकम^४ मेरा बाँच ॥५२॥
 साचे गुरु की पच्छ मैं, मन को दे ठहराय ।
 चंचल तैं निःचल भया, नहिँ आवै नहिँ जाय ॥५३॥
 भली भई जो गुरु मिले, नातर होती हान ।
 दीपक जोति पतंग ज्यौँ, परता आय निदान ॥५४॥
 भली भई जो गुरु मिले, जा तैं पाया ज्ञान ।
 घटही माहिँ अबूतरा, घटही माहिँ दिवान ॥५५॥
 गुरु मिला तब जानिये, मिटै मोह तन ताप ।
 हर्ष सोक व्यापै नहीं, तब गुरु आपै आप ॥५६॥

(१) स्थिति यानी ठहराव । (२) बनिज किया या लादा । (३) न्बोझावर ।
 (४) परवाना ।

गुरु तुम्हारा कहाँ है, चेला कहाँ रहाय ।
 क्यों करिके मिलना भया, क्यों बिछुड़े आवे जाय ॥५७॥
 गुरु हमारा गगन में, चेला है चित माहिं ।
 सुरत सबद मेला भया, बिछुड़त कबहूँ नाहिं । ५८॥
 वस्तु कहीं हूँदैं कहीं, केहि बिधि आवै हाथ ।
 कहै कबीर तब पाइये, जष भेदी लीजे साथ ॥५९॥
 भेदी लीन्हा साथ कर, दीन्ही वस्तु लखाय ।
 कोटि जनम का पंथ था, पल मैं पहुँचा जाय ॥६०॥
 जल परमानै माछरी, कुल परभावै बुद्धि ।
 जा को जैसा गुरु मिलै, ता को तैसी सुद्धि ॥६१॥
 यह तन बिष की बेलरी, गुरु अमृत की खान ।
 सीस दिये जो गुरु मिले, तो भी सस्ता जान ॥६२॥
 चेतन चौकी बैठ करि, सतगुरु दीन्ही धीर ।
 निरभय हूँ निःसंक भजु, केवल नाम कबीर ॥६३॥
 बहे बहाये जात थे, लोक बेद के साथ ।
 पैदे मैं सतगुरु मिले, दीपक दीन्हा हाथ ॥६४॥
 दीपक दीन्हा तेल भरि, बाती दई अघट ।
 पूग किया बिसाहना^१, बहुरि न आवै हट^२ ॥६५॥
 चौपड़ माड़ी चौहटे, सारी^३ किया सरोर ।
 सतगुरु दाँव बताइया, खेले दास कबीर ॥६६॥
 ऐसा कोई ना मिला, सत्त नाम का मीत ।
 तन मन साँपै मिरग ज्यौं, सुनै अधिक का गीत ॥६७॥
 ऐसे तो सतगुरु मिले, जिन से रहिये लाग ।
 सब ही जग सीतल भया, जबमिटी आपनी आग ॥६८॥

सतगुरु हम से रीझि कै, एक कहा परसंग ।
 बरसा बादल प्रेम का, भौंजि गया सब अंग ॥६६॥
 सतगुरु के उपदेश का, सुनियो एक विचार ।
 जो सतगुरु मिलता नहीं, जाता जम के द्वार ॥७०॥
 जम द्वारे पर दूत सब, करते खींचा तान ।
 तिन तँ कबहुँ न छूटता, फिरता चारो खानि ॥७१॥
 चार खानि मैं भरमता, कबहुँ न लहता पार ।
 सो तो फेरा मिटि गया, सतगुरु के उपकार ॥७२॥
 जरा^१ मीच^२ ब्यापै नहीं, मुवा न सुनिये कोय ।
 चलु कबोर वा देस मैं, जहँ बैदा सतगुरु होय ॥७३॥
 काल के माथे पाँव दे, सतगुरु के उपदेश ।
 साहिब अंक^३ पसारिया, लै चला अपने देस ॥७४॥
 सतगुरु साचा सूरमा, सबद जो बाहा^४ एक ।
 लागत हो भय मिटि गया, पड़ा कलेजे छेक ॥७५॥
 सतगुरु साचा सूरमा, नख सिख मारा पूर ।
 बाहर घाव न दोसई, भीतर चकनाचूर ॥७६॥
 सतगुरु सबद कमान करि, बाहन लागा तीर ।
 एक जो बाहा प्रेम से, भीतर विधा सरीर ॥७७॥
 सतगुरु बाहा बान भरि, घर कर सूधी मूठ ।
 अंग उघारे लागिया, गया धुवाँ सा फूट ॥७८॥
 सतगुरु मेरा सूरमा, बेधा सकल सरीर ।
 बान धुवाँ सा फूटिया, क्यों जीवे दास कबीर ॥७९॥
 सतगुरु मारा बान भरि, निरखि निरखि निज ठैर ।
 नाम अकेला रहि गया, चित्त न आवै और ॥८०॥

(१) बूझ अस्थि । (२) मौत । (३) अँकवार यानी दोनों हाथ । (४) चलाया ।

कर कमान सर साधि के, खँचि जो मारा माहिं ।
 भीतर बिँधै सो मरि रहै, जिवै पै जीवै नाहिं ॥८१॥
 जबही मारा खँचि के, तब मै मूआ जानि ।
 लगी चोट जो सबद की, गई कलेजे छानि ॥८२॥
 सतगुरु मारा बान भरि, डोला नाहिं सरीर ।
 कहु चुम्बक क्या करि सकै, सुख लागे वोहि तीर ॥८३॥
 सतगुरु मारा तान कर, सबद सुरंगी बान ।
 भेरा मारा फिर जिये, तो हाथ न गहूँ कमान ॥८४॥
 ज्ञान कमान औ लव गुना^१, तन तरकस मन तीर ।
 भलका^२ बहै तत सार का, मारा हृदफ^३ कबीर ॥८५॥
 कड़ी कमान कबीर की, धरी रहै चौगान ।
 केते जोधा पाचि गये, खँचै संत सुजान ॥८६॥
 लागी गाँसी सुख भया, मरै न जीवै कोय ।
 कहै कबीर सो अमर भे, जावत मितक होय ॥८७॥
 हँसै न बोलै उनमुनी, चंचल मेला मार^४ ।
 कबीर अंतर बेधिया, सतगुरु का हथियार ॥८८॥
 गूंगा हुआ बावरा, बहिरा हुआ कान ।
 पाँयन से पँगुला हुआ, सतगुरु मारा बान ॥८९॥
 सतगुरु मारा बान भरि, टूटि गया सब जेब^५ ।
 कहूँ आपा कहूँ आपदा, तसबी कहूँ कितेश ॥९०॥
 सतगुरु मारा प्रेम से, रही कटारी टूट ।
 वैसी अनी न सालही, जैसी सालै मूठ^६ ॥९१॥

(१) कमान की डोर । (२) गाँसी । (३) निशाना । (४) चंचल यानी मन को मार के हटा दिया और उनमुनी वशा प्राप्त हुई । (५) ज़ेबाइन, साज़ सामान । (६) अनी अर्थात् नोक कटारी का जो टूट कर हृदय में रह गई वह इतना कष्ट नहीं देती है जितना मूठ का बाहर रह जाना, याना प्रेम कटारी समूची क्यों न घुस गई ।

सतगुरु मारा बान भरि, निरखि निरखिनिजठौर ।
 अलख नाम में रमि रहा, चित्त न आवै और ॥९२॥
 मान बढ़ाई ऊरमी, ये जग का व्यवहार ।
 दास गरीबी बंदगी, सतगुरु का उपकार ॥९३॥
 दिल ही में दोदार है, बाद बहै संसार ।
 सतगुरु सबद का मस्कला, मोहिं दिखावनहार ॥९४॥
 दीसे है सो बिनमिहै, नाम धरे सो जाय ।
 कबीर सोई तत्त गहु, जो सतगुरुदियो बताय ॥९५॥
 कुदरत पाई खबर से, सतगुरु दियो बताय ।
 भँवरा बिलम्बो कमल से, अब कैसे उड़ि जाय ॥९६॥
 सत्त नाम छोड़ूँ नहीं, सतगुरु सीख दिया ।
 अबिनासी को परसि के, आत्म अमर भया ॥९७॥
 सतगुरु तो ऐसा मिला, ताते लोह लुहार ।
 कसनी दे कंचन किया, ताय लिया तत सार ॥९८॥
 सतगुरु मिलि निरभय भया, रही न दूजी आस ।
 जाय समाना सबद में, सत्त नाम बिस्वास ॥९९॥
 कबीर गुरु ने गम कही, भेद दिया अर्थाय ।
 सुरत कँवल के अंतरे, निराधार पद पाय ॥१००॥
 कुमति कौंच चेशा भरा, गुरु ज्ञान जल होय ।
 जनम जनम का मोरचा, पल में डारै धोय ॥१०१॥
 घर में घर दिखलाय दे, सो गुरु संन सुजान ।
 पंच सबद धुनकार धुन, बाजै गगन निसान ॥१०२॥
 जाय मिल्यो परिवार में, सुख सागर के तीर ।
 बरन पलटि हंसा किया, सतगुरु सत्त कबीर ॥१०३॥

साचे गुरु के पच्छ में, मन को दे ठहराय ।
 अंचल तैं निःचल भया, नहिँ आवै नहिँ जाय ॥१०४॥
 गुरु सिकलीगर कीजिये, ज्ञान मस्कला देइ ।
 मन का मैल छुड़ाइ के, चित दरपन करि लेइ ॥१०५॥
 गुरु बतावै साथ को, साध कहै गुरु पूज ।
 अरस परस के खेल में, भई अगम की सूझ ॥१०६॥
 चित चाखा मन निर्मला, बुधि उत्तम मति धीर ।
 सो धोखा बिच क्यौँ रहै, जेहि सतगुरु मिलै कबीर ॥१०७॥
 चित चाखा मन निर्मला, दयावंत गंभीर ।
 सोई उहवाँ बिचरई, जेहि सतगुरु मिलै कबीर ॥१०८॥
 सतगुरु सत्त कबीर है, संकट पड़ा हजीर^१ ।
 हाथ जेरि बिनती करूँ, भवसागर के तीर ॥१०९॥
 कोटिन चंदा जगवैँ, सूरज कोटि हजार ।
 सतगुरु मिलिया बाहारे, दीसत घोर अँघार ॥११०॥
 सतगुरु मोहिँ निवाजिया, दीन्हा अम्मर बोल ।
 सीतल छाया सुगम फल, हंसा करै कलोल ॥१११॥
 ज्ञान समागम प्रेम सुख, दया भक्ति बिस्वास ।
 सतगुरु मिलि एकै भया, रही न दूजी आस ॥११२॥
 सतगुरु पारस के सिला, देखो सोच बिचार ।
 आई परोसिन लै चली, दीयो दिया सँवार ॥११३॥
 जीव अधम औ कुटिल है, कबहूँ नहिँ पतियाय ।
 ता को औगुन मेटि कै, सतगुरु होत सहाय ॥११४॥
 पहिले बुरा कमाइ के, बाँधी बिष की पोत ।
 कोटि कर्म पल में कटे, जब आया गुरु की ओट ॥११५॥

सतगुरु बड़े सराफ हैं, परखें खर अरु खोट ।
 भवसागर तें निकारि कै, राखें अपनी ओट ॥११६॥
 भवसागर जल बिष भरा, मन नहिँ बाँधै धोर ।
 सबल सनेही गुरु मिला, उतरा पार कबीर ॥११७॥
 सतगुरु सबद जहाज हैं, कोइ कोइ पावै भेद ।
 समुँद बुँद एकै भया, किस का कहुँ निषेद ॥११८॥
 सतगुरु बड़े जहाज हैं, जो कोइ बैठै आय ।
 पार उतारैँ और को, अपना पारस लाय ॥११९॥
 बिन सतगुरु बाचै नहीं, फिरि बूड़ै भव माहिँ ।
 भवसागर के त्रास में, सतगुरु पकरैँ बाँहिँ ॥१२०॥
 सतगुरु मिला तो क्या भया, जो मन पाड़ी भोल^१ ।
 पास बस्त्र ढाँकै नहीं, क्या करैँ अपुरी चोल^२ ॥१२१॥
 जग मूआ बिषधर^३ धरे, कहै कबीर बिचार ।
 जो सतगुरु को पाइया, सो जन उतरै पार ॥१२२॥

॥ सोरठा ॥

बिन सतगुरु उपदेस, सुर नर मुनि नहिँ निस्तरे ।
 ब्रह्मा बिष्णु महेस, और सकल जिव को गनै ॥१२३॥

॥ साब्जी ॥

केतिक पढ़ि गुनि पचि मुवा, जोग जज्ञ तप लाय ।
 बिन सतगुरु पावै नहीं, कोटिन करै उपाय ॥१२४॥

॥ सोरठा ॥

करहु छोड़ कुल लाज, जो सतगुरु उपदेस है ।
 होय तवै जिव काज, निःचय कै परतीत कर ॥१२५॥

(१) मन मे भूल पड़ी । (२) बिचारी चोली । (३) साँप, अर्थात् मन और आया ।

॥ साखी ॥

अच्छर आदी जगत में, जा कर सब बिस्तार ।
सतगुरु दया से पाइये, सत्त नाम निज सार ॥१२६॥

॥ सोरठा ॥

सतगुरु खोजो संत, जीव काज जो चाहू ।
मेटौ भव को झंक, आवागवन निवारू ॥१२७॥
बिनवै दोउ कर जोर, सतगुरु बंदा-छोर हैं ।
पावै नाम कि डोर, जरा मरन भव जल मिटै ॥१२८॥
सत्त नाम निज सोय, जो सतगुरु दया करै ।
और झूठ सब होय, काहे को भरमत फिरै ॥१२९॥

॥ साखी ॥

सतगुरु सग्न न आवहीं, फिरि फिरि होय अकाज ।
जीव खोय सब जाहिँगे, काल तिहूँ पुर राज ॥१३०॥

॥ सोरठा ॥

जो सत नाम समाय, सतगुरु की परतीत कर ।
जम के अमल मिटाय, हंस जाय सतलोक कहँ ॥१३१॥
तत^१ दरसी जो होय, सो सत सार बिचारई ।
पावै तत्त बिलोय, सतगुरु कै चेला सोई ॥१३२॥
जग भवसागर माहिँ, कहु कैसे बूडत तरै ।
गहु सतगुरु की बाहिँ, जो जल थल रच्छा करै ॥१३३॥
निज मत सतगुरु पास, जाहि पाय सब सुधि मिलै ।
जग तँ रहै उदास, ता कहँ कयो नहिँ खोजिये ॥१३४॥

॥ साखी ॥

यह सतगुरु उपदेस है, जो मानै परतीत ।
करम भरम सब त्यागि कै, चलै सा भवजल जीति ॥१३५॥

सतगुरु तो सत भाव है, जो अस भेद बताय ।
 धन्य सिष्य धन भाग तेहिँ, जो ऐसी सुधि पाय ॥१३६॥
 जन कबीर वंदन करै, केहि बिधि कीजै सेव ।
 वार पार की गम नहीं, नमो नमो गुरु देव ॥१३७॥

भूठे गुरु का अंग ।

गुरु मिला ना सिष मिला, लालच खेला दाव ।
 दोऊ बूड़े धार में, चढ़ि पाथर की नाव ॥१॥
 जा का गुरु है आँधरा, चेला निपट निरंधर ।
 अंधे अंधा ठेलिया, दोऊ कूप परंत ॥२॥
 जानता^२ बूझा नहीं, बूझि किया नहिँ गौन ।
 अंधे को अंधा मिला, राह बतावै कौन ॥३॥
 कबीर पूरे गुरु बिना, पूरा सिष्य न होय ।
 गुरु लेभी सिष लालची, दूनी दाभन^३ होय ॥४॥
 पूरा सतगुरु ना मिला, सुनी अधूरी सीख ।
 स्वाँग जती का पहिरि के, घर घर माँगे भीख ॥५॥
 गुरु गुरु में भेद है, गुरु गुरु में भाव ।
 सोई गुरु नित बंदिये, (जो) सबद बतावै दाव ॥६॥
 कनफूका गुरु हट्ट का, बेहद का गुरु और ।
 बेहद का गुरु जब मिलै, (तब) लहै ठिकाना ठौर ॥७॥
 गुरु क्रिया है दैह का, सतगुरु चीन्हा नाहिँ ।
 भवसागर के जाल में, फिरि फिरि गोता खाहिँ ॥७॥
 जा गुरु तैं भ्रम ना मिटै, भाँति^४ न जिव की जाय ।
 गुरु तो ऐसा चाहिये, देवै सबद लखाय ॥८॥

(१) जिसकी आँखें बिल्कुल बंद हैं । (२) जानकार, मेदी । (३) तपन । (४) भटकना

बंधे को बंधा मिलै, छूटै कौन उपाय ।
 कर सेवा निरबंध की, पल में लेत छुड़ाय ॥१०॥
 झूठे गुरु के पच्छु को, तजस न कीजै बार ।
 द्वार न पावै सबद का, भटकै बारंबार ॥११॥
 कबीर गुरु को गम नहीं, पाहन दिया बताय ।
 सिष सोधे बिन सेइया, पार न पहुँचै जाय ॥१२॥
 बेड़े चढ़िया भाँभरे, भवसागर के माहिँ ।
 जो छाड़ै तो बाचिहै, नातर बूड़ै माहिँ ॥१३॥
 बात बनाई जग ठगा, मन परमोधा नाहिँ ।
 कहै कबीर मन लै गया, लख चौरासी माहिँ ॥१४॥
 नीर पियावत क्या फिरै, घर घर सायर बारि १ ।
 तृषावंत जो होइया, पीवैगा भख मारि ॥१५॥
 गुरुआ तो सस्ता भया, पैसा केर पचास ।
 राम नाम को बेचि के, करै सिष्य की आस ॥१६॥
 रासि^२ पराई राखता, घर का खाया खेत ।
 औरन को परमोधता, मुख में परि गई रेत ॥१७॥
 गुरुआ तो घर घर फिरै, दीच्छा हमरी लेहु ।
 कै बूढ़ी कै ऊछलौ, टका परदनी^३ देहु ॥१८॥
 जा का गुरु ग्रेही^४ अहै, चेला ग्रेही होय ।
 कीच कीच को धोवते, दाग न छूटै कोय ॥१९॥
 गुरु नाम है ज्ञान का, सिष्य सीख ले सोइ ।
 ज्ञान मरजाद जाने बिना, गुरु अरु सिष्य न कोइ ॥२०॥
 गुरु है पूरा सिष सूरा, बाग मेरि रन पैठ ।
 सत्त सुकृत को चीन्हि के, एक तरत चढ़ि बैठ ॥२१॥

(१) पानी । (२) खलियान । (३) प्रदान=बख्शिश । (४) स'सारी ।

जा के हिरदे गुरु नहीं, सिष साखा की भूख ।
 ते नर ऐसा सूखसी, ज्येँ बन दाभा रूख ॥२२॥
 सिष साखा बहुते किये, सतगुरु किया न मित्त ।
 चाले थे सतलोक को, बीचहि अटका चित्त ॥२३॥

गुरुमुख का अंग ।

गुरुमुख गुरु चितवत रहै, जैसे मनी भुवंग ।
 कहै कबीर बिसरै नहीं, यह गुरुमुख को अंग ॥१॥
 गुरुमुख गुरुचितवत रहै, जैसे साह दिवान ।
 और कबीर नहीं देखता, है वाही को ध्यान ॥२॥
 गुरुमुख गुरु आज्ञा चलै, छोड़ि देइ सब काम ।
 कहै कबीर गुरुदेव को, तुरत करै परनाम ॥३॥
 उलटे सुलटे बचन कै, सिष्य न मानै दुक्ख ।
 कहै कबीर संसार में, सो कहिये गुरुमुख ॥४॥

मनमुख का अंग ।

सेवक-मुखी कहावई, सेवा में दृढ़ नाहिँ ।
 कहै कबीर सो सेवका, लख चौरासी जाहिँ ॥१॥
 फल कारन सेवा करै, तजै न मन से काम ।
 कहै कबीर सेवक नहीं, चहै चौगुना दाम ॥२॥
 सतगुरु सबद उलंघि कै, जो सेवक कहिँ जाय ।
 जहाँ जाय तहँ काल है, कह कबीर समुभाय ॥३॥
 गुरु बिचारा स्या करै, जो सिष्ये माहीं चूक ।
 भावै ज्येँ परमोधिसे, बाँस बजाई फूँक ॥४॥
 मेरा मुझ में कुछ नहीं, जो कुछ है सो तोर ।
 तेरा तुझ को सौंपते, क्या लागैगा मोर ॥५॥

तेरा तुझ में कुछ नहीं, जो कुछ है सो मोर ।
मेरा मुझ को सौंपते, जो धड़कैगा तोर ॥६॥

॥ चौपाई ॥

गुरु से करै कपट चतुराई । सो हंसा भव भरमै आई ॥७॥
जो सिष गुरु की निंदा करई । सूकर स्वान गर्भ में परई ॥८॥

निगुरा का अंग ।

गुरु बिनु माला फेरना, गुरु बिनु करता दान ।
गुरु बिनु सद्य निस्फल गया, बूझौ वेद पुरान ॥१॥
जो निगुरा सुमिरन करै, दिन में सौ सौ बार ।
नगर नायका सत करै, जरै कौन की लार ॥२॥
गर्भ जोगेसर गुरु मिला, लागा हरि की सेव २ ।
कहै कबीर बैकुंठ से, फेर दिया सुकदेव ॥३॥
जनक बिदेही गुरु किया, लागा हरि की सेव ।
कहै कबीर बैकुंठ में, उलटि मिला सुकदेव ॥४॥
पूरे को पूरा मिलै, पड़ै सो पूरा दाव ।
निगुरा तो ऊभट ३ चलै, जब तद्य करै कुदाव ॥५॥
जो कामिनि परदे रहै, सुनै न गुरु मुख बात ।
होइ जगत में कूकरी, फिरै उघारे गात ॥६॥
कबीर गुरु की भक्ति बिनु, नारि कूकरी होय ।
गली गली भूसत फिरै, टूक न डारै कोय ॥७॥
कबीर गुरु की भक्ति बिनु, राजा बिरखन होय ।
माटी लदै कुम्हार की, घास न डारै कोय ॥८॥

(१) शहर की कसबी अगर सती होने का ढोंग रखे तो किस पुरुष के साथ जलै । (२) कहते हैं कि सुकरेव जी माता के गर्भ ही में कई बरस तक रह कर भगवत भजन करते रहे पर स्वर्ग में जगह पाने योग्य नहीं समझे गये जब तक कि राजा जनक को गुरु धारण नहीं किया । (३) कुराह । (४) कूद फाँव ।

चौंसठ दीवा^१ जोड़ के, चौदह चंदा^२ माहिं ।
 तेहि घर किस का चाँदना, जेहि घर सतगुरु नाहिं ॥६॥
 निसि अँधियारी कारने, चौरासी लख चंद ।
 गुरु बिन एते उदय हूँ, तहू सुदृष्टिहि मंद ॥१०॥
 गगन मँडल के बीच में, तहवाँ भलकै नूर ।
 निगुरा महल न पावई, पहुँचैगा गुरु पूर ॥११॥

गुरु शिष्य खोज का अंग ।

ऐसा कोई ना मिला, हम को दे उपदेश ।
 भवसागर में बूढ़ता, कर गहि काढ़े केश ॥१॥
 ऐसा कोई ना मिला, जा से रहिये लाग ।
 सब जग जलता देखिया, अपनी अपनी आग ॥२॥
 ऐसा कोई ना मिला, घर दे अपन जराय ।
 पाँचो लरिका पटक के, रहै नाम लौ लाय ॥३॥
 हम घर जारा आपना, लूका लीन्हा हाथ ।
 वाहू का घर फूँक दूँ, जो चलै हमारे साथ ॥४॥
 ऐसा कोई ना मिला, समुझै सैन सुजान ।
 ढोल बाजता ना सुनै, सुरति-बिहूना कान ॥५॥
 ऐसा कोई ना मिला, हम को दे पहिचान ।
 अपना करि किरपा करै, ले उतार मैदान ॥६॥
 ऐसा कोई ना मिला, जा से कहौं दुख रोय ।
 जा से कहिये भेद को, सो फिर बैरी होय ॥७॥
 ऐसा कोई ना मिला, सब विधि देइ बताय ।
 कवन मँडल में पुरुष है, जाहि रटौं लौ लाय ॥८॥

(१) चौंसठ जोगिनी की कला । (२) चौदह विद्या का प्रकाश ।

हम देखत जग जात है, जग देखत हम जाहिँ ।
 ऐसा कोई ना मिला, पकरि छुड़ावै बाहिँ ॥९॥
 जैसा हूँदत मैं फिरौं, तैसा मिला न कोय ।
 ततबेता तिरगुन रहित, निरगुन से रत होय ॥१०॥
 सारा सूरग बहु मिले, घायल मिला न कोय ।
 घायल को घायल मिलै, गुरु भक्ती दूढ़ होय ॥११॥
 प्रेमी हूँदत मैं फिरौं, प्रेमी मिलै न कोय ।
 प्रेमी से प्रेमी मिलै, बिष से अमृत होय ॥१२॥
 सिष तो ऐसा चाहिये, गुरु को सब कछु देय ।
 गुरु तो ऐसा चाहिये, सिष से कछु न लेय ॥१३॥
 सर्पहिँ दूध पियाइये, सोई बिष हूँ जाय ।
 ऐसा कोई ना मिला, आपेही बिष खाय ॥१४॥
 नादी बिन्दी बहु मिले, करत कलेजे छेद ।
 कोइ तरत तरे काना मिला, जा से पूछौं भेद ॥१५॥
 तरत तरे की सो कहै, तरत तरे का होय ॥
 मंझ महल की को कहै, बाँका परदा सोय ॥१६॥
 मंझ महल की गुरु कहै, देखा सब घर बार ।
 कूँची दीन्ही हाथ में, परदा दिया उघार ॥१७॥
 बाँका परदा खोलि के, सन्मुख ले दीशार ।
 बाल सनेही साँइयाँ, आदि अंत का यार ॥१८॥
 पुहुपन केरी बास ज्यौं, व्यापि रहा सब ठाहिँ ।
 बाहर कबहुँ न पाइये, पावै संतोँ माहिँ ॥१९॥
 बिरछा पूछै बीज को, बीज बृच्छ के माहिँ ।
 जीव जो हूँदै ब्रह्म को, ब्रह्म जीव के पाहिँ ॥२०॥

डाल जो हूँहै मूल को, मूल डाल के माहिँ ।
 आप आप को सब चले, कोइ मिलै मूल से नाहिँ ॥२१॥
 मूल कबीरा गहि चढे, फल खाये भरि पेट ।
 चौगसी की गम नहीं, ज्यौँ जाने त्यों लेट ॥२२॥
 आदि हती सब आप में, सकल हती ता माहिँ ।
 ज्यौँ तरवर के बीज में, डाल पात फल छाँहिँ ॥२३॥
 जिन हूँहा तिन पाइया, गहिरे पानी पैठि ।
 मैं बपुरा बूढ़न डरा, रहा किनारे बैठि ॥२४॥
 हेरत हेरत हेरिया, रहा कबीर हिराय ।
 बूंद समानी समुँद में, सो कित हेरी जाय ॥२५॥
 हेरत हेरत हे सखी, रहा कबीर हिराय ।
 समुँद समाना बूंद में, सो कित हेरा जाय ॥२६॥
 बूंद समानी समुँद में, यह जानै सब कोय ।
 समुँद समाना बूंद में, बूझै बिरला कोय ॥२७॥
 एक समाना सकल में, सकल समाना ताहि ।
 कबीर समाना बूझ में, तहाँ दूसरा नाहिँ ॥२८॥
 कबीर वैद बुलाइया, जो भावे सो लेहि ।
 जेहि जेहि औषध गुरु मिलै, सो सो औषधि देहि ॥२९॥

सेवक और दास का अंग ।

सेवक सेवा में रहै, सेवक कहिये सोय ।
 कहै कबीर सेवा बिना, सेवक कबहुँ न होय ॥१॥
 सेवक सेवा में रहै, अनत कहुँ नहिँ जाय ।
 दुख सुख सिर ऊपर सहै, कह कबीर समुझाय ॥२॥

सेवक स्वामी एक मति, जो मतिमें मतिमिलिजाय ।
 चतुराई रीझै नहीं, रीझै मन के भाय ॥३॥
 द्वार धनी के पड़ि रहै, धका धनी का खाय ।
 कबहुँक धनी निवाजई, जो दर छाड़ि न जाय ॥४॥
 कबीर गुरु सब को चहै, गुरु को चहै न कोय ।
 जब लग आस सरीर की, तब लग दास न होय ॥५॥
 सेवक सेवा में रहै, सेव करै दिन रात ।
 कहै कबीर कुसेवका, सन्मुख ना ठहरात ॥६॥
 निरबंधन बंधा रहै, बंधा निरबंध होय ।
 करम करै करता नहीं, दास कहावै सोय ॥७॥
 गुरु समर्थ सिर पर खड़े, कहा कमी तोहि दास ।
 ऋद्धि सिद्धि सेवा करै, मुक्ति न छाड़ै पास ॥८॥
 दास दुखी तो हरि दुखी, आदि अंत तिहुँ काल ।
 पलक एक में प्रगट हूँ, छिन में करै निहाल ॥९॥
 दात धनी याचै नहीं, सेव करै दिन रात ।
 कहै कबीर ता सेवकहि, काल करै नहिँ घात ॥१०॥
 सब कुछ गुरु के पास है, पड़ये अपने भाग ।
 सेवक मन से प्यार है, निसु दिन चरनन लाग ॥११॥
 सेवक कुत्ता गुरु का, मोतिया वा का नाँव ।
 डोरी लागी प्रेम की, जित खँचै तित जाव ॥१२॥
 दुर दुर करै तो बाहिरे, तू तू करै तो जाय ।
 ज्यों गुरु राखै त्यों रहै, जो देवै सो खाय ॥१३॥
 दासातन हिरदे नहीं, नाम धरावै दास ।
 पानी के पोथे बिना, कैसे मिटै पियास ॥१४॥

भुक्ति मुक्ति माँगौं नहीं, भक्ति दान दै मोहिं ।
 और कोई याचौं नहीं, निसु दिन याचौं तोहिं ॥१५॥
 धरती अम्बर^१ जायँगे, बिनसँगे कैलास ।
 एकमेक होइ जायँगे, तब कहाँ रहँगे दास ॥१६॥
 एकम एका होन दे, बिनसन दे कैलास ।
 धरती अम्बर जान दे, मो मैं मेरे दास ॥१७॥
 यह मन ता को दीजिये, जो साचा सेवक होय ।
 सिर ऊपर आरा सहै, तहू न दूजा जोय ॥१८॥
 काजर केरी कोठरी, ऐसा यह संसार ।
 बलिहारी वा दास की, पैठि के निकसनहार ॥१९॥
 काजर केरी कोठरी, काजर ही का कोट ।
 बलिहारी वा दास की, रहै नाम की ओट ॥२०॥
 कबिरा पाँचा बलधिया^२, ऊजर ऊजर जाहिं ।
 बलिहारी वा दास की, पकरि जो राखै वाहिं ॥२१॥
 कबीर गुरु के भावते, दूरहि तँ दीसंत ।
 तन छोना मन अनमना^३, जग तँ रुठि फिरंत ॥२२॥
 अनराते सुख सोवना, राते नौद न आय ।
 ज्यौं जल टूटे माछरी, तलफत रैन बिहाय ॥२३॥
 राता राता सब कहै, अनराता कहै न कोय ।
 राता सोही जानिये, जा तन रक्त न होय ॥२४॥
 जा घट मैं साईँ बसै, सो क्यों छाना होय ।
 जतन जतन करि दाबिये, तौ उँजियारा सोय ॥२५॥
 कबीर खालिक जागिया, और न जागै कोय ।
 कै जागै बिषया भरा, कै दास बंदगी जोय ॥२६॥

सब घट मेरा साइयाँ, सूनी सेज न कोय ।
बलिहारी वा घट की, जा घट परगट होय ॥२७॥

सूरमा का अंग ।

गगन दमामा बाजिया, पड़त निसाने चोट ।
कायर भाजै कछु नहीं, सूरा भाजै खोट ॥१॥

गगन दमामा बाजिया, पड़त निसाने घाव ।
खेत पुकारै सूरमा, अब लड़ने का दाँव ॥२॥

गगन दमामा बाजिया, हनहनियाँ के कान ।
सूरा धरै बधावना, कायर तजै परान ॥३॥

सूरा सोई सराहिये, लड़ै धनी के हेत ।
पुरजा पुरजा होइ रहै, तज न छाड़ै खेत ॥४॥

सूरा सोई सराहिये, अंग न पहिरै लोह ।
जूझै सब बँद खोलि कै, छाड़ै तन का मोह ॥५॥

खेत न छाड़ै सूरमा, जूझै दो दल माहिँ ।
आसा जीवन मरन की, मन मैं आनै नाहिँ ॥६॥

अब तो जूझे ही बनै, मुड़ि चाले घर दूर ।
सिर साहिब को साँपते, सोच न कीजै सूर ॥७॥

घायल तो घूमत फिरै, राखा रहै न ओट ।
जतन किये नहिँ बाहुरै, लगी मरम की चोट ॥८॥

घायल की गति और है, औरन की गति और ।
प्रेम बान हिरदे लगा, रहा कबीरा ठौर ॥९॥

सूरा सीस उतारिया, छाड़ी तन की आस ।
आगे से गुरु हरखिया, आवत देखा दास ॥१०॥

कबीर घोड़ा प्रेम का, (कोड़) चेतन चढ़ि असवार ।
 ज्ञान खड़ग लै काल सिर, भली मचाई मार ॥११॥
 चित चेतन ताजी^१ करै, लव की करै लगाम ।
 सबद गुरु का ताजना^२, पहुँचै संत सुठाम ॥१२॥
 कबीर तुरी पलानिये, चाबुक लीजे हाथ ।
 दिवस थके साँड़^३ मिलै, पीछे पड़सी रात ॥१३॥
 हरि घोड़ा ब्रह्मा कड़ी, बिस्नू पीठ पलान ।
 चंद सूर दीय पायड़ा^४, चढ़सी संत सुजान ॥१४॥
 साध सती औ सूरमा, इनकी बात अगाध ।
 आसा छोड़^५ दँह की, तिन में अधिका साध ॥१५॥
 साध सती औ सूरमा, इन पटंतर कोइ नाहिं ।
 अगम पंथ को पग धरै, ढिगै तो ठाहर^६ नाहिं ॥१६॥
 साध सती और सूरमा, कबहुँ न फेरै पीठ ।
 तीनों निकसि जो बाहुरै^७, ता को मुँह मति दीठ ॥१७॥
 साध सती औ सूरमा, ज्ञानी औ गज दंत ।
 एते निकसि न बाहुरै^८, जो जुग जाहिं अनंत ॥१८॥
 साध सती औ सूरमा, दर्द न मोड़ै मुँह ।
 ये तीनों भागे घुरे, साहिब जा की सूँह^९ ॥१९॥
 सिर राखे सिर जात है, सिर काटे सिर सोय ।
 जैसे बाती दीप की, कटि उँजियारा होय ॥२०॥
 धड़ से सीस उतारि कै, डारि देइ ज्यों ढेल ।
 कोई सूर को सोहसी, घर जाने का खेल ॥२१॥
 लड़ने को सबही चले, सस्तर बाँधि अनेक ।
 साहिब भागे आपने, जूझैगा कोइ एक ॥२२॥

(१) घोड़ा । (२) ताजियाना = कोड़ा । (३) रकाब । (४) ठिकाना । (५) समुझ ।

जूझेंगे तब कहेंगे, अब कछु कहा न जाय ।
 भाड़ पड़े मन मसखरा, लड़े किधौ भगि जाय ॥२३॥
 सूर के मैदान में, कायर फंदा^१ आय ।
 ना भाजै ना लड़ि सकै, मनहीं मन पछिताय ॥२४॥
 कायर बहुत पमावही^२, बड़क^३ न बोलै सूर ।
 सारी खलक यै जानही, केहि के मोहड़े नूर ॥२५॥
 सूर थोड़ा ही भला, सत करि रोपै पगग^४ ।
 घना मिला केहि काम का, सावन का सा बगग^५ ॥२६॥
 रनहिं धसा जो ऊबरा, आगे गिरह निवास ।
 घरै बधावा बाजिया, और न दूजी आस ॥२७॥
 साईं सैति^६ न पाइये, बातन मिलै न कोय ।
 कबीर सौदा नाम का, सिर बिन कबहुँ न होय ॥२८॥
 अप्प स्वारथी मेदिना^७, भक्ति स्वारथी दास ।
 कबीर नाम सुवारथी, छाड़ी तन की आस ॥२९॥
 ज्यौंज्यौं गुरुगुन^८ सौं भलै^९, त्यौं त्यौं लागै तीर ।
 लागे से भागै नहीं, सोई साध सुधीर ॥३०॥
 ऊँचा तरवर गगन को, फल निरमल अति दूर ।
 अनेक सयाने पचि गये, पंथहिँ मूए भूर^{१०} ॥३१॥
 दूर भया तो क्या भया, सतगुरु मेला सोय^{११} ।
 सिर सौंपै उन चरन में, कारज सिद्धी होय ॥३२॥
 जेता तारा रैन का, एता बैरी मुज्झ ।
 घड़ सूली सिर कंगुरे^{१२}, तउ न बिसाहूँ तुज्झ ॥३३॥

(१) फँस पड़ा । (२) डींग मारता है । (३) बड़कर । (४) पैर । (५) बगीचा जो सावन के महीने यानी बरसात में घना हो जाता है और फिर जैसे का तैसा । (६) मुझ । (७) पृथ्वी पानी को चाहती है । (८) धनुष की डोर या रोदा । (९) किंचे । (१०) रास्ते ही में खाली अटक रहे । (११) जिसको पूरे सतगुरु मिले हैं । (१२) अगले समय में शत्रु को सूली पर चढ़ा कर उसका सिर काट लूना करते थे और गुरे पर लगा देते थे ।

चौपड़ माँड़ी चौहटे, अरध उरध बाजार ।
 सतगुरु सेती खेलता, कबहुँ न आवै हार ॥३४॥
 जो हारौँ तो सेव गुरु, जो जीतौँ तो दाँव ।
 सत्तनाम से खेलता, जो सिर जावतो जाव ॥३५॥
 खोजी को डर बहुत है, पल पल पड़ै बिजोग ।
 प्रन राखत जो तन गिरै, सो तन साहिब जोग ॥३६॥
 अग्नि आँच सहना सुगम, सुगम खड़ग की धार ।
 नेह निभावन एक रस, महा कठिन ब्योहार ॥३७॥
 नेह निभाये ही बनै, सोचे बनै न आन ।
 तन दे मन दे सीस दे, नेह न दीजै जान ॥३८॥
 भाव भालका^१ सुरति सर^२, धरि धीरज कर^३ तान ।
 मन की मूठ जहाँ मँड़ी, चोट तहाँ हीँ जान ॥३९॥
 मेरे संसय कछु नहीं, लागा गुरु से हेत ।
 काम क्रोध से जूझना, चौड़े^४ माँड़ा खेत ॥४०॥
 कायर भया न छूटि है, कछु सूरता समाय ।
 भरम भालका दूर करि, सुमिरन सील मँजाय ॥४१॥
 केने परा ना छूटि है, सुन रे जीव अबूझ ।
 कबिरा मँड़ मैदान में, करि इंद्रिन से जूझ ॥४२॥
 बाँका गढ़ बाँका मता, बाँकी गढ़ की पौल^५ ।
 काछि कबीरा नोकला, जम सिर घाली रौल^६ ॥४३॥
 बाँकी तेग^७ कबीर की, अनी पड़ै दुइ टूक ।
 मारा मीर महाबली, ऐसी मूठ अचूक ॥४४॥
 कबीर तोड़ा मान गढ़, पकड़े पाँचे^८ स्वान^९ ।
 ज्ञान कुलहाड़ा^{१०} कर्म बन, काटि किया मैदान ॥४५॥

(१) गाँसी । (२) तीर । (३) हाथ । (४) मैदान में । (५) रास्ता । (६) खलबली ।
 (७) तलवार । (८) पाँचे कुत्ते । (९) कुल्हाड़ा ।

कबीर तोड़ा मान गढ़, मारे पाँच गनीम^१ ।
 सीस नवाया धनी को, साजी बड़ी मुहीम^२ ॥४६॥
 कबीर पाँचो मारिये, जा मारे सुख होय ।
 भला भली सब कोइ कहै, बुरा न कहसी कोय ॥४७॥
 ऐसी मार कबीर की, मुवा न दीसै कोय ।
 कह कबीर सोइ ऊबरे, धड़ पर सीस न होय ॥४८॥
 सूर सार संभालिया, पहिरा सहज संजोग ।
 ज्ञान गजंदा^३ चढ़ि चला, खेत पड़न का जोग^४ ॥४९॥
 सीतलता संजोय लै, सूर चढ़े संग्राम ।
 अब की भाज न सरत है, सिर साहिब के काम ॥५०॥
 सूर नाम धराइ के, अब का डरपै बीर ।
 मँड़ि रहना मैदान में, सन्मुख सहना तीर ॥५१॥
 तीर तुपक^५ से जो लड़ै, सो तो सूर न होय ।
 माया तजि भक्ती करै, सूर कहावै सोय ॥५२॥
 कबीर सोइ सूरमा, मन से माँड़ै जूझ ।
 पाँचो इंद्रि पकरि कै, दूरि करै सब दूझ ॥५३॥
 कबीर सोइ सूरमा, जा के पाँचो हाथ ।
 जा के पाँचो बस नहीं, तेहिं गुरु संग न साथ ॥५४॥
 कबीर रन में पैठि के, पीछे रहै न सूर ।
 साइँ से सनमुख भया, रहसी सदा हजूर ॥५५॥
 जाय पूछ वा घायलै, पीर दिवस निसि जागि ।
 बाहनहारा जानिहै, कै जानै जेहिं लागि ॥५६॥
 कबीर हीरा बनिजिया, महँगे मोल अपार ।
 हाड़ गला माटी मिली, सिर साटे ब्योहार ॥५७॥

(१) दुश्मन—काम क्रोध लोभ मोह अहंकार । (२) मुहिम या लड़ाई ।
 (३) हाथी । (४) शुभ घड़ी । (५) बंदूक ।

भागे भली न होयगी, कहाँ धरोगे पाँव ।
 सिर सौँपा सीधे लड़ा, काहे करो कुदाव ॥५८॥
 सूर सिलाह^१ न पहिरई, जब रन बाजा तूर ।
 माथा काटै धड़ लड़ा, तब जानीजे सूर ॥५९॥
 जोग से तो जौहर^२ भला, घड़ी एक का काम ।
 आठ पहर का जूझना, बिन खाँडे संग्राम ॥६०॥
 तोर तुपक बरछी बहै, बिगसि जायगा चाम ।
 सूर के मैदान में, कायर का क्या काम ॥६१॥
 सूर के मैदान में, कायर का क्या काम ।
 सूर से सूर मिलै, तब पूरा संग्राम ॥६२॥
 बिना पाँव का पंथ है, मंझि सहर अस्थान ।
 बिकट बाट औघट घना, कोइ पहुँचै संत सुजान ॥६३॥
 पंज असमाना जब लिया, तब रन धसिया सूर ।
 दिल सौँपा सिर ऊबरा, मुजरा धनी हजूर ॥६४॥
 रन धसिया ते ऊबरा, पाया गेह निवास ।
 घरे बधावा बाजिया, औ जीवन की आस ॥६५॥
 जब लगि धड़ पर सीस है, सूर कहावै सोय ।
 माथा टूटै धड़ लड़ा, कर्मद^३ कहावै सोय ॥६६॥
 सूर तो साचे मते, सहै जो सन्मुख धार ।
 कायर अनी चुभाइ कै, पाछे भँखै अपार ॥६७॥
 भाजि कहाँ लौं जाइये, भय भारी घर दूर ।
 बहुरि कबीरा खेत रहु, दल आया भर पूर ॥६८॥
 सार बहै लोहा भरै, टूटै जिरह^४ जंजीर ।
 अबिनासी की फौज में, माँड़ा दास कबीर ॥६९॥

(१) लड़ाई के हथियार, ढाल तरवार । (२) आत्म-घात, खुद-कुशी ।
 (३) एक राक्षस जिसका सिर गदा की मार से धड़ के भीतर घुस गया था
 लेकिन फिर भी वह लड़ता था, बिना सीस का जोधा । (४) बकतर ।

ज्ञान कमाना^१ लौ गुना^२, तन तरकस मन तीर ।
 भलका बहता सार का, मारै हृदफ^३ कबीर ॥७०॥
 कठिन कमान कबीर की, पड़ी रहै मैदान ।
 केते जोधा पचि गये, कोइ खँचै संत सुजान ॥७१॥
 घटी बढी जानै नहीं, मन में राखै जीत ।
 गाढ़र^४ लड़ै गजंद सा, देखो उलटी रीत ॥७२॥
 धुजा फरकै सुन्न में, बाजै अनहद तूर ।
 तकिया है मैदान में, पहुँचैगा कोइ सूर ॥७३॥
 नाम रसायन प्रेम रस, पोवत बहुत रसाल ।
 कबीर पीवन कठिन है, माँगै सीस कलाल ॥७४॥
 कायर भागा पीठ दै, सूर रहा रन माहिं ।
 पटा लिखाया गुरू पै, खरा खजीना खाहि ॥७५॥
 कायर सेरी^५ ताकवै, सूर माँडै^६ पाँव ।
 सीस जीव दोऊ दिया, पीठ न आया घाव ॥७६॥


पतिव्रता का अंग ।

पतिव्रता को सुख घना, जा के पति है एक ।
 मन मैली बिभिचारिनी, ता के खसम अनेक ॥१॥
 पतिव्रता मैली भली, काली कुचिल कुरूप ।
 पतिव्रता के रूप पर, वारैँ कोटि सरूप ॥२॥
 पतिव्रता पति को भजै, और न आन सुहाय ।
 सिंह बच्चा जो लंघना, तौभी घास ना खाय ॥३॥
 नैनौँ अंतर आव तू, नैन भाँपि तोहि लेवँ ।
 ना मैं देखौँ और को, ना तोहि देखन देवँ ॥४॥

(१) धनुष । (२) डोरी । (३) निशाना । (४) मेड़ । (५) रास्ता भांगने का ।
 (६) जमावै ।

कबीर सीप समुद्र की, रटै पियास पियास ।
 और बूँद को ना गहै, स्वाँति बूँद की आस ॥५॥
 पपिहा का पन देखि करि, धीरज रहै न रंच ।
 मरते दम जल में पड़ा, तऊ ना बोरी चंचर ॥६॥
 मैं सेवक समरस्थ का, कबहूँ ना होय अकाज ।
 पतिबरता नाँगी रहै, तो वाही पति को लाज ॥७॥
 मैं सेवक समरस्थ का, कोई पुरबला भाग ।
 सेती जागी सुंदरी, साईँ दिया सुहाग ॥८॥
 पतिबरता के एक तू, और न दूजा कोय ।
 आठ पहर निरखत रहै, सोई सुहागिन होय ॥९॥
 इक चित होय न पिय मिलै, पतिव्रत ना आवै ।
 चंचल मन चहुँ दिसु फिरै, पिय कैसे पावै ॥१०॥
 सुंदर तो साईँ भजै, तजै आन की आस ।
 ताहि ना कबहूँ परिहरै, पलक ना छाड़ै पास ॥११॥
 चढी अखाड़े सुंदरी, माँडा पिउ से खेल ।
 दीपक जोया ज्ञान का, काम जरै ज्येँ तेल ॥१२॥
 सूरा के तो सिर नहीं, दाता के धन नाहिँ ।
 पतिबरता के तन नहीं, सुरत बसै पिउ माहिँ ॥१३॥
 दाता के तो धन घना, सूरा के सिर बीस ।
 पतिबरता के तन सही, पत राखै जगदीस ॥१४॥
 पतिबरता मैली भली, गले काँच की पोत ।
 सब सखियन में येँ दिपै, ज्येँ रबि ससि की जात ॥१५॥
 पतिबरता पति को भजै, पति पर धरि बिस्वास ।
 आन दिसा चितवै नहीं, सदा पीव की आस ॥१६॥

पतिबरता बिभिचारिनी, एक मँदिर में बास ।
 वह रँग-राती पीव के, यह घर घर फिरै उदास ॥१७॥
 नाम न रटा तो क्या हुआ, जो अंतर है हेत ।
 पतिबरता पति को भजै, मुख से नाम न लेत ॥१८॥
 सुरत समानी नाम में, नाम किया परकास ।
 पतिबरता पति को मिली, पलक ना छाड़ै पास ॥१९॥
 साँड़ मेर सुलच्छना, मैं पतिबरता नार ।
 द्यो दीदार दया करो, मेरे निज भरतार ॥२०॥
 जो यह एक न जानिया, तो बहु जाने का होय ।
 एकै तेँ सब होत हैं, सब तेँ एक न होय ॥२१॥
 जो यह एकै जानिया, तो जानौ सब जान ।
 जो यह एक न जानिया, तो सबही जान अजान ॥२२॥
 सब आये उस एक में, डार पात फल फूल ।
 अब कहो पाछे क्या रहा, गहि पकड़ा जब मूल ॥२३॥
 प्रीति अड़ी है तुज्झ से, बहु गुनियाला कंत ।
 जो हँस बोलैँ और से, नील रँगाओं दंत ॥२४॥
 कबीर रेख सिंदूर अरु, काजर दिया न जाय ।
 नैनन प्रीतम रामि रहा, दूजा कहाँ समाय ॥२५॥
 आठ पहर चौँसठ घड़ी, मेरे और न कोय ।
 नैना माहौँ तू बसै, नाँद को ठौर न होय ॥२६॥
 मेरा साँड़ुँ एक तू, दूजा और न कोय ।
 दूजा साँड़ुँ तौ करैँ, जो कुल दूजा होय ॥२७॥
 पतिबरता तब जानिये, रतिउ न उघरै नैन ।
 अंतरगत सकुची रहै, बोलै मधुरे बैन ॥२८॥



खसम को, कबहुँ न किया बिचार।
 सतगुरु आन बतौइया, पूरबला भरतार ॥२९॥
 जो गावे सो गावना, जो जोड़ै सो जोड़।
 पतिबरता साधू जना, यहि कलि में है थोड़ ॥३०॥
 पतिबरता ऐसे रहै, जैसे चोली पान^१।
 तब सुख देखै पीव का, चित्त न आवै आन ॥३१॥
 मैं अबला पिउ पिउ करौँ, निरगुन मेरा पीव।
 सुन्न सनेही गुरु बिनु, और न देखौँ जीव ॥३२॥

सती का अंग ।

अब तो ऐसी हूँ परो, मन अति निर्मल कीन्ह।
 मरने का भय छाड़ि के, हाथ सिंधोरा लीन्ह ॥१॥
 ढोल दमामा बाजिया, सबद सुना सब कोय।
 जो सर^२ देखि सती भगै, दो कुल हाँसी होय ॥२॥
 सती जरन को नीकसी, चित धरि एक बिबेक।
 तन मन सौँपा पीव को, अंतर रही न रेख ॥३॥
 सती जरन को नीकसी, पिउ का सुमिरि सनेह।
 सबद सुनत जिय नीकसा, भूलि गई निज दैह ॥४॥
 सती बिचारी सत किया, काँटों सेज बिछाय।
 लै सूती पिय आपना, चहुँ दिस अगिनि लगाय ॥५॥
 सती न पीसै पीसना, जो पीसै सो राँड़।
 साधू भीख न माँगई, जो माँगै सो भाँड़ ॥६॥
 हाँ तोहि पूछों हे सखी, जीवत क्योँ न जराय।
 मूए पीछे सत करै, जीवत क्योँ न कराय ॥७॥

(१) चोली की दोनों टुकियों पर पान बना देते हैं। (२) अगिन।

बिभिचारिन का अंग ।

नारि कहावै पीव की, रहै और संग सोय ।
 जार सदा मन में बसै, खसम खुसी क्योँ होय ॥१॥
 सेज बिछावै सुन्दरी, अंतर परदा होय ।
 तन सौँपै मन दे नहीं, सदा दुहागिन सोय ॥२॥
 कबीर मन दीया नहीं, तन करि डारा जेर ।
 अंतरजामी लखि गया, बात कहन का फेर ॥३॥
 नवसत^१ साजे सुन्दरी, तन मन रही संजोय ।
 पिय के मन मानै नहीं, (ते) बिडँब^२ किये क्याहोय ॥४॥
 मुख से नाम रटा करै, निसु दिन साधन संग ।
 कहु धौँ कौन कुफेर से, नाहिन लागत रंग ॥५॥
 मन दीया कहिँ औरही, तन साधन के संग ।
 कह कबीर कोरी गजी, कैसे लागै रंग ॥६॥
 रात जगावै राँड़िया, गावै बिषया गीत ।
 मारै लौँदा लापसी, गुरू न लावै चीत ॥७॥
 बिभिचारिन बिभिचार में, आठ पहर हुसियार ।
 कह कबीर पतिवर्त बिन, क्योँ रोक्कै भरतार ॥८॥
 कबीर जो कोइ सुन्दरी, जानि करै बिभिचार ।
 ताहि न कबहूँ आदरै, परम पुरुष भरतार ॥९॥
 बिभिचारिन के बस नहीं, अपना तन मन सोय ।
 कह कबीर पतिवर्त बिन, नारी गई बिगोय ॥१०॥
 कबीर या जग आइ कै, कीया बहुतक मित^३ ।
 जिन दिल बाँधा एक से, ते सोवै निःचिंत ॥११॥

भक्ति का अंग ।

कबीर गुरु की भक्ति करू, तजि बिषया रस चौज ।
 बार बार नहीं पाइहै, मानुष जन्म की मौज ॥१॥
 भक्ति बीज बिनसै नहीं, आइ पड़ै जो चाल ।
 कंचन जो द्विष्टा पड़ै, घटै न ता को मोल ॥२॥
 गुरु भक्ती अति कठिन है, ज्यों खाँड़े की धार ।
 बिना साच पहुँचै नहीं, महा कठिन ब्यौहार ॥३॥
 भक्ति दुहेली^२ गुरु की, नहीं कायर का काम ।
 सीस उतारै हाथ से, सो लेसी सतनाम ॥४॥
 भक्ति दुहेली नाम की, जस खाँड़े की धार ।
 जो डालै तो कटि परै, निःचल उतरै पार ॥५॥
 कबीर गुरु की भक्ति का, मन में बहुत हुलास ।
 मन मनसा माँजै नहीं, होन चहत है दास ॥६॥
 हरष बढ़ाई देख करि, भक्ति करै संसार ।
 जब देखै कछु हीनता, औगुन धरै गँवार ॥७॥
 भक्ति निसेनी^३ मुक्ति की, संत चढ़े सब धाय ।
 जिन जिन मनआलस किया, जनम जनम पछिताय ॥८॥
 भक्ति बिना नहीं निस्तरै, लाख करै जो कोय ।
 सबद सनेही है रहै, घर को पहुँचै सोय ॥९॥
 जब लग नाता जगत का, तब लग भक्ति नहो होय ।
 नात तोड़ हरि को भजै, भक्त कहावै सोय ॥१०॥
 भक्ति प्रान तँ होत है, मन दै कीजै भाव ।
 परमारथ परतीत में, यह तन जाव तो जाव ॥११॥

(१) चाहे जैसे नीच ऊँच चोले या योनि में जीव आ पड़ें । (२) कठिन ।

(३) सीढ़ी ।

भक्ति भेष बहु अंतरा, जैसे धरनि अकास ।
 भक्त लीन गुरु चरन में, भेष जगत की आस ॥१२॥
 जहाँ भक्ति तहँ भेष नहीं, बर्नास्रम तहँ नाहिँ ।
 नाम भक्ति जो प्रेम से, सो दुर्लभ जग माहिँ ॥१३॥
 भक्ति कठिन दुर्लभ महा, भेष सुगम निज सांय ।
 भक्ति नियारी भेष तँ, यह जानै सब कोय ॥१४॥
 भक्ति पदारथ जब मिलै, जब गुरु होय सहाय ।
 प्रेम प्रीति की भक्ति जो, पूरन भाग मिलाय ॥१५॥
 सब से कहौँ पुकारि कै, क्या पंडित क्या सेख ।
 भक्ति ठानि सबदै गहै, बहुरि न काछै भेख ॥१६॥
 देखा देखी भक्ति का, कबहुँ न चढ़सी रंग ।
 बिपति पड़े यौँ छाड़सी, ज्यौँ कँचुली भुवंग ॥१७॥
 टोटे में भक्ती करै, ता का नाम सपूत ।
 माया धारी मस्खरे, केते ही गये ऊत ॥१८॥
 देखा देखी पकड़सी, गई छिनक में छूट ।
 कोई बिरला जन बाहुरे, सतगुरु स्वामी मूठ ॥१९॥
 ज्ञान संपूरन ना भिदा, हिरदा नाहिँ जुड़ाय ।
 देखा देखी भक्ति का, रंग नहीं ठहराय ॥२०॥
 प्रेम बिना जो भक्ति है, सो निज डिंभ बिचार ।
 उद्र भरन के कारने, जनम गँवायो सार ॥२१॥
 जान भक्त का नित मरन, अनजाने का राज ।
 सर औसर समझै नहीं, पेट भरन से काज ॥२२॥
 खेत बिगाखी खरतुआ^१, सभा बिगारी कूर^२ ।
 भक्ति बिगारी लालची, ज्यौँ केसर में धूर ॥२३॥

(१) एक निकम्मी घाल जो आस पास के अनाज की डालिये में को जला देती है
(२) दुष्ट ।

तिमिर गया रधि देखते, कुबुधि गई गुरु ज्ञान ।
 सुगति गई इक लोभ तँ, भक्ति गई अभिमान ॥२४॥
 भक्ति भाव भादौं नदी, सबै चलों घहराय ।
 सरिता सोई सराहिये, जो जेठ मास ठहराय ॥२५॥
 कामी क्रोधी लालची, इन तँ भक्ति न होय ।
 भक्ति करै कोइ सूरमा, जाति बरन कुल खोय ॥२६॥
 भक्ति दुवारा साकरा, राई दसवै भाव^१ ।
 मन ऐरावत^२ हूँ रहा, कैसे होय समाव ॥२७॥
 कबीर गुरु की भक्ति बिनु, धिग जीवन संसार ।
 धूआँ का सा धौलहर^३, जात न लागै बार ॥२८॥
 निरपच्छी को भक्ति है, निरमोही को ज्ञान ।
 निरदुन्दी को मुक्ति है, निरलोभी निर्बान ॥२९॥
 भक्ति सोई जो भाव से, इकसम चिम को राखि ।
 साच सोल से खेलिये, मैं तँ दोऊ नाखि * ॥३०॥
 सत्त नाम हल जोतिया, सुभिरन बीज जमाय ।
 खंड ब्रह्मंड सूखा पड़े, भक्ति बीज नहीं जाय ॥३१॥
 जल ज्यों प्यारा माछरी, लोभी प्यारा दाम ।
 माता प्यारा बालका, भक्त पियारा नाम ॥३२॥
 कबीर गुरु की भक्ति से, संसय डारा धेय ।
 भक्ति बिना जो दिन गया, सो दिन सालै मोय ॥३३॥
 जब लगि भक्ति सकाम है, तब लगि निरुफल सेव ।
 कह कबीर वह क्यों मिलै, निःकामी निज देव ॥३४॥
 भक्ति प्यारी नाम की, जैसी प्यारी आगि ।
 सारा पहन^४ जरि गया, बहुरि ले आवै माँगि ॥३५॥

(१) राई के दसवें भाग जैसा भोना दरवाजा भक्ति का है (२) इन्द्र का हाथी ।

(३) धरहरा । (४) डाल कर । (५) शहर ।

भक्ति बीज पलटै नहीं, जो जुग जाय अनंत ।
 ऊँच नीच घर जन्म ले, तऊ संत का संत ॥३६॥
 जाति बरन कुल खोइ के, भक्ति करै चित लाय ।
 कह कबीर सतगुरु मिलै, आवागवन नसाय ॥३७॥
 भक्ति गँद चौगान की, भावै कोइ लै जाय ।
 कह कबीर कछु भेद नहीं, कहा रंक कहा राय ॥३८॥

लव का अंग ।

लव लागी तब जानिये, छूटि कभूँ नहिँ जाय ।
 जीवत लव लागी रहै, मूए तहँहिँ समाय ॥१॥
 जब लग कथनी हम कथी, दूर रहा जगदीस ।
 लव लागी कल ना परै, अब बोलत न हदीस ॥२॥
 काया कम्मंडल भरि लिये, उज्जल निर्मल नीर ।
 पीवत तृषा न भाजही, तिरषा-वंत कबीर ॥३॥
 मन उलटा दरिया मिला, लागे मलि मलि न्हान ।
 थाहस थाह न आवडै, सो पूरा रहमान ॥४॥
 गंग जमुन उर अंतरे, सहज सुन्न लव घाट ।
 तहाँ कबीरा मठ रचा, मुनि जन जोवैँ बाट ॥५॥
 जेहि बन सिंह न संचरै, पंछी उडि नहिँ जाय ।
 रैन दिवस की गम नहीं, तहँ कबीर लव लाय ॥६॥
 लै पावौ तौ लै रहौ, लैन कहूँ नहिँ जाँव ।
 लै बूडै सो लै तिरै, लै लै तेरो नाँव ॥७॥
 लव लागी कल ना पडै, आप बिसरजनि दैह ।
 अमृत पीवै आतमा, गुरु से जुडै सनेह ॥८॥

जैसी लव पहिले लगी, तैसी निबहै ओर ।
 अपनी देह की को गिने, तारै पुरुष करोर ॥९॥
 लागी लागी क्या करै, लागी बुरी बलाय ।
 लागी सोई जानिये, जो वार पार होइ जाय ॥१०॥
 लागी लागी क्या करै, लागी नाहीं एक ।
 लागी सोई जानिये, परै कलेजे छेक ॥११॥
 लागी लागी क्या करै, लागी सोई सराह ।
 लागी तबही जानिये, उठै कराह कराह ॥१२॥
 लगी लगन छूटै नहीं, जीभ चाँच जरि जाय ।
 मीठा कहा अँगार में, जाहि चकोर चबाय ॥१३॥
 चकोर भरोसे चंद के, निगलै तप्त अँगार ।
 कह कधीर छाड़ै नहीं, ऐसी वस्तु लगार ॥१४॥
 जो तू पिय की प्यारिनी, अपना करि ले री ।
 कलह कल्पना मेटि कै, चरनेाँ चित दे री ॥१५॥
 और सुरत बिसरी सकल, लव लागी रहे संग ।
 आव जाव का से कहौं, मन राता गुरु रंग ॥१६॥
 ग्रंथ माहिँ पाया अरथ, अरथे माहीं मूल ।
 लव लागी निरमल भया, मिटि गया संसय सूल ॥१७॥
 सोवौं तो सुपने मिलै, जागौं तो मन माहिँ ।
 लोयन^२ राता सुधि हरी, बिछुरत कबहूँ नाहिँ ॥१८॥
 तूँ तूँ करता तूँ भया, तुझ में रहा समाय ।
 तुझ माहीं मन मिलि रहा, अब कहूँ अनस न जाय ॥१९॥

बिरह का अंग ।

बिरहिनि देइ सँदेसरा, सुनी हमारे पाव ।
 जल बिन मच्छीक्येाँ जिये, पानी में का जाव ॥१॥

बिरह तेज तन में तपै, अंग सबै अकुलाय ।
 घट सूना जिव पीव में, मौत हूँढ़ि फिर जाय ॥२॥
 बिरह जलंती देखि कर, साईं आयै घाय ।
 प्रेम बूँद से छिरक के, जलती लई बुझाय ॥३॥
 अँखियन तो भाँई परी, पंथ निहार निहार ।
 जिभ्या तो छाला परा, नाम पुकार पुकार ॥४॥
 नैनन तो भरि लाइया, रहट बहै निसु बास ।
 पपिहा ज्यों पिय पिय रटै, पिया मिलन की आस ॥५॥
 बिरह बड़े बैरी भयो, हिरदा धरै न धीर ।
 सुरत-सनेही ना मिलै, तब लगि मिटै न पीर ॥६॥
 बिरहिन ऊभो पंथ सिर, पंथिनि पूछै धाय ? ।
 एक सबद कहु पीव का, कब रे मिलैंगे आय ॥७॥
 बहुत दिनन की जावती, रटत तुम्हारे नाम ।
 जिव तरसै तुव मिलन को, मन नाही बिखाम ॥८॥
 बिरह भुवंगम^२ तन डसा, मंत्र न लागै कोय ।
 नाम बियोगी ना जियै, जिये तो बाउर^३ होय ॥९॥
 बिरह भुवंगम पैठि कै, किया कलेजे घाव ।
 बिरहिन अंग न मोड़िहै, ज्यों भावै त्यों खाव ॥१०॥
 बिरहा पीव पठाइयो, कहि साधू परमोधि^४ ।
 जा घट तालाबेलिया^५, ता को लावो सोधि ॥११॥
 कबीर सुन्दरि यों कहै, सुनिये कंत सुजान ।
 बेगि मिला तुम आइ के, नहीं तो तजिहाँ प्रान ॥१२॥
 कै बिरहिन को मोच दे, कै आपा दिखलाय ।
 आठ पहर का दाभना, मो पै सहा न जाय ॥१३॥

(१) बिरहिन रास्ते में खड़ी होकर बटोही से पूछती है। (२) साँप ।
 (३) बौड़वा । (४) शान्ति देना (५) ब्याकुलता ।

बिरह कमंडल कर लिये, बैरागी देा नैन ।
 माँगँ दरस मधूकरी, छुके रहैँ दिन रैन ॥१४॥
 येहि तन का दिवला करौँ, बाती मेलौँ जीव ।
 लोहू सीँचौँ तेल ज्यौँ, कब मुख देखौँ पीव ॥१५॥
 कबीर हँसना दूर करु, रोने से करु चीत ।
 बिन रोये क्यौँ पाइये, प्रेम पियारा मीत ॥१६॥
 हँसौँ तो दुख ना बीसरै, रोओँ बल घटि जाय ।
 मनहीं माहीं बिसुरना, ज्यौँ घुन काठहिँ खाय ॥१७॥
 कीड़े काठ जो खाइया, खात किनहुँ नहिँ दीठ ।
 छाल उपाहिँ जो देखिया, भीतर जमिया चीठ^१ ॥१८॥
 हँस हँस कंत न पाइया, जिन पाया तिन रोय ।
 हाँसी खेले हिये मिलैँ, तो कैन सुहागिन होय ॥१९॥
 सुखिया सब संसार है, खावै औ सोवै ।
 दुखिया दास कबीर है, जागै औ रोवै ॥२०॥
 नाम बियोगी विकल तन, ताहि न चीन्है कोय ।
 तम्बोली का पान ज्यौँ, दिन दिन पीला होय ॥२१॥
 नैन हमारे बावरे, छिन छिन लोडैँ^२ तुज्झ ।
 ना तुम मिलो न मैँ सुखी, ऐसी बेदन मुज्झ ॥२२॥
 माँस गया पिंजर रहा, ताकन लागे काग ।
 साहिब अजहुँ न आइया, मंद हमारे भाग ॥२३॥
 बिरहा सेती मति अडै, रे मन मोर सुजान ।
 हाड़ भास सब खात है, जीवत करै मसान ॥२४॥
 अंदेसो नहिँ भागसी, संदेसो कहि आय ।
 कै आत्रै पिय आपही, कै मोहिँ पास बुलाय ॥२५॥

आय सकेँ नहिँ तोहिँ पै, सकेँ न तुज्झ बुलाय ।
 जियरा येँ लय होयगा, बिरह तपाय तपाय ॥२६॥
 अँखियाँ प्रेम बसाइया, जनि जाने दुखदाय ।
 नाम सनेही कारने, रे रो रात बिताय ॥२७॥
 जोई अँसू सजन जन, सोई लोक बहाहि ।
 जो लोचन लोहू चुबै, तो जानौँ हेतु हियाहि ॥२८॥
 हवस करै पिय मिलन की, औ सुख चाहै अंग ।
 पीड़ सहे बिनु पदमिनी, पूत न लेत उछंग ॥२९॥
 बिरहिनि ओदी लाकड़ी, सपचे औ धुँधुआय ।
 छूट पड़ेँ या बिरह से, जो सिगरो जरि जाय ॥३०॥
 तन मन जोबन येँ जला, बिरह अग्नि से लागि ।
 मिर्तक पीड़ा जानही, जानैगी क्या आगि ॥३१॥
 फाड़ि पटोली^२ धुज करेँ, कामलड़ी^३ फहराय ।
 जेहिँ जेहिँ भेषे पिय मिलै, सोइ सोइ भेष कराय ॥३२॥
 परबत परबत मैँ फिरी, नैन गँवाये रोय ।
 सो बूटी पायेँ नहीं, जा तँ जीवन होय ॥३३॥
 बिरह जलती मैँ फिरेँ, मो बिरहिनि को दुख ।
 छाँह न बैठेँ डरपती, मत जलि उट्टै रुक्व^४ ॥३४॥
 चूड़ी पटकेँ पलंग से, चोली लाओँ आगि ।
 जा कारन यह तन घरा, ना सूती गल लागि ॥३५॥
 अंबर^५ कुजजा^६ करि लिया, गरजि भरे सब ताल ।
 जिन तँ प्रीतम बीछुरा, तिन का कौन हवाल ॥३६॥
 कागा करैक^७ ढँढोलिया^८, मुट्टी इक लिया हाड़ ।
 जा पिंजर बिरहा बसै, माँस कहाँ तँ काढ़ ॥३७॥

(१) उत्साह से । (२) दुपट्टा । (३) कमरी यानी छोटा कम्बल । (४) पेड़ ।
 (५) आकाश । (६) मिट्टी का भाँडा । (७) हड्डो की ठडो । (८) हूँडा ।

रक्त मांस सब भखि गया, नेक न कीन्ही कानि^१ ।
 अब बिरहा कूरर भया, लागा हाड़ चयान ॥३८॥
 बिरहा भयो बिछावना, ओढ़न बिपति बिजोग ।
 दुख सिरहाने पायतन^२, कौन अना संजोग ॥३९॥
 बिरहिनि बिरह जगाइया, पैठि ढँढोरै छार^३ ।
 मत कोइ कोइला ऊधरै, जारै दूजी बार ॥४०॥
 तन मन जोवन जारि के, भस्म करी है देह ।
 उठी कबीरा बिरहिनी, अजहुँ ढँढोरै खेह^४ ॥४१॥
 अंक भरी भरि भँटिये, मन नहिँ बाँधै धीर ।
 कह कबीर ते क्या मिले, जब लगि दोय सरोर ॥४२॥
 जो जन बिरही नाम के, भीना पिंजर तासु ।
 नैन न आवै नौदड़ी, अंग न जामै मासु ॥४३॥
 नाम बियोगी बिकल तन, कर दूओ मत कोय ।
 छूवत ही मरि जाइगो, तालाबेलो^५ होय ॥४४॥
 जो जन भीजे नाम रस, बिगसित कबहुँ न मुख ।
 अनुभव भावन दरसहो, ते नर सुख न दुख^६ ॥४५॥
 कबीर चिनगी बिरह की, मो तन पड़ी उड़ाय ।
 तन जरि घरती हू जरी, अंबर जरिया जाय ॥४६॥
 दीपक पावक आनिया, तेल भी लाया संग ।
 तीनेँ मिलि करि जोइया^६, उड़ि उड़ि मिलै पतंग ॥४७॥
 हिरदे भीतर दव^७ बलै, धुवाँ न परगट होय ।
 जा के लागी सो लखै, को जिन लाई सोय ॥४८॥

(१) लिहाज, मुरौवत । (२) पैताने । (३) राज को ढँढालती है । (४) तड़प, बेकली । (५) जो भक्त नाम रस में पगे हैं और जिन का अनुभव जागा है उनको बाहरी हर्ष नहीं होता और दुख सुख के परे हो जाते हैं । (६) संयोग । (७) आग ।

काल उठी भोली जली, खप्पर फूटम फूट ।
 हंसा जोगी चलि गया, आसन रही भभूत ॥४९॥
 आगे भागे दव बलै, पाछे हरियर होय १ ।
 बलिहारी वा बृच्छ^२ की, जड़ काटे फल जोय ॥५०॥
 कबीर सुपने रैन के, पड़ा कलेजे छेक ।
 जब सेवेँ तब दुइ जना, जब जागौं तब एक ॥५१॥
 पावक छपी नाम है, सब घट रहा समाय ।
 चित चकमक चहुटै^३ नहीं, धूवाँ है है जाय ॥५२॥
 बिरहा मो सो येँ कहै, गाढ़ा^४ पकड़ो मोहिँ ।
 चरन कमल की मौज में, ले पहुँचाओँ तोहिँ ॥५३॥
 सबही तरु तर जाइ के, सब फल लोन्हो चीख ।
 फिरि फिरि मँगत कबीर है, दरसनही की भीख ॥५४॥
 बिरह प्रबल दल साजि के, घेर लियो मोहिँ आय ।
 नहिँ मारै छाड़ै नहीं, तलफ तलफ जिय जाय ॥५५॥
 पिय बिन जिय तरसत रहै, पल पल बिरह सताय ।
 रैन दिवस मोहिँ कल नहीँ, सिसक सिसक जिय जाय ॥५६॥
 जो जन बिरही नाम के, तिन की गति है येह ।
 देही से उदम करै, सुमिरन करै बिदेह ॥५७॥
 साइँ सेवत जल गई, मास न रहिया देह ।
 साइँ जब लगि सेइहोँ, यह तन होय न खेह ॥५८॥
 निस दिन दाभै बिरहिनी, अंतरगत की लाय^५ ।
 दास कबीरा वरोँ बुझै, सतगुरु गये लगाय ॥५९॥
 पीर पुरानी बिरह की, पिंजर पीर न जाय ।
 एक पीर है प्रीति की, रही कलेजे छाय ॥६०॥

(१) भाड़ी को जला को से थोड़े दिन में वह खूब हरी उगती है । (२) चाह ।

(३) बोट लगाना । (४) मजबूत । (५) भाग ।

चाट सतावै बिरह की, सब तन जरजर होय ।
 मारनहारा जानही, कै जेहि लागी सोय ॥६१॥
 बिरहा बिरहा मत कहो, बिरहा है सुल्तान ।
 जा घट बिरह न संचरै, सो घट जान मसान ॥६२॥
 देखत देखत दिन गया, निस भी देखत जाय ।
 बिरहिनि पिय पावै नहीं, बेकल जिय घबराय ॥६३॥
 गलैँ तुम्हारे नाम पर, ज्येँ आटे में नेन ।
 ऐसा बिरहा मेल करि, नित दुख पावै कैन ॥६४॥
 सो दिन कैसा होयगा, गुरु गहँगे बाँहि ।
 अपना करि बैठावहीं, चरन कँवल की छाँहि ॥६५॥
 जो जन बिरही नाम के, सदा मगन मन माँहि ।
 ज्येँ दरपन की सुंदरी, किनहूँ पकड़ी नाहिँ ॥६६॥
 तन भीतर मन मानिया, बाहर कहूँ न लाग ।
 ज्वाला तँ फिर जल भया, बुझी जलंती आग ॥६७॥
 चकई बिछुरी रैन को, आय मिली परभात ।
 सतगुरु से जो बीछुरे, मिलैँ दिवस नहिँ रात ॥६८॥
 बासर सुख नहिँ रैन सुख, ना सुख सुपने माँहि ।
 सतगुरु से जो बीछुरे, तिन को धूप न छाँहि ॥६९॥
 बिरहिनि उठिउठि भुइँ परै, दरसन कारन राम ।
 मूए पीछे देहुगे, सो दरसन केहि काम ॥७०॥
 मूए पीछे मत मिलौ, कहै कबीरा राम ।
 लोहा माटी मिलि गया, तब पारस केहि काम ७१॥
 यह तन जा रि भसम करैँ, धूवाँ होय सुरंग ।
 कबहुक गुरु दाया करैँ, बरसि बुझावैँ अंग ॥७२॥

यह तनजारि के मसि^१ करौं, लिखौं गुरु का नाँव ।
 करौं लेखनो^२ करम को, लिखि लिखि गुरु पठाँव ॥७३॥
 बिरहा पत लोहार का, धँवै^३ हमारी देह ।
 कोइला है नहिँ छूटिहै, जब लगि होय न खेह ॥७४॥
 बिरहिनि थी तौ क्यों रही, जरी न पिउ के साथ ।
 रहि रहि मूढ़ गहेलरी, अब क्यों मौँजै हाथ ॥७५॥
 लकरी जरि कोइला भई, मो तन अजहूँ आगि ।
 बिरह की ओदी लाकरी, सिलगि सिलगि उठि जागि ॥७६॥
 बिरह बिधा वैराग की, कही न काहू जाय ।
 गूंगा सुपना देखिया, समझिसमझि पछिताय ॥७७॥
 सब रग ताँत रबाब^४ तन, बिरह बजावे नित्त ।
 और न कोई सुनि सकै, कै साईँ कै चित्त ७८॥
 तूँ मति जानै बीसरुँ, प्रीति घटै मम चित्त ।
 मरुँ तो तुम सुमिरत मरुँ, जिऊँ तो सुमिहूँ नित्त ॥७९॥
 मो बिरहिनि का पिउ मुआ, दाग न दीया जाय ।
 मासहिँ गलिगलि भुईँ परा, करँक रही लपटाय ॥८०॥
 मली भई जो पिउ मुआ, नित्त उठि करता रार ।
 छूटी गल की फाँसरी, सोँजँ पाँव पसार ॥८१॥
 जीव बिलंबा पीव से, अलख लखयो नहिँ जाय ।
 साहिब मिलै न भल बुझै, रही बुझाय बुझाय ॥८२॥
 जीव बिलंबा पीव से, पिय जो लिया मिलाय ।
 लेख समान^५ अलेख में, अब कछु कहा न जाय ॥८३॥
 आगि लगी आकास में, भरि करि परै अँगार ।
 कबिरा जरि कंचन भया, काँच भया संसार ॥८४॥

(१) सियाही । (२) कलम । (३) धँकै । (४) एक बाजा जो मुँह से बजाया जाता है । (५) समाया ।

बिरह अगिन तन मन जला, लागि रहा तत जीव ।
 कै वा जानै बिरहिनी, कै जिन भैंटा पीव ॥८५॥
 बिरह कुल्हारी तन बहै^१, घाव न बाँधै रोह ।
 मरने का संसय नहीं, छूटि गया भ्रम मोह ॥८६॥
 कबीर वैद बुलाइया, पकरि के देखी बाँहिँ ।
 वैद न बेदन जानई, करक करेजे माहिँ ॥८७॥
 जाहु वैद घर आपने, तेरा किया न होय ।
 जिन या बेदन निर्मई^२, भला करैगा सोय ॥८८॥
 जाहु मीत घर आपने, बात न पूछै कोय ।
 जिन यह भार लदाइया, निरबाहैगा सोय ॥८९॥

प्रेम का अंग ।

यह तो घर है प्रेम का, खाला का घर नाहिँ ।
 सीस उतारै भुँइ धरै, तब पैठै घर माहिँ ॥१॥
 सीस उतारै भुँइ धरै, ता पर राखै पाँव ।
 दास कबोरा यौँ कहै, ऐसा होय तो आव ॥२॥
 प्रेम न बाड़ी ऊपजै, प्रेम न हाट बिकाय ।
 राजा परजा जेहि रुचै, सीस देइ लै जाय ॥३॥
 प्रेम पियाला जो पियै, सीस दचिछना देय ।
 लोभी सीस न दे सकै, नाम प्रेम का लेय ॥४॥
 प्रेम पियाला भरि पिया, राचि रहा मुरु ज्ञान ।
 दिया नगारा सबद का, लाल खड़े मैदान ॥५॥
 छिनहिँ चढ़ै छिन ऊतरै, सो तो प्रेम न होय ।
 अघट^३ प्रेम पिँजर बसै, प्रेम कहावै सोय ॥६॥

(१) बहै । (२) उपजाई, पैदा की । (३) जो कभी घटता नहीं ।

आया प्रेम कहाँ गया, देखा था सब कोय ।
 छिन रोवै छिन मैं हँसै, सो तो प्रेम न होय ॥७॥
 प्रेम प्रेम सब कोइ कहै, प्रेम न चीन्है कोय ।
 आठ पहर भीना रहै, प्रेम कहावै सोय ॥८॥
 प्रेम पियारे लाल सेँ, मन दे कीजै भाव ।
 सतगुरु के परसाद से, भला बना है दाव ॥९॥
 जब मैं था तब गुरु नहीं, अब गुरु हैं हम नाहिँ ।
 प्रेम गली अति साँकरी, ता मैं दे न समाहिँ ॥१०॥
 जा घट प्रेम न संचरै, सो घट जानु मसान ।
 जैसे खाल लोहार की, साँस लेत बिन प्रान ॥११॥
 आया बगूला^१ प्रेम का, तिनका उड़ा अकास ।
 तिनका तिनका से मिला, तिनका तिनके पास ॥१२॥
 प्रेम बिकंता मैं सुना, माथा साटे^२ हाट^३ ।
 बूझत बिलँब न कीजिये, तत्छिन दीजै काट ॥१३॥
 प्रेम बिना धीरज नहीं, बिरह बिना बैराग ।
 सतगुरु बिन जावै नहीं, मन मनसा का दाग ॥१४॥
 प्रेम तो ऐसा कीजिये, जैसे चन्द चकोर ।
 घोंच^४ टूटि भुङ्गें माँ गिरै, चितवै वाही ओर ॥१५॥
 अधिक सनेही माछरी, दूजा अल्प सनेह ।
 जबहीं जल तें बीछुरै, तबही त्यागै देह ॥१६॥
 सौ जोजन साजन बसै, मानो हृदय मैंभार ।
 कपट सनेहि आँगने, जानु समुंदर पार ॥१७॥
 यह तत वह तत एक है, एक प्रान दुइ गात ।
 अपने जिय से जानिये, मेरे जिय की बात ॥१८॥

हम तुम्हरो सुमिरन करै, तुम मोहिँ चितवौ नाहिँ ।
 सुमिरन मन की प्रीति है, सो मन तुमहौँ माहिँ ॥१९॥
 मेरा मन तो तुज्झ से, तेरा मन कहूँ और ।
 कह कधीर कैसे बनै, एक चित्त दुइ ठौर ॥२०॥
 ज्योँ मेरा मन तुज्झ से, योँ तेरा जो होय ।
 अहरन ताता लोह ज्योँ, संधि लखै ना कोय ॥२१॥
 प्रीति जो लागी घुलि गई, पैठि गई मन माहिँ ।
 रोम रोम पिउ पिउ करै, मुख की सरधा नाहिँ ॥२२॥
 जो जागत सो स्वप्न में, ज्योँ घट भीतर स्वास ।
 जो जन जा को भावता, सो जन ता के पास ॥२३॥
 सोना सज्जन साधु जन, टूटि जुटै सौ बार ।
 दुर्जन कूम्भ कुम्हार का, एकै धका दरार ॥२४॥
 प्रीति ताहि से कीजिये, जो आप समाना होय ।
 कबहुँक जो अवगुन परै, गुनहौँ लहै समोय ॥२५॥
 प्रेम बनिज नहिँ करि सकै, चढ़ै न नाम की गैल ।
 मानुष केरी खालरी, ओढ़ि फिरै ज्योँ बैल ॥२६॥
 जहाँ प्रेम तहँ नेम नहिँ, तहाँ न बुधि ब्योहार ।
 प्रेम मगन जब मन भया, तबकैन गिनै तिथि बार ॥२७॥
 प्रेम पाँवरी पहिरि कै, धीरज काजर देइ ।
 सील सिंदूर भराइ कै, योँ पियका सुख लेइ ॥२८॥
 प्रेम छिपाया ना छिपै, जा घट परघट होय ।
 जो पै मुख बालै नहीं, तो नैन देत है रोय ॥२९॥

(१) सज्जन और साधु जन सोने के समान हैं कि सौ बार टूटने पर जुट जाते हैं पर दुष्ट जन मट्टी के घड़े के सदृश होते हैं जिस में एक ही धक्का गने से दरार पड़ जाती है ।

प्रेम भाव इक चाहिये, भेष अनेक बनाय ।
 भावे गृह में बास कर, भावे बन में जाय ॥३०॥
 जोगी जंगम सेवड़ा, सन्यासी दुःखेस ।
 बिना प्रेम पहुँचै नहीं, दुरलभ सतगुरु देस ॥३१॥
 पीया चाहै प्रेम रस, राखा चाहै मान
 एक म्यान में दो खड़ग, देखा सुना न कान ॥३२॥
 प्रेमी हूँहत मैं फिरौं, प्रेमी मिलै न कोय ।
 प्रेमी से प्रेमी मिलै, गुरु भक्ती दूढ़ होय ॥३३॥
 कबीर प्याला प्रेम का, अंतर लिया लगाय ।
 रोम रोम में रमि रहा, और अमल क्या खाय ॥३४॥
 कबीर हम गुरु रस पिया, बाकी रही न छाक^१ ।
 पाका कलस कुम्हार का, बहुरि न चढ़सी चाक ॥३५॥
 नाम रसायन अधिक रस, पीवत अधिक रसाल^२ ।
 कबीर पावन दुलभ है, माँगै सीस कलाल^३ ॥३६॥
 कबीर भाठी प्रेम की, बहुतक बैठे आय ।
 सिर सौँपै सो पीवसी, नातर^४ पिया न जाय ॥३७॥
 यह रस महँगा पिवै सो, छाड़ि जीव की बान ।
 माथा साटे^५ जो मिलै, तौ भी सस्ता जान ॥३८॥
 पिया रस पिया सो जानिये, उतरै नहीं खुमार ।
 नाम अमल माता रहै, पियै अमी रस सरर ॥३९॥
 सबै रसायन मैं किया, प्रेम समान न कोय ।
 रति इक तन में संचरै, सब तन कंचन होय ॥४०॥
 सागर उमड़ा प्रेम का, खेवटिया कोइ एक ।
 सब प्रेमी मिलि बूढ़ते, जो यह नहिँ होता टेक ॥४१॥

(१) इच्छा । (२) मच्छा, मीठा । (३) शराब बनाने वाला । (४) नहीं तो ।

(५) बचले ।

यही प्रेम निरबाहिये, रहनि किनारे बैठि ।
 सागर तें न्यारा रहा, गया लहरि में पैठि ॥४२॥
 अमृत केरी मोटरी, रोखी सतगुरु छोरि ।
 आप सरोखा जो मिलै, ताहि पिलावै घोरि ॥४३॥
 अमृत पीवै ते जना, सतगुरु लागा कान ।
 बस्तु अगोचर मिलि गई, मन नहिँ आवै आन ॥४४॥
 साधू सोप समुद्र के, सतगुरु स्वाँती बूंद ।
 तृषा गई इक बूंद से, स्या ले करैँ समुद्र ॥४५॥
 मिलना जग में कठिन है, मिलि बिछुड़े जनि कोय ।
 बिछुड़ा सज्जन तेहि मिलै, जिन माथे मनि होय ॥४६॥
 जोड़ मिलै सो प्रीति में, और मिलै सब कोय ।
 मन से मनसा ना मिलै, तो दँह मिले का होय ॥४७॥
 जो दिल दिलही में रहै, सो दिल कहूँ न जाय ।
 जो दिल दिल से बाहिरा, सो दिल कहाँ समाय ॥४८॥
 जैसी प्रीति कुटुम्ब से, तैसिहु गुरु से होय ।
 कहै कबीर वा दास का, पला न पकड़े कोय ॥४९॥
 नैनों की करि कोठरी, पुतली पलँग बिछाय ।
 पलकैँ की चिक्र डारि कै, पिय को लिया रिझाय ॥५०॥
 जब लगि मरने से डरै, तब लगि प्रेमी नाहिँ ।
 बड़ी दूर है प्रेम घर, समुझि लेहु मन माहिँ ॥५१॥
 पिय का मारग कठिन है, खाँड़ा हो जैसा ।
 नाचन निकसी बापुरी, फिर घूँघट कैसा ॥५२॥
 पिय का मारग सुगम है, तेरा चलन अनेड़ ।
 नाच न जानै बापुरी, कहै झाँगना टेढ़ ॥५३॥
 यह तो घर है प्रेम का, मारग अगम अगाध ।
 सीस काटि पग तर धरै, तब निकट प्रेम का स्वाद ॥५४॥

प्रेम भक्ति का गेह है, ऊँचा बहुत इकंत ।
 सीस काटि पग तर धरै, तब पहुँचै घर संत ॥५५॥
 क्षीस काटि पासंग किया, जीव सेर भर लीन्ह ।
 जो भावै सो आइ ले, प्रेम आगे हम कीन्ह ॥५६॥
 प्रेम प्रीति में रचि रहै, मोच्छ मुक्ति फल पाय ।
 सबद माहिँ तब मिलि रहै, नहिँ आवै नहिँ जाय ॥५७॥
 जो तू प्यासा प्रेम का, सीस काटि करि गोय ।
 जब तू ऐसा करैगा, तब कछु होय तो होय ॥५८॥
 हरि से तू जनि हेत कर, कर हरिजन से हेत ।
 माल मुलुक हरि देत है, हरिजन हरिहीँ देत ॥५९॥
 प्रीति बहुत संसार में, नाना बिधि की सोय ।
 उत्तम प्रीति सो जानिये, सतगुरु से जो होय ॥६०॥
 गुनवंता औ द्रव्य की, प्रीति करै सब कोय ।
 कबीर प्रीति सो जानिये, इन तँ न्यारी होय ॥६१॥
 कबीर ता से प्रीति करु, जो निरबाहै ओर ।
 बनै तो बिबिधि न राबिये, देखत लागै खार ॥६२॥
 कहा भयो तन बीछुरे, दूरि बसे जे बास ।
 नैनाहीँ अंतर परा, प्रान तुम्हारे पास ॥६३॥
 जो है जा का भावता, जय तय मिलिहै आय ।
 तन मन ता को सौँपिये, जो कबहूँ छाड़ि न जाय ॥६४॥
 जल में बसै कमेदिनी, चंद्रा बसै अकास ।
 जो है जा का भावता, सो ताही के पास ॥६५॥
 तन दिखलावै आपना, कछू न राखै गोय ।
 जैसी प्रीति कमेदिनी, ऐसी प्रीति जो होय ॥६६॥
 सही हेत है तासु का, जा के सतगुरु टेक ।
 टेक निबाहै दँह भरि, रहै सबद मिलि एक ॥६७॥

पासा पकड़ा प्रेम का, सारी^१ किया सरीर ।
 सतगुरु दाव बताइया, खेलै दास कबीर ॥६८॥
 खेल जो मँडा खिलाड़ि से, आनँद बढ़ा अघाय ।
 अब पासा काहू परौ, प्रेम बँधा जुग जाय ॥६९॥
 प्रीतम को पतियाँ लिखूँ, जो कहूँ होय बिदेस ।
 तन में मन में नैन में, ता को कहा सँदेस ॥७०॥

सतसंग का अंग ।

[सज्जन के लिये]

संगति से सुख ऊपजै, कुसंगति से दुख जाय ।
 कहै कबीर तहँ जाइये, साधु संग जहँ होय ॥१॥
 संगति कीजे संत की, जिन का पूरा मन ।
 अनतोले ही देत हैं, नाम सरीखा धन ॥२॥
 कबीर संगत साध की, हरै और की व्याधि ।
 संगत बुरी असाध की, आठो पहर उपाधि ॥३॥
 कबीर संगत साध की, जौ की भूसी खाय ।
 खोर खाँड़ भोजन मिलै, साकट संग न जाय ॥४॥
 कबीर संगत साध की, ज्यों गंधी का बास ।
 जो कलु गंधो दे नहीं, तौ भी बास सुबास ॥५॥
 ऋद्धि सिद्ध माँगौ नहीं, माँगौ तुम पै येह ।
 निसु दिन दरसन साध का, कह कबीर मोहिँ देय ॥६॥
 कबीर संगत साध की, निरुफल कधी न होय ।
 होसी चंदन बासना, नाम न कहसी कोय ॥७॥

कबीर संगत साध की, नित प्रति कीजै जाय ।
 दुर्भति दूर बहावसी, देसी सुमति बताय ॥८॥
 मथुरा भावै द्वारिका, भावै जा जगन्नाथ ।
 साधसंगति हरिभजनबिनु, कछू न आवै हाथ ॥९॥
 साधसंगति अंतर पड़ै, यह मति कबहुँ न होय ।
 कहै कबीर तिहुँ लोक में, सुखी न देखा कोय ॥१०॥
 कबीर कलह रु करपना, सतसंगति से जाय ।
 दुख वा से भागा फिरै, सुख में रहै समाय ॥११॥
 साधुन के सतसंग तैं, थरहर काँपै दैंह ।
 कबहुँ भाव कुभाव तैं, मत मिटि जाय सनेह ॥१२॥
 राम बुलावा भेजिया, दिया कबीरा रोय ।
 जो सुख साधु संग में, सो बेकुँठ न होय ॥१३॥
 बंधे को बंधा मिलै, छूटै कौन उपाय ।
 कर संगति निरबंध की, पल में लेइ छुड़ाय ॥१४॥
 जा पल दरसन साधु का, ता पल को बलिहारि ।
 सत्त नाम रसना बसै, लीजै जनम सुधारि ॥१५॥
 ते दिन गये अकारथी, संगति भई न संत ।
 प्रेम बिना पसु जीवना, भक्ति बिना भगवंत ॥१६॥
 कबीर लहर समुद्र की, निरुफल कधी न जाय ।
 बगुला परख न जानई, हंसा चुगि चुगि खाय ॥१७॥
 जा घर गुरु की भक्ति नहिँ, संत नहीं मिहमान ।
 ता घर जम डेरा दिया, जावत भये मसान ॥१८॥
 कबीर ता से संग करू, जो रे भजै सत नाम ।
 राजा राना छत्रपति, नाम बिना बेकाम ॥१९॥
 कबीर मन पंछी भया, भावै तहवाँ जाय ।
 जो जैसी संगति करै, सो तैसा फल खाय ॥२०॥

कबीर चंदन के ढिँगे, बेधा ढाक पलास ।
 आप सरीखा करि लिया, जो था वा के पास ॥२१॥
 कबीर खाई कोट की, पानी पिवै न कोय ।
 जाइ मिलै जब गंग से, सध गंगोदक होय ॥२२॥
 एक घड़ी आधी घड़ी, आधी हूँ से आध ।
 कबीर संगति साध की, कटै कोटि अपराध ॥२३॥
 घड़िहू की आधी घड़ी, भाव भक्ति में जाय ।
 सतसंगति पल ही भली, जम का धका न खाय ॥२४॥

[दुजैन के लिये]

संगति भई तो क्या भया, हिरदा भया कठोर ।
 नौ नेजा पानी चढ़ै, तऊ न भीजै कोर ॥२५॥
 हरिया जानै हूखड़ा, जो पानी का नेह ।
 सूखा काठ न जान ही, केतहु बूड़ा मेह ॥२६॥
 कबीर मूढक प्रानियाँ, नखासख पाखर आहि ।
 बाहनहारा क्या करै, बान न लागै ताहि ॥२७॥
 पसुवा से पाला परघो, रहु रहु हिया न खीज ।
 ऊसर बीज न ऊगसो, घालै दूना बीज ॥२८॥
 साखी सबद बहुत सुना, मिटा न मन का दाग ।
 संगति से सुधरा नहीं, ता का बड़ा अभाग ॥२९॥
 चंदन पसा बावना, बिष ना तजै भुवंग ।
 यह चाहै गुन आपना, कहा करै सतसंग ॥३०॥
 कबीर चंदन के निकट, नीम भी चंदन होय ।
 बूढ़े बाँस बड़ाइया, यौं जनि बूढ़ा कोय ॥३१॥

चंदन जैसा साध है, सर्पहिं सम संसार ।
 वा के अँग लपटा रहे, भाजै नाहिं बिकार ॥३२॥
 भुवँगम बास न बेधई, चंदन दोष न लाय ।
 सब अँगतो बिष से भरा, अमृत कहाँ समाय ॥३३॥
 सत्त नाम रटिबो करै, निसु दिन साधुन संग ।
 कहे जो कौन बिचारतै, नाहीं लागत रंग ॥३४॥
 मन दीया कहुँ औरही, तन साधुन के संग ।
 कहै कबीर कोरी गजी, कैसे लागै रंग ॥३५॥

कुसंग का अंग ।

जानि बूझि साची तजै करै झूठ से नेह ।
 ता की संगति हे प्रभू, सपनेहू मत देह ॥१॥
 काँचा सेती मत मिलै, पाका सेती बान ।
 काँचा सेती मिलत हो, होय भक्ति में हान ॥२॥
 तोहि पीर जो प्रेम की, पाका सेतो खेल ।
 काँची सरसाँ प्रेरि कै, खली भया ना तेल ॥३॥
 कुल टूटा काँची परी, सरा न एकौ काम ।
 चौरासी बासा भया, दूरि परा सतनाम ॥४॥
 दाग जो लागी नील का, सौ मन साधुन धोय ।
 कोटि जतन परबोधिये, कागा हंस न होय ॥५॥
 मूख के समुझावने, ज्ञान गाँठि को जाय ।
 कोइला होय न ऊजला, सौ मन साधुन लाय ॥६॥
 लहसुन से चंदन डरै, मतर बिगारै बास ।
 निगुरा से सगुरा डरै, यों डरपै जग से दास ॥७॥

संसारी साकट भला, कन्या क्वारी भाय ।
 साधु दुराचारी बुरा, हरिजन तहाँ न जाय ॥८॥
 साधु भया तो क्या भया, माला पहिरी चार ।
 ऊपर कली^१ लपेटि कै, भीतर भरी भँगार ॥९॥
 कबीर कुसँग न कीजिये, लोहा जल न तिराय ।
 कदली^२ सीप भुवंग मुख, एक बूँद त्रिप्राय ॥१०॥
 उज्जल बूँद अकास की, परि गई भूमि बिकार ।
 मूल बिना ठामा^३ नहीं, बिन संगति भो छार ॥११॥
 हरिजन सेती रुसना, संसारी से हेत ।
 ते नर कधी न नोपजै, ज्यों कालर^४ का खेत ॥१२॥
 गिरिये पर्वत सिखर तें, परिये धरनि मँभार ।
 मूरख मित्र न कीजिये, बूढ़ी काली धार ॥१३॥
 मारो मरै कुसँग की, ज्यों केला ढिग बेरि ।
 वह हालै वह जीरई^५, साकट संग निबेरि ॥१४॥
 केला तबहिँ न चेतिया, जब ढिग जागी बेरि ।
 अन्न के चेतै क्या भया, काँटेँ लीन्हा घेरि ॥१५॥
 कबीर कहते क्योँ बनै, अनबनता के संग ।
 दीपक को भावै नहीं, जरि जरि मरै पतंग ॥१६॥
 ऊँचे कुठ कहा जनमिया, जो करनी ऊँचि न होय ।
 कनक कलस मद से भरा, साधन निंदा सोय ॥१७॥

सुद्धम मार्ग का अंग ।

उत तें कोई न बाहुरा जा से बूझूँ धाय ।
 इत तें सब हो जात है, मार लदाय लदाय ॥१॥

(१) कली । (२) केला । (३) ठौद, ठिकाना । (४) रेहार यानी रेह का ।
 ५) मुरझाय ।

उत तँ सतगुरु आइया, जा की बुधि है धीर ।
 भवसागर के जीव को, खेड़ लगावै तीर ॥२॥
 गागर ऊपर गागरी, चोले ऊपर द्वार ।
 सूली ऊपर साँथरा, जहाँ बुलावै यार ॥३॥
 कौन सुरति लै आवई, कौन सुरति लै जाय ।
 कौन सुरति है इस्थिरे, सो गुरु देहु बताय ॥४॥
 बास^१ सुरति लै आवई, सबद सुरति लै जाय ।
 परिचय स्रुति है इस्थिरे, सो गुरु दई बताय ॥५॥
 जा कारन मैं जाय था, सो तो मिलिया आय ।
 साई तँ सन्मुख भया, लागि कबीरा पाँय ॥६॥
 जो आवै तो जाय नहिँ, जाय तो आवै नाहिँ ।
 अकथ कहानी प्रेम की, समुझि लेहु मनमाहिँ ॥७॥
 कौन देस कहँ आइया, जानै कोई नाहिँ ।
 वह मारग पावै नहीं, भूलि परै येहि माँहि ॥८॥
 हम चाले अमरावती, टारे दूरे टाट ।
 आवन होय तो आइयो, सूली ऊपर बाट ॥९॥
 सूली ऊपर घर करै, बिष का करै अहार ।
 ता का काल कहा करै, जो आठ पहर हुसियार ॥१०॥
 यार बुलावै भाव से, मो पै गया न जाय ।
 धन मैली पिउ ऊजला, लागि न सककेँ पाँय ॥११॥
 नाँव न जानै गाँव का, बिन जाने कित जाँव ।
 चलते चलते जुग भया, पाव कोस पर गाँव ॥१२॥
 सतगुरु दीन दयाल है, दया करी मोहिँ आय ।
 कोटि जनम का पंथ था, पल मैं पहुँचा जाय ॥१३॥

अगम पंथ मन थिर रहै, बुद्धि करै परबेस ।
 तन मन धन सब छाड़ि कै, तत्र पहुँचै वा देस ॥१४॥
 सब को पूछत मैं फिरा, रहन कहै नाहिँ कोय ।
 प्रीति न जोरै गुरु से, रहन कहाँ से होय ॥१५॥
 चलन चलन सब कोइ कहै, मोहिँ अँदेसा और ।
 साहिब से परिचय नहीं, पहुँचैंगे केहि ठौर ॥१६॥
 कबीर मारग कठिन है, कोइ सके न जाय ।
 गया जो सो बहुरै नहीं, कुसल कहै को आय ॥१७॥
 कबीर का घर सिखर पर, जहाँ सिलहिओ गैल ।
 पाँव न टिकै पपीलि^१ का, पंडित लादे बैल ॥१८॥
 जहाँ न चींटी चढ़ि सके, राई ना ठहराय ।
 मनुवाँ तहँ लै राखिया, तहँई पहुँचे जाय ॥१९॥
 कबीर मारग कठिन है, सब मुनि बैठे थाकि ।
 तहाँ कबीरा चढ़ि गया, गहि सतगुरु की साखि^२ ॥२०॥
 सुर नर थाके मुनि जना, उहाँ न कोइ जाय ।
 मोटा^३ भाग कबीर का, तहाँ रहा घर लाय ॥२१॥
 सुर नर थाके मुनि जना, थाके त्रिस्तु महेश ।
 तहाँ कबीरा चढ़ि गया, सतगुरु के उपदेस ॥२२॥
 कबीर गुरु हथियार करि, कूड़ा गली निवारु ।
 जो जो पंथे चालना, सो सो पंथ सँभारु ॥२३॥
 अगम हूँ तँ अगम है, अपरम्पार अपार ।
 तहँ मन धीरज क्यौँ धरै, पंथ खरा निरधार ॥२४॥
 बिन पाँवन की राह है, बिन बस्तो का देस ।
 बिना पिंड का पुरुष है, कहै कबीर सँदेस ॥२५॥

जेहि पैड़े पंडित गया, तिस हो गही बहीर^१ ।
 औघट घाटी नाम की, तहँ चढ़ि रहा कबीर ॥२६॥
 घाटहि पानी सब भरै, औघट भरै न कोय ।
 औघट घाट कबीर का, भरै सो निर्मल होय ॥२७॥
 बाट बिचारी क्या करै, पंथि न चलै सुधार ।
 राह आपनी छाड़ि कै, चलै उजाड़ उजाड़ ॥२८॥
 कहँ तँ तुम जो आइया, कौन तुम्हारा ठाम ।
 कौन तुम्हारी जाति है, कौन पुरुष का नाम ॥२९॥
 अमर लोक तँ आइया, सुख के सागर ठाम ।
 जाति हमारि अजाति है, अमर पुरुष का नाम ॥३०॥
 कहवाँ तँ जिव आइया, कहवाँ जाय समाय ।
 कौन डोरि धरि संचरै^२, मोहिँ कहो समुभाय ॥३१॥
 सरगुन तँ जिव आइया, निरगुन जाय समाय ।
 सुरति डोर धरि संचरै, सतगुरु कहि समुभाय ॥३२॥
 ना वहँ आवागवन था, नहिँ धरता आकास ।
 कबीर जन कहवाँ हते, तब था कोइ न पास ॥३३॥
 नाहीं आवागवन था, नहिँ धरती आकास ।
 हतो कबीरा दास जन, साहिब पास खवास ॥३४॥
 पहुँचेंगे तब कहेंगे, वही देस की सीच^३ ।
 अबहीं कहा तड़ागिये^४, बेड़ी पायन बीच ॥३५॥
 करता को गति अगम है, चलु गुरु के उनमान ।
 धीरे धीरे पाँव दे, पहुँचेंगे परमान ॥३६॥
 प्रान पिंड को तजि चलै, मुआ कहै सब कोय ।
 जीव छता^५ जाँमै मरै, सूछम लखै न सोय ॥३७॥

(१) लाग, संसार । (२) घुसै, चढ़ै । (३) शीतल स्थान । (४) कुरना, डोंग मारना ।

मरिये तो मरि जाइये, छूटि परै जंजार ।
ऐसा मरना को मरै, दिन में सौ सौ बार ॥३८॥

चितावनी का अंग ।

कबीर गर्व न कीजिये, काल गहे कर केस ।
ना जानै कित मारिहै, क्या घर क्या परदेस ॥१॥
आज कालह के बीच में, जंगल हूँगा बास ।
ऊपर ऊपर हर फिरै, ढेर चरैंगे घास ॥२॥
हाड़ जरै ज्येँ लाकड़ी, केस जरै ज्येँ घास ।
सब जग जरता देखि करि, भये कबीर उदास ॥३॥
भूँठे सुख को सुख कहै, मानत हैं मन मोद ।
जगत चबेना काल का, कुछ सुख में कुछ गोद ॥४॥
कुसल कुसल ही पूछते, जग में रहान कोय ।
जरा मुँह ना भय मुआ, कुसल कहाँ से होय ॥५॥
पानी केरा बुदबुदा, अस मानुष को जाति ।
देखत ही छिपि जायगी, ज्येँ तारा परभाति ॥६॥
निधड़क बैठा नाम बिनु, चेति न करै पुकार ।
यह तन जल का बुदबुदा, बिनसत नाहीं बार ॥७॥
रात गँवाई सोय करि, दिवस गँवायो खाय ।
हीरा जनम अमोल था, कौड़ी बदले जाय ॥८॥
कै खाना कै सोवना, और न कोई चीत ।
सतगुरु सबद बिसारिया, आदि अंत का भीत ॥९॥
यहि औसर चेत्यो नहीं, पसु ज्येँ पाली दँह ।
सत्त नाम जान्यो नहीं, अंत पड़ै मुख खेह ॥१०॥

लूटि सकै तो लूटि ले, सत्त नाम भंडार ।
काल कंठ तें पकरिहै, राकै दसौ दुवार ॥११॥
आछे दिन पाछे गये, गुरु से किया न हेत ।
अब पछतावा क्या करै, चिड़ियाँ चुग गइ खेत ॥१२॥
आज कहै मैं कालह भजूंगा, कालह कहै फिर कालह ।
आज कालह के करत ही, औसर जासी चाल ॥१३॥
कालह करै सो आज करु, सबहि साज तेरे साथ ।
कालह कालह तू क्या करै, कालह काल के हाथ ॥१४॥
कालह करै सो आज करु, आज करै सो अब्य ।
पल में परलै होयगी, बहुरि करैगा कब्य ॥१५॥
पाव पलक की सुधि नहीं, करै कालह का साज ।
काल प्रचानक मारसी, ज्येँ तीतर को बाज ॥१६॥
पाव पलक तो दूर है, मो पै कह्यो न जाय ।
ना जानूँ क्या होयगा, पाव धिपल के माथें ॥१७॥
कबीर नौबति आपनी, दिन दस लेहु बजाय ।
यह पुर पटन^१ यह गली, बहुरि न देखौ आय ॥१८॥
जिन के नौबति बाजती, मंगल बँधते बार^२ ।
एकै सतगुरु नाम बिनु, गये जनम सब हार ॥१९॥
पाँचो नौबति बाजती, होत छतीसो राग ।
सो मंदिर खाली पड़ा, बैठन लागे काग ॥२०॥
ढोल दमामा गड़गड़ी, सहनाई अरु भेरि^३ ।
अवसर चले बजाइ के, है कोइ लावै फेरि ॥२१॥
कबीर थोड़ा जीवना, माँडै बहुत मँडान ।
सबहि उभा^४ में लगि रहा, राव रंक सुलतान ॥२२॥

(१) शहर । (२) बंदनवार । (३) बाजे का नाम । (४) चिंता ।

इक दिन ऐसा होयगा, सब से पढ़ै बिछोह ।
 राजा राना छत्रपति, क्येँनहिँ सावध^१ होहि ॥२३॥
 ऊजड़ खेड़े^२ ठीकरी, गढ़ि गढ़ि गये कुम्हार ।
 रावन सरिखा चलि गया, लंका का सरदार ॥२४॥
 ऊँचा महल चुनावते, करते होड़म होड़ ।
 सुब्ररन कली ढलावते, गये पलक में छोड़ ॥२५॥
 कहा चुनावै मेढ़ियाँ^३, लंबी भीति उसारि^४ ।
 घर तो साढ़े तीन हथ, घना तो पौने चार^५ ॥२६॥
 पाँच तत्त का पूतला, मानुष धरिया नाम ।
 दिना चार के कारने, फिरि फिरि रोकै ठाम ॥२७॥
 कबीर गर्ब न कीजिये, देँही देखि सुरंग ।
 ब्रिछुरे पै मेला नहीं, ज्येँ केचुली भुजंग ॥२८॥
 कबीर गर्ब न कीजिये, अस जोदन की आस ।
 टैसू फूला दिवस दस, खंखर भया पलास ॥२९॥
 कबीर गर्ब न कीजिये, ऊँचा देखि अबास ।
 कालह परौँ भुइँ लेटना, ऊपर जमसी घास ॥३०॥
 कबीर गर्ब न कीजिये, चाम लपेटे हाड़ ।
 हय बर ऊपर छत्र तर, तौ भी देवैँ गाड़ ॥३१॥
 पक्की खेती देखि करि, गर्बैँ कहा किसानु ।
 अजहूँ भोला बहुत है, घर आवैँ तब जानु ॥३२॥
 जेहि घट प्रेम न प्रीति रस, पुनि रसना नाहिँ नाम ।
 ते नर पसु संसार में, उपजि खपे बेकाम ॥३३॥
 ऐसा यह संसार है, जैसा सेमर फूल ।
 दिन दस के व्यौहार में, भूँठे रंग न भूल ॥३४॥

(१) सावधान, होशिबार (२) गाँव । (३) मढ़ी, घर । (४) ओसारा ।
 (५) कीव का घर जो शरीर है उसका नाप साढ़े तीन हाथ होता है या बहुत लम्बा हुआ तो पौने चार हाथ ।

कबीर धूल सकेलि^१ कै, पुढी^२ जो बाँधी येह ।
 दिवस चार का पेखना, अंत खेह की खेह ॥३५॥
 पाँच पहर धंधे गया, तीन पहर रहे सोय ।
 एको घड़ी न हरि भजे, मुक्ति कहाँ तँ होय ॥३६॥
 कबीर मंदिर लाख का, जड़िया हीरा लाल ।
 दिवस चार का पेखना, बिनसि जायगा काल ॥३७॥
 सपने सोया मानवा, खोल देखि जो नैन ।
 जीव परा बहु लूट मै, ना कछु लेन न देन ॥३८॥
 मरोगे मरि जाहुगे, कोई न लेगा नाम ।
 ऊजड़ जाइ बसाहुगे, छोड़ि के बसता गाम ॥३९॥
 घर रखवाला बाहरा, चिड़िया खाया खेत ।
 आधा परधा ऊबरै, चेत सकै तो चेत ॥४०॥
 कबीर जो दिन आज है, सो दिन नाहीं कालह ।
 चेत सकै तो चेतियो, मीच रही है ख्याल ॥४१॥
 माटी कहै कुम्हार को, तूँ क्या रूँदै मोहिं ।
 इक दिन ऐसा होयगा, मै रूँदूँगी तोहिं ॥४२॥
 जिन गुरु की चोरी करी, गये नाम गुन भूल ।
 ते बिधना बादुर^३ रचे, रहे उरधमुख भूल ॥४३॥
 सत्त नाम जाना नहीं, लागी मोटो खोरि^४ ।
 काया हाँड़ी काठ की, ना यह चढ़ै बहोरि ॥४४॥
 सत्त नाम जाना नहीं, हुआ बहुत अकाज ।
 बूड़ेगा रे बापुरा, बड़ेँ बड़ेँ की लाज ॥४५॥
 सत्त नाम जाना नहीं, चूके अब की घात ।
 माटी मलत कुम्हार ज्योँ, धनी सहै सिर लात ॥४६॥

कबीर या संसार मैं, घना मनुष मतिहीन ।
 सत्त नाम जाना नहीं, आये टापा^१ दीन्ह ॥३७॥
 आया अनआया हुआ, जो राता संसार ।
 पड़ा भुलावे गाफिला, गये कुबुद्धो हार ॥३८॥
 कहा कियो हम आइ के, कहा करैगे जाइ ।
 इत के भये न उत्त के, चाले मूल गँवाइ ॥३९॥
 कबीर गुरु की भक्ति बिनु, धृग जीवन संसार ।
 धूवाँ का सा धौलहर^२, जात न लागै बार ॥४०॥
 जगतहिँ मैं हम राचिया, भूठे कुल की लाज ।
 तन छीजै कुल बिनसिहै, चढ़े न नाम जहाज ॥४१॥
 यह तन काँचा कुंभ^३ है, लिये फिरै था साथ ।
 टपका^४ लगा फूटिया, कछु नहिँ आया हाथ ॥४२॥
 पानी का सा बुदबुदा, देखत गया बिलाय ।
 ऐसे जिउड़ा जायगा, दिन दस ठोली^५ लाय ॥४३॥
 कबीर यह तन जात है, सकै तो ठौर लगाव ।
 कै सेवा कर साध की, कै गुरु के गुन गाव ॥४४॥
 काया मंजन क्या करै, कपड़ा धायम धाय ।
 उज्जल होइ न छूटसो, सुख नौदड़ो न सोय ॥४५॥
 मेर तौर की जेवरी^६, बटि बाँधा संसार ।
 दास कबोरा क्यों बँधै, जा के नाम अधार ॥४६॥
 जिन जाना निज गेह^७ को, सो क्यों जोड़ै मित्त^८ ।
 जैसे पर घर पाहुना, रहै उठाये चित्त ॥४७॥
 आये हैं सो जायँगे, राजा रंक फकीर ।

(१) अंधेरी । (२) धरहरा । (३) घड़ा मिट्टी का । (४) ठोकर । (५) ठोली, हँसी । (६) रस्सी । (७) घर । (८) मित्र ।

एक सिंघासन चढ़ि चले, इक बाँधे जात जँजीर ॥५८॥
 जो जानहु जिव आपना, करहु जीव को सार ।
 जियरा ऐसा पाहुना, मिलै न दूजी बार ॥५९॥
 बनिजारी का बैल ज्योँ, टाँडा^१ उतरयो आय ।
 एकन कौ दूना भया, इक चला मूल गँवाय ॥६०॥
 कबीर यह तन जातु है, सकै तो राखु बहोर ।
 खाली हाथोँ वे गये, जिनके लाख करोर ॥६१॥
 आस पास जोधा खड़े, सबै बजावँ गाल ।
 मंभ महल से लै चला, ऐसा काल कराल ॥६२॥
 हाँकौँ^२ परबत फाटते, समुँदर घूँट भराय ।
 ते मुनिवर धरती गले, क्या कोइ गर्ब कराय ॥६३॥
 या दुनिया में आइ कै, छाँड़ि देइ तू ऐँठ ।
 लेना होय सो लेइ लै, उठी जात है पैँठ ॥६४॥
 यह दुनिया दुइ रोज की, मत कर या से हेत ।
 गुरु चरनन से लागिये, जो पूरन सुख देत ॥६५॥
 तन सराय मन पाहरू^३, मनसा उतरी आय ।
 कोउ काहू का है नहीं, (सब) देखा ठौँक बजाय ॥६६॥
 मैं मैं बड़ी बलाय है, सको तो निकसो भागि ।
 कहै कबीर कब लगि रहै, रुई लपेटी आगि ॥६७॥
 कबीर आप ठगाइये, और न ठगिये कोय ।
 आप ठगे सुख ऊपजै, और ठगे दुख होय ॥६८॥
 मौत बिसारी बावरे, अचरज कीया कौन ।
 तन माटी मिलि जायगा, ज्योँ आटे में नोन ॥६९॥
 जनम मरन दुख याद कर, कूड़े काम निवार ।
 जिन जिन पंथोँ चालना, सोई पंथ समहार ॥७०॥

कधीर खेत किसान का, मिरगों खाया भाड़ ।
 खेत धिचारा क्या करै, जो धनी करै नहिं बाड़^१ ॥७१॥
 बासर^२ सुख ना रैन सुख, ना सुख सपने माहिं ।
 जे नर बिछुड़े नाम से, तिन को धूप न छाहिं ॥७२॥
 कधीर सोता क्या करै, क्येँ नहिं देखै जाग ।
 जा के संग से बीछुड़ा, वाही के संग लाग ॥७३॥
 कधीर सोता क्या करै, उठि कै जपो दयार^३ ।
 एक दिना है सोवना, लम्बे पाँव पसार ॥७४॥
 कधीर सोता क्या करै, सोते होय अकाज ।
 ब्रह्मा का आसन डिगा, सुनो काल की गाज ॥७५॥
 अपने पहरे जागिये, ना पड़ि रहिये सोय ।
 ना जानौं छिन एक में, किस का पहरा होय ॥७६॥
 चकवो बिछुरी रैन को, आनि मिलै परभात ।
 जे नर बिछुरे नाम से, दिवस मिलै नहिं रात ॥७७॥
 दोन गँवायो दुनो संग, दुनी न चाली साथ ।
 पाँव कुलहाड़ी मारिया, मूरख अपने हाथ ॥७८॥
 कुल खोये कुल ऊबरै, कुल राखे कुल जाय ।
 नाम अकुल^४ को भेंटिया, सब कुल गया बिलाय ॥७९॥
 दुनिया के धोखे मुवा, चाला कुल की कानि ।
 तब क्या कुल की लाज है, जब लै धरै मसान ॥८०॥
 कुल करनी के कारने, हंसा गया बिगोय ।
 तब क्या कुल की लाज है, चार पाँव का होय ॥८१॥
 उज्जल पहिरे कापड़े, पान सुपारी खाहिं ।
 सो इक गुरु को भक्ति बिनु, बाँधे जमपुर जाहिं ॥८२॥

(१) टट्टी जो बचाव के लिये खेत के चारों ओर लगाते हैं, रक्षा । (२) दिन ।
 (३) दयाल । (४) कुल से रहित ।

मलमल खासा पहिरते, खाते नागर पान ।
 ते भी होते मानवी, करते बहुत गुमान ॥८३॥
 गोफन^१ माहीं पौढते, परिमल^२ अंग लगाय ।
 ते सुपने दीसै^३ नहीं, देखत गये बिलाय ॥८४॥
 मेरा संगी कोइ नहीं, सबै स्वारथी लाय ।
 मन परतीति न ऊपजै, जिव बिस्वास न होय ॥८५॥
 कबीर बेड़ा^४ जरजरा, फूटे छेद हजार ।
 हरुए हरुए^५ तरि गये, बूड़े जिन सिर भार ॥८६॥
 डागल ऊपर दौड़ना, सुख नींदड़ी न सोय ।
 पुनने^६ पाया दिवसड़ा, ओछी ठौर न खोय ॥८७॥
 मैं भँवरा तोहिं बरजिया, बन बन बास न लेय ।
 अटकैगा कहूँ बेल से, तड़पि तड़पि जिय देय ॥८८॥
 बाड़ी के बिच भँवर था, कलियाँ लेता बास ।
 सो तो भँवरा उड़ि गया, तजि बाड़ी की आस ॥८९॥
 दुनियाँ सेती दोस्ती, होय भजन में भंग ।
 एकाएकी गुरु से, कै साधन कौ संग ॥९०॥
 भय बिनु भाव न ऊपजै, भय बिनु होय न प्रीति ।
 जब हिरदे से भय गया, मिटी सकल रस रीति ॥९१॥
 भय से भक्ति करै सबै, भय से पूजा होय ।
 भय पारस है जीव को, निर्भय होय न कोय ॥९२॥
 डर करनी डर परम गुरु, डर पारस डर सार ।
 डरत रहै सो ऊबरै, गाफिल खावै मार ॥९३॥
 खलक मिला खाली हुआ, बहुत किया बकबाद ।
 बाँझ हिलावै पालना, ता में कौन सवाद ॥९४॥

यह जग कोठी काठ की, चहुँ दिसि लागी आगि ।
 भीतर रहा सो जरि मुआ, साधू उबरे भागि ॥६५॥
 यहि बेरिया तो फिरि नहीं, मन में देखु विचार ।
 आया लाभ के कारने, जनम जुवा मत हार ॥६६॥
 बैल गढ़ंता नर गढ़ा, चूका सींग अरु पोँछ^१ ।
 एकहि गुरु के नाम बिनु, धिक दाढ़ी धिक मोँछ ॥६७॥
 यह मन फूला बिषय बन, तहाँ न लाओ चीत ।
 सागर क्यों ना उड़ि चलो, सुनो बैन मन मीत ॥६८॥
 कहै कबीर पुकारि के, चेतै नाहीं कोय ।
 अब की बेरिया चेतिहै, सो साहिब का होय ॥६९॥
 मनुष जनम नर पाइ कै, चूकै अब की घात ।
 जाय परै भव चक्र में, सहै घनेरी लात ॥१००॥
 लोग भरोसे कौन के, बैठि रहे अरगाय^२ ।
 ऐसे जियारा जम लुटै, भँडहिँ लुटै कसाय^३ ॥१०१॥
 ऐसी गति संसार की, ज्यौँ गाड़र की ठाट^४ ।
 एक पड़ा जेहि गाड़^५ में, सबै जायँ तेहि बाट ॥१०२॥
 भ्रम का बाँधा ये जगत, यहि बिधि आवै जाय ।
 मानुष जनमहिँ पाइ नर, काहे को जहड़ाय^६ ॥ १०३॥
 धोखे धोखे जुग गया, जनमहिँ गया सिराय^७ ।
 धिति^८ नहिँ पकड़ो आपनी, यह दुख कहाँ समाय ॥१०४॥
 केतो कहाँ बुभाइ कै, पर हथ जीव बिकाय ।
 मैं खँचौँ सतलोक को, सीधा जमपुर जाय ॥१०५॥

(१) बैल का जन्म होना चाहिये था पर बिधना सींग और पोँछ लगाना भूल गया जिस से मनुष्य की सूरत बन गई फिर जो भगवंत भजन न किया तो ऐसी दाढ़ी और मोँछ को धिक्कार है। (२) अलग होके, बेपरवाह होके। (३) जैसे बकरे को कसाई मारता है ऐसे ही निर्दोषन से जम तुम्हारा बध करैगा। (४) भँड़ का भुँड। (५) गढ़हा। (६) ठगाय। (७) बीत। (८) स्थिरता।

तू मत जाने बावरे, मेरा है सब कोय ।
 पिंड प्रान से बँधि रहा, सो अपना नहिँ होय ॥१०६॥
 ऐसा संगी कोइ नहीं, जैसा जीव रु दँह ।
 चलती बेरियाँ रे नरा, डारि चला ज्येँ खेह ॥१०७॥
 एक सीस का मानवा, करता बहुतक हीस^१ ।
 लंकापति रावन गया, बीस भुजा दस सीस ॥१०८॥
 जात सबन कहँ देखिया, कहहिँ कबीर पुकार ।
 चेता^२ होहु तो चेति ल्यो, दिवस परत है धार^३ ॥१०९॥
 कहै कबीर पुकारि के, ये कलज बेवहार ।
 एक नाम जाने बिना, बूढ़ि मुआ संसार ॥११०॥
 मृए है मरि जाहुगे, मुए की बाजी ढोल ।
 सुपन सनेही जग भया, सहिदानी रहिगौ बोल ॥१११॥
 नाम मछंदर ना बचे, गोरखदत्त रु व्यास ।
 कहै कबीर पुकारि के, परे काल की फाँस ॥११२॥
 भूठ भूठ कह डारहू, मिथ्या यह संसार ।
 तेहिँ कारन मै कहत हौँ, जा तँ होइ उबार ॥११३॥
 भूठा सब संसार है, कोऊ न अपना मीत ।
 सत्त नाम को जानि ले, चलै सो भौजल जीत ॥११४॥
 बहुते तन को साजिया, जनमो भरि दुख पाय ।
 चेतत नाहीं बावरे, मेर मेर गुहराय ॥११५॥
 खाते पीते जुग गया, अजहुँ न चेतो आय ।
 कहै कबीर पुकारि कै, जीव अचेते जाय ॥११६॥
 परदे परदे चलि गया, समुक्ति परी नहिँ बानि ।
 जो जानै सो बाचिहै, होत सकल का हानि ॥११७॥

(१) द्विस । (२) समझदार । (३) धाड़ = डाका ।

पाँच तत्त का पूतरा, मानुष धरिया नाम ।
 एक तत्त के बीछुरे, बिकल भया सब ठाम ॥११८॥
 इक दिन ऐसा होयगा, कोउ काहू का नाहिँ ।
 घर की नारी^१ को कहै, तन की नारी^२ जाहिँ ॥११९॥
 भँवर बिलंबे^३ बाग में, बहु फूलन की आस ।
 जीव बिलंबे बाग में, अंतहुँ चले निरास ॥१२०॥
 काल खड़ा सिर ऊपरे, जागु बिराने मित^४ ।
 जा का घर है गैल में, क्यौँ सोवै निःचित ॥१२१॥
 काया काठी काल घुन, जतन जतन घुनि खाय ।
 काया माहीं काल है, मर्म न कोऊ पाय ॥१२२॥
 चलती चक्री देखि कै, दिया कबीरा रोय ।
 दुइ पट^५ भीतर आइकै, साबित गया न कोय ॥१२३॥
 काल चक्र चक्री चलै, सदा दिवस अरु रात ।
 सगुन अगुन दुइ पाटला, ता में जीव पिशात ॥१२४॥
 आसै पासै जो फिरै, निपट पिशावै सोय ।
 कीला से लागा रहै, ता को बिघन न होय^६ ॥१२५॥
 चक्री चली गुपाल की, सब जग पोसा भारि ।
 रूढ़ा^७ सबद कबीर का, डारा पाट उखारि ॥१२६॥
 साहू से भा चोरवा, चोरन से भयो जुज्ज ।
 तब जानैगे! जीयरा, मार पड़ैगी तुज्ज ॥१२७॥
 सेमर सुवना सेइया, दुइ ढँढी की आस ।
 ढँढी फूटि चटाक दे, सुवना चला निरास ॥१२८॥

(१) स्त्री । (२) नाड़ी । (३) आशक हुए । (४) मित्र । (५) चक्री के दो पल्ले ।
 (६) मुँह से सभी कहते हैं कि काल की चक्री चल रही है पर सब्बे मन से कोई
 नहीं मानता नहीं तो कीला जिसकी सत्ता से वह घूमती है अर्थात् भगवंत को
 ऐसा दृढ़ कर पकड़ै कि आवागवन से रहित हो जाय । (७) बलवान ।

मूए है मरि जाहुगे, बिन सर थोथे भाल ।
 परेहु कराइल^१ वृच्छ तर, आजु मरहु की कालह ॥१२६॥
 नाम न जानै गाँव का, भूला मारग जाय ।
 कालह गड़ैया काँटवा, अगमन^२ कस न कराय ॥१३०॥
 आज कालह दिन एक में, इस्थिर नाहिँ सरीर ।
 कह कबीर कस राखिहौ, काँचे बासन नीर ॥१३१॥
 सुनहु संत सतगुरु बचन, मत लोजै सिर भार ।
 हौँ हजूर ठाढ़ो कहत, अब तँ सम्हरि सम्हार ॥१३२॥
 पूरब ऊगै पच्छिम अथवै^३, भखै पवन का फूल ।
 राहु गरासै ताहु को, मानुष काहें भूल ॥१३३॥
 जीव मर्म जानै नहीं, अंध भया सब जाय ।
 बादी^४ द्वारे दाद^५ नहिँ, जनम जनम पछिताय ॥१३४॥
 नाम भजौ तो अब भजौ, बहुरि भजौगो कबब ।
 हरियर हरियर रूखड़े, ईधन होइ गये सब ॥१३५॥
 टक्क टक्क गथा जोवता, पल पल गया बिहाय ।
 जोव जंजाले परि रहा, जमहिँ दमाम बजाय^६ ॥१३६॥
 मैं इकला ये दुइ जना^७, साथी नाहीं काय^८ ।
 जो जम आगे ऊबरीं, (तौ) जरा पहुँचै आय ॥१३७॥
 जरा कुत्ती जोवन ससा, काल अहेरी लार ।
 अबकी छिन में पकरिहै, गरबै कहा गँवार^९ ॥१३८॥

- (१) करील या टेँटी की भाड़ जो काँटेदार होती है और पत्ती नहीं होती ।
 (२) आगे से चेतना । (३) डूबै (सुरज) । (४) मुहई यानी काल । (५) न्याय ।
 (६) आसरा ताकते २ समय बीत गया, जीव जंजाल में फँस रहा और उधर से
 जमराज ने नगाड़ा कूच का बजा दिया । (७) जरा (अर्थात् जरजर अवस्था बुढ़ापे
 की) और मरन । (८) कोई । (९) जवान रूपो खरगोस के पीछे बूढ़ाई रूपी
 कुत्ती उरुके तोड़ डालने को लगी है और साथ ही उसके काल शिकारी है सो
 तेरे इस मानुष जन्म को भी छिन में नष्ट कर देगा त किस घमंड में भूला है ।

काल हमारे संग रहै, कस जीवन की आस ।
 दिन दस नाम समहारि ले, जब लगि पिंजर साँस ॥१३६॥
 आठ पहर यौंही गया, माया मोह जँजाल ।
 सत्तनाम हिरदे नहीं, जीति लिया जम काल ॥१४०॥
 कघीर पाँच पखेरुआ, राखे पोष^१ लगाय ।
 एक जो आयो पारधी^२, ले गयो सबै उड़ाय ॥१४१॥
 मंदिर माहीं भलकती, दीवा की सी जोति ।
 हंस बटाऊ^३ चलि गया, काढ़ी घर की छोति^४ ॥१४२॥
 बारी बारी आपने, चले पियारे मित्त ।
 तेरी बारी जीयरा, नियरे आवै नित्त ॥१४३॥
 माली आवत देखि कै, कलियाँ करै पुकारि ।
 फूली फूली चुनि लिये, कालिह हमारी बारि^५ ॥१४४॥
 परदे रहती पदमिनी, करती कुल की कानि ।
 छड़ी जो पहुँची काल की, ढेर भई मैदान ॥१४५॥
 मछरी दह^६ छोड़ा नहीं, धोमर^७ तेरो काल ।
 जेहिँ जेहिँ डाबर^८ घर करौ, तह तहँ मैलै जाल ॥१४६॥
 पानी में की माछरी, क्यों तँ पकरयो तीर ।
 कड़िया खटकी जाल की, आइ पहुँचा कीर^९ ॥१४७॥
 हे मतिहीनी माछरी, राख न सकी सरीर ।
 सो सरवर सेवा नहीं, (जहँ) जाल काल नहिँ कीर ॥१४८॥

(१) पालन पोषण । (२) शिकारी । (३) बटोही । (४) प्राण के निकलते ही घर की छूत निकालने को उसे धोते हैं । (५) पारी । (६) कुँड, गहरा पानी । (७) कहार या मरताइ जो मछली पकड़ता है । (८) पानी का गढ़ा । (९) कीर नाम किरात अर्थात् भिल्ल जाति का है जो शिकार करके खाते हैं । हे मछली जिसका तालाब के बाब में स्थान था तू क्यों किनारे आई जिससे जाल में फँस गई ।

हे मतिहीनी माछरो, घोमर मीत कियाय ।
 करि समुद्र से रुसना, छोलर^१ चित्त दियाय ॥१४९॥
 काँची काया मन अधिर, थिर थिर काज करंत ।
 ज्यौँ ज्यौँ नर निधड़कफिरत, त्यों त्यों काल हसंत ॥१५०॥
 टाला टूली दिन गया, ब्याज बढ़ता जाय ।
 ना गुरु भज्यो न खत कठ्यो^२, काल पहुँचा आय ॥१५१॥
 कबीर पैड़ा^३ दूर है, बीचि पड़ो है रात ।
 ना जानौँ क्या होयगा, जगे तँ परभात^४ ॥१५२॥
 हम जानैँ थे खायँगे, बहुत जमौँ बहु माल ।
 ज्यौँ का त्यों ही रहि गया, पकरि लै गया काल ॥१५३॥
 चहुँ दिसि पक्का कोट था, मंदिर नगर मँभार ।
 खिड़की खिड़की पाहरू, गज बंधा दरवार ॥१५४॥
 चहुँ दिसि सूरु बहु खड़े, हाथ लिये हथियार ।
 रहि गये सबही देखते, काल ले गया मार ॥१५५॥
 संसय काल सरीर में, विषम^५ काल है दूर ।
 जा को कोई ना लखै, जा रि करै सब धूर ॥१५६॥
 दव^६ की दाही लाकड़ो, ठाढ़ो करै पुकार ।
 अब जो जाउँ लुहार घर, डायै दूजी बार ॥१५७॥
 मेरा बीर^७ लुहारिया, तू मत जा रै मोहिं ।
 इक दिन ऐसा होयगा, मै जा रौँगी तोहिं ॥१५८॥
 जरनेहारा भी मुआ, मुआ जरावनहार ।
 हैहै करते भी मुए, का से करौँ पुकार ॥१५९॥
 भाई बीर बटाउआ, भरि भरि नैनन रोय ।
 जा का था सो ले लिया, दीन्हा था दिन दोय ॥१६०॥

(१) छिछला पानी । (२) कर्म की रेखा नहीं कटी या लेखा नहीं चुका ।
 (३) रास्ता । (४) सबेरा । (५) कठिन । (६) अग्नि । (७) भाई ।

निःचय काल गरासही, बहुत कहा समुभाय ।
 कह कबीर मैं का कहौं, देखत ना पतियाय ॥१६१॥
 मरती बिरिया पुन^१ करै, जीवत बहुत कठोर ।
 कह कबीर क्यों पाइये, काढे खाँडे चोर^२ ॥१६२॥
 कबीर बैद बुलाइया, पकड़ि दिखाई बाहिँ ।
 बैद न बेदन^३ जानही, कफफ करजे माहिँ ॥१६३॥
 कबीर यह तन बन भया, कर्म जो भया कुहारि^४ ।
 आप आप को काटिहै, कहै कबीर बिचारि ॥१६४॥
 कबीर सतगुरु सरन की, जो कोइ छाड़ै ओट ।
 घनअहरन बिचलोह ज्यौं, घनी सहै सिर चोट ॥१६५॥
 महलन माहीं पौढ़ते, परिमल अंग लगाय ।
 ते सुपने दोसैं नहीं, देखत गये बिलाय ॥१६६॥
 जंगल ढेरी राख की, उपरि उपरि हरियाय ।
 ते भी होते मानवा, करते रँग रलियाय ॥१६७॥
 तेरा संगी कोइ नहीं, सबै स्वारथी लोय ।
 मन परतीति न ऊपजै, जिव बिस्वास न होय ॥१६८॥
 जा को रहना उत्त घर, सो क्यों लोड़ै^५ इत्त ।
 जैसे पर घर पाहुना, रहै उठाये चित्त ॥१६९॥
 ज्यौं कोरी रेजा बुनै, नियरा आवै छोर ।
 ऐसा लेखा मीच का, दैरि सकै तौ दैर ॥१७०॥
 कोठे ऊपर दैरना, सुख नौंदरी न सोय ।
 पुन्ये पाया देहरा, ओछी ठौर न खोय ॥१७१॥
 मैं मैं मेरो जनि करै, मेरी मूल बिनासि ।
 मेरी पग का पैरुड़ा^६, मेरी गल को फाँसि ॥१७२॥

(१) पुन्य दान । (२) जब चोर तलवार निकाले खड़ा है उसको कैसे पकड़ सकोगे । (३) दुकल, दरद । (४) कुल्हाड़ी । (५) चाहे या चाह करे । (६) बेड़ी ।

कबीर नाव है फाँभरी, कूरा^१ खेवनहार ।
 हलके हलके तिर गये, बूड़े जिन सिर भार ॥१७३॥
 कबीर नाव तो भाँभरी, भरी बिराने भार ।
 खेवट से परिचय नहीं, क्योंकर उतरै पार ॥१७४॥
 कायथ^२ कागद काढ़िया, लेखा वार न पार ।
 जब लगि स्वास सरीर में, तब लगि नाम सँभार ॥१७५॥
 कबीर रसरी पाँव में, कहा सोवै सुख चैन ।
 स्वास नगाड़ा कूँच का, बाजत है दिन रैन ॥१७६॥
 राज दुआरे बंधिया, मूडी धुनै गजंद^३ ।
 मनुष जनम कब पाइहाँ, भजिहाँ परमानंद ॥१७७॥
 मनुष जनम दुर्लभ अहै, होय न बारंबार ।
 तरवर से पत्ता भरै, बहुरि न लागै डार ॥१७८॥
 काल चिन्धावत^४ है खड़ा, जागु पियारे मित ।
 नाम सनेही जगि रहा, क्यों तू सोय निचिंत ॥१७९॥
 जरा आय जोरा किया, पिय आपन पहिचान ।
 अंत कछू पल्ले परै, ऊठत है खरिहान ॥१८०॥
 बिरिया बीती बल घटा, केस पलटि भये धौर^५ ।
 बिगरा काज सँवारि लै, फिरिछूटन नहिँ ठौर ॥१८१॥
 घड़ी जो बाजै राज दर, सुनता है सब कोय ।
 आयु घटै जोबन खिसै, कुसल कहाँ तँ होय ॥१८२॥
 कै कूसल अनजान के, अथवा नाम जपंत ।
 जनम मरन होवै नहीं, तौ बूझै कुसलंत ॥१८३॥
 पात फ़रंता यौ कहै, सुनु तरवर बनराय ।
 अध के बिछुरे ना मिलै, दूर परँगै जाय ॥१८४॥

जो उगे से अत्थवै^१, फूले से कुम्हिलाय ।
 जो चुनिये से ढरि परै, जामै^२ से मरि जाय ॥१८५॥
 निधड़क बैठा नाम बिनु, चेति न करै पुकार ।
 यह तन जल का बुदबुदा, बिनसत नाहीं बार ॥१८६॥
 तीन लोक पिँजरा भया, पाप पुन्न दोउ जाल ।
 सकल जीव सावज^३ भयो, एक अहेरी काल ॥१८७॥
 कबीर जंत्र न बाजई, टूटि गया सब तार ।
 जंत्र बिचारा क्या करै, चला बजावनहार ॥१८८॥
 यह जिव आया दूर तै, जाना है बहु दूर ।
 बिच के बासे^४ बसि गया, काल रहा सिर पूर ॥१८९॥
 कबीर गाफिल क्या करै, आया काल नजीक ।
 कान पकरि के लै चला, ज्यौं अजयाहिं खटीक^५ ॥१९०॥
 बालपना भेले गयो, और जुबा महमंत ।
 बृद्धपने आलस भयो, चला जरंते अंत ॥१९१॥
 साथी हमरे चलि गये, हम भी चालनहार ।
 कागद मैं बाकी रही, ता तैं लागी बार ॥१९२॥
 घाट जगाती घरमराय, सब का भारा लेहि ।
 सत्त नाम जाने बिना, उलटि नरक मैं देहि ॥१९३॥
 जिन पै नाम निसान है, तिन्ह अटकावै कौन ।
 पुरुष खजाना पाइया, मिटि गया आवागौन ॥१९४॥
 खुलि खेले संसार में, बाँधि न सकै कोय ।
 घाट जगाती क्या करै, सिर पर पोटा^६ न होय ॥१९५॥

(१) अस्त होय, डूबै। (२) जन्मै, उगै। (३) शिकार। (४) पड़ान, टिकने की जगह। (५) जैसे बकरी को खटिक ले जाता है। (६) कर्म का बोझ।

उदारता का अंग ।

कबीर गुरु के मिलन की, बात सुनी हम दाय ।
 कै साहिब को नाम लै, कै कर ऊँचा होय ॥१॥
 बसंन ऋतु जाचक भया, हरषि दिया दुम^१ पात ।
 ता तँ नव पल्लव^२ भया, दिया दूर नहिँ जात ॥२॥
 जो जल बाढ़ै नाव में, घर में बाढ़ै दाम ।
 दोऊ हाथ उलीचिये, यहि सज्जन कै काम ॥३॥
 हाढ़ बड़ा हरि भजन कर, द्रव्य बड़ा कछु देय ।
 अकल बड़ी उपकार कर, जीवन का फल येह ॥४॥
 कहै कबीरा देय तू, जब लगि तेरी देह ।
 देह खेह होइ जायगी, तब कौन कहैगा देह ॥५॥
 गाँठि होय सो हाथ कर, हाथ होय सो देह ।
 आगे हाट न बानिया, लेना होय सो लेह ॥६॥
 देह धरे का गुन यही, देह देह कछु देह ।
 बहुरि न देही पाइये, अब की देह सो देह ॥७॥
 दान दिये धन ना घटै, नदी न घटै नीर ।
 अपनी आँखौँ देखिये, यों कथि कहै कबीर ॥८॥
 सतही में सत बाँटई, रोटी में तँ टूक ।
 कहै कबीर ता दास को, कबहुँ न आवै चूक ॥९॥

सहन का अंग ।

काँच कथीर अधीर नर, जतन करत है अंग ।
 साधू कंचन ताइये, चढ़ै सवाया रंग ॥१॥

काँच कबीर अधोर नर, ताहि न उपजै प्रेम ।
 कह कबीर कसनी सहै, कै हीरा कै हेम^१ ॥२॥
 कसत कसौटी जो टिकै, ता को सबद सुनाय ।
 सोई हमरा वंस है, कह कबीर समुभाय ॥३॥

विश्वास का अंग ।

कबीर क्या मैं चिंतहूँ, मम चिंतै क्या होय ।
 मेरी चिंता हरि करै, चिंता मोहिं न कोय ॥१॥
 साधू गाँठि न बाँधई, उदर समाना लेय ।
 आगे पाछे हरि खड़े, जब माँगे तब देय ॥२॥
 चिंता न कर अचिंत रहू, देनहार समरथ ।
 पसू पखेरू जोव जंत, तिनके गाँठि न हत्थ ॥३॥
 अंडा पालै काछुई, बिन धन राखै पोख^२ ।
 यौँ करता सब की करै, पालै तोनिउ लेक ॥४॥
 पौ फाटी पगरा^३ भया, जागे जीवा जून ।
 सब काहू को देत है, चाँच समाना चून ॥५॥
 सत्त नाम से मन मिला, जम से परा दुराय ।
 मोहिं भरोसा इष्ट का, बंदा नरक न जाय ॥६॥
 कर्म करीमा लिखि रहा, अब कछु लिखा न होय ।
 मासा घटै न तिल बढ़ै, जो सिर फोड़ै कोय ॥७॥
 सोई इतना दीजिये, जा मैं कुटुंब समाय ।
 मैं भी भूखा ना रहूँ, साधु ना भूखा जाय ॥८॥
 जा के मन बिस्वास है, सदा गुरू हैं संग ।
 कोटि काल भक भोलही, तऊ न हूँ चित भंग ॥९॥

खोज पकरि बिस्वास गहु, धनी मिलैगे आय ।
 अजया^१ गज मस्तक चढ़ी, निरभय केँपल खाय ॥१०॥
 पाँडर^२ पिंजर मन भँवर, अरथ अनूपम बास ।
 एक नाम सीँचा अमी, फल लागी बिस्वास ॥११॥
 पद गावै लौलीन हूँ, कटै न संसय फाँस ।
 सबै पछोरै थोथरा, एक बिना बिस्वास ॥१२॥
 गाया जिन पाया नहीं, अनगाये तँ दूर ।
 जिन गाया बिस्वास गहि, ता के सदा हजूर ॥१३॥
 गावनही में रोवना, रोवनही में राग ।
 एक बनहिँ में घर करै, एक घरहिँ बैराग ॥१४॥
 जो सच्चा बिस्वास है, तो दुख क्यों ना जाय ।
 कहै कबीर बिचारि के, तन मन देहि जराय ॥१५॥
 बिस्वासी हूँ गुरु भजै, लोहा कंचन होय ।
 नाम भजै अनुराग तँ, हरष सोक नहिँ दोय ॥१६॥

दुबिधा का अंग ।

दुबिधा जाके मन बसै, दयावंत जिउ नाहिँ ।
 कबीर त्यागो ताहि को, भूलि देउ जनि बाहिँ ॥१॥
 हिरदे माहीं आरसी, मुख देखा नहिँ जाय ।
 मुख तौ तबही देखई, दुबिधा देहि बहाय ॥२॥
 पढ़ा गुना सीखा सभी, मिटी न संसय सूल ।
 कह कबीर का से कहूँ, यह सब दुख का मूल ॥३॥

चींटो चावल लै चलो, बिच में मिलि गइ दार^१ ।
 कह कबीर दोउ ना मिलै, इक लै दूजी डार ॥१॥
 आगा पीछा दिल करै, सहजै मिलै न आय ।
 सो बासी जम लोक का, बाँधा जमपुर जाय ॥५॥
 सत्त नाम कहुवा लगै, मोठा लागै दाम ।
 दुबिधा में देऊ गये, माया मिली न राम ॥६॥
 तकत तकावत रहि गया, सका न बेभीर मारि ।
 सबै तोर खाली परा, चला कमाना डारि ॥७॥
 नगर चैन तब जानिये, (जब) एकै राजा होय ।
 याहि दुराजीर^३ राज में, सुखी न देखा कोय ॥८॥
 संसा खाया सकल जग, संसा किनहुँ न बडु ।
 जो बेधा गुरु अच्छरा, तिन संसा चुनि चुनि खडु ॥९॥

मध्य का अंग ।

पाया कहैं ते बावरे, खोया कहैं ते कूर ।
 पाया खोया कछु नहीं, ज्यों का त्यों भरपूर ॥१॥
 भजूँ तो को है भजन को, तजूँ तो को है आन ।
 भजन तजन के मध्य में, सो कबीर मन मान ॥२॥
 लेऊँ तो महा पतिग्रह, देऊँ तो भोगंत ।
 लेन देन के मध्य में, सो कबीर निज संत ॥३॥
 हिंदू कहूँ तो मैं नहीं, मुसत्मान भो नाहिँ ।
 पाँच तत्व का पूतला, गैबी खेलै माहिँ ॥४॥

गैब आया गैब तैं, इहाँ लगाया ऐब ।
 उलटि समाना गैब में, तब कहँ रहिया ऐब ॥५॥
 अति का भला न बोलना, अति की भली न चूप ।
 अति का भला न बरसना, अति की भली न धूप ॥६॥

सहज का अंग ।

सहज सहज सब कोउ कहै, सहज न चीन्है कोय ।
 जा सहजै साहिब मिलै, सहज कहावै सोय ॥१॥
 सहज सहज सब कोइ कहै, सहज न चीन्है कोय ।
 जा सहजै बिषया तजै, सहज कहावै सोय ॥२॥
 सहजै सहजै सब भया, मन इंद्रो का नास ।
 निःकामी से मन मिला, कटी करम की फाँसि ॥३॥
 सहजै सहजै सब गया, सुत बित काम निकाम ।
 एकमेक है मिलि रहा, दास कबीरा नाम ॥४॥
 जो कछु आवै सहज में, सोई मोठा जान ।
 कहुआ लागै नीम सा, जा में ऐँचा तान ॥५॥
 सहज मिलै सो दूध सम, माँगा मिलै सो पानि ।
 कहै कबीर वह रक्त सम, जा में ऐँचा तान ॥६॥
 काहे को कलपत फिरै, दुखी होत बेकार ।
 सहजै सहजै होयगा, जो रचिया करतार ॥७॥
 जो कलपै तो दूर है, अनकलपे है सोय ।
 सतगुरु मेटो कलपना, सहजै होय सो होय ॥८॥

अनुभव ज्ञान का अंग ।

आत्म अनुभव ज्ञान की, जो कोई पूछे बात ।
 सो गंगा गुड़ खाइ कै, कहै कौन मुख स्वाद ॥१॥
 ज्यों गंगे के सैन को, गंगा ही पहिचान ।
 त्यों ज्ञानी के सुख को, ज्ञानी होय सो जान ॥२॥
 नर नारी के स्वाद को, खसी^१ नहीं पहिचान ।
 तत^२ ज्ञानी के सुख को, अज्ञानी नहीं जान ॥३॥
 आत्म अनुभव सुख का, का कोई बूझै बात ।
 कै जो कोई जानई, कै अपना ही गात ॥४॥
 आत्म अनुभव जब भयो, तब नहीं हर्ष बिषाद ।
 चित्त दीप सम द्वै रह्यो, तजि करि बाद बिबाद ॥५॥
 कागद लिखै सो कागदी, की ब्याहारी जीव ।
 आत्म दृष्टि कहाँ लिखै, जित देखै तित पीव ॥६॥
 लिखा लिखी की है नहीं, देखा देखि की बात ।
 दुलहा दुलहिन मिलि गये, फीकी परी बरात ॥७॥
 भरो होय सो रीतई, रीतो^३ होय भराय ।
 रीतो भरो न पाइये, अनुभव सोई कहाय ॥८॥

वाचक ज्ञान का अंग

ज्यों अँधरे को हाथिया, सब काहू को ज्ञान ।
 अपनी अपनी कहत हैं, का को धरिये ध्यान ॥१॥
 अँधरन को हाथी सही, हैं साचे सगरे ।
 हाथन की टोई कहै, आँखिन के अँधरे ॥२॥

ज्ञानी से कहिये कहा, कहत कबीर लजाय ।
 अंधे आगे नाचते, कला अकारथ जाय ॥३॥
 ज्ञानी तो निर्भय भया, मानै नाहीं संक ।
 इन्द्रिन के रे बसि परा, भुगतै नर्क निसंक ॥४॥
 ज्ञानी मूल गँवाइया, आप भये करता ।
 ता तँ संसारी भला, जो सदा रहै डरता ॥५॥
 ज्ञानी भूले ज्ञान कथि, निकट रह्यो निज रूप ।
 बाहर खोजै बापुरे, भीतर बस्तु अनूप ॥६॥
 भीतर तो भेदो नहीं, बाहर कथै अनेक ।
 जो पै भीतर लखि परै, भीतर बाहर एक ॥७॥
 समझ सरीखी बात है, कहन सरीखी नाहिँ ।
 जेते ज्ञानी देखिये, तेते संसय माहिँ ॥८॥

करनी और कथनी का अंग ।

कथनी मोठो खाँड़ सी, करनी बिष की लाय ।
 कथनी तजि करनी करै, तो बिष से अमृत होय ॥१॥
 करनी गर्ब-निवारनी, मुक्ति स्वारथी सोय ।
 कथनी तजि करनी करै, तौ मुक्ताहल होय ॥२॥
 कथनी के सूरें घने, थोथे बाँधे तीर ।
 बिरह धान जिन के लगा, तिन के बिकल सरीर ॥३॥
 कथनी बदनी छाड़ि के, करनी से चित लाय ।
 नरहिँ नीर प्याये बिना, कबहुँ प्यास न जाय ॥४॥
 करनी बिन कथनी कथै, अज्ञानी दिन रात ।
 कूकर ज्यों भूँसत फिरै, सुनी सुनाई बात ॥५॥

करनी बिन कथना कथै, गुरुपद लहै न सोय ।
 बातों के पकवान से, धापा नाहीं कोय ॥६॥
 लाया साखि बनाय कर, इत उत अच्छर काट ।
 कहै कबीर कब लग जिये, जूठी पत्तल चाट ॥७॥
 पढ़ि औरन समभावई, मन नहिँ बाँधै धीर ।
 रोटी का संसय पड़ा, यों कहि दास कबीर ॥८॥
 पानी मिलै न आप को, औरन बकसत छीर ।
 आपन मन निश्चल नहीं, और बँधावत धीर ॥९॥
 करनी करै सो पुत्र हमारा, कथनी कथै सो नाती ।
 रहनी रहै सो गुरु हमारा, हम रहनी के साथी ॥१०॥
 कथनी करि फूला फिरै, मेरे हृदय उचार ।
 भाव भक्ति समझै नहीं, अंधा मूढ गँवार ॥११॥
 कथनी थोथी जगत में, करनी उत्तम सार ।
 कह कबीर करनी सबल, उतरै भोजल पार ॥१२॥
 पद जोरै साखी कहै, साधन परि गइ रोस ।
 काढ़ा जल पीवै नहीं, काढ़ि पियन की हाँस ॥१३॥
 करनी को रज^१ मानही, कथनी मेरु^२ समान ।
 कथता बकता मरि गया, मूरख मूढ अजान ॥१४॥
 जैसो मुख तँ नोकसै, तैसी चालै नाहिँ ।
 मनुष नहीं वे स्वान गति, बाँधे जमपुर जाहिँ ॥१५॥
 जैसो मुख तँ नोकसै, तैसी चालै चाल ।
 तेहि सतगुरु नियरे रहै, पल में करै निहाल ॥१६॥
 कबीर करनी क्या करै, जो गुरु नाहिँ सहाय ।
 जेहि जेहि डारी पग धरै, सो सो निव निव जाय ॥१७॥

करनी करनी सब कहै, करनी माहिँ बिबेक ।
 वह करनी बहि जान दे, जो नहिँ परखै एक ॥१८॥
 कथनी कथा तो क्या हुआ, करनी ना ठहराय ।
 कलावंत^१ का कोट ज्यों, देखत ही ढहि जाय ॥१९॥
 कथनी काँची हो गई, करनी करो न सार ।
 सोता बकता मरि गये, मूरख अनैत अपार ॥२०॥
 कूकस^२ कूटै कनि^३ बिना, धिन करनी का ज्ञान ।
 ज्यों बंदूक गोली बिना, भड़कि न मारै आन ॥२१॥
 कथनी को धीजूं^४ नहीं, करनी मेरा जीव ।
 कथनी करनी दोउ थकी, (तब) महल पधारे पीव ॥२२॥
 कथते हैं करते नहीं, मुख के बड़े लबार ।
 मुँहड़ा काला होयगा, साहिब के दरबार ॥२३॥
 कथते हैं करते सही, साच सरोतर सोय ।
 साहिब के दरबार में, आठु पहर सुख होय ॥२४॥
 कबीर करनी आपनी, कबहु न निरुफल जाय ।
 सात समुँद आड़ा पड़े, मिलै अगाऊ आय ॥२५॥
 जो करनी अन्तर बसै, निकसै मुख की बाट ।
 बोलत ही पहिचानिये, चोर साहु को घाट ॥२६॥
 चोर चुराई तूँबड़ा, गाड़े पानी माहिँ ।
 वह गाड़े तँ ऊँछलै, (यों) करनी छानी^५ नाहिँ ॥२७॥
 कथनी को तो भानि कै, करनी देइ बहाय ।
 दास कबीरा यों कहै, ऐसा होय तो आय ॥२८॥
 साखी कहै गहै नहीं, चाल चली नहिँ जाय ।
 सलिल मोह नदिया बहै, पाँव नहीं ठहराय ॥२९॥

(१) बाड़ीगर । (२) भूसी । (३) गुल्ला, मींगी । (४) चाँई । (५) छिपी, ढकी ।

जैसी करनी जीसु की, तैसी भुगतै सोय ।
 बिन सतगुर की भक्ति के, जन्म जन्म दुख होय ॥३०॥
 मारग चलते जो गिरै, ता को नाहीं दोस ।
 कह कबीर बैठा रहै, ता सिर करड़े कोस ॥३१॥

सार गहनी का अंग ।

साधू ऐसा चाहिये, जैसा सूप सुभाय ।
 सार सार को गहि रहै, थोथा देइ उड़ाय ॥१॥
 पहिले फटकै छाँटि कै, थोथा सब उड़ि जाय ।
 उत्तम भाँड़े पाइया, जो फटके ठहराय ॥२॥
 सतसंगति है सूप ज्यौँ, त्यागै फटकि असार ।
 कह कबीर गुरु नाम लै, परसै नाहिँ बिकार ॥३॥
 औगुन को तो ना गहै, गुनहीं को लै बीन ।
 घटघटमहकै^१ मधुप^२ज्यौँ, परमात्म लै चीन्ह ॥४॥
 हंसा पय को काढ़ि लै, छोर नीर निरवार ।
 ऐसे गहै जो सार को, सो जन उतरै पार ॥५॥
 छोर रूप सतनाम है, नीर रूप व्यवहार ।
 हंस रूप कोइ साध है, तन का छाननहार ॥६॥
 पारा कंचन काढ़ि लै, जो रे मिलावै आन ।
 कहै कबीरा सार मत, परगट किया बखान ॥७॥
 रक्त छाड़ि पय को गहै, जो रे गऊ का बच्छ ।
 औगुन छाड़ै गुन गहै, सार-गराही^३ लच्छ ॥८॥

असार गहनी का अङ्ग

कबीर कीट सुगंधि तजि, नरक गहै दिन रात ।
 असार-ग्राही मानवा, गहै असारहि वात ॥१॥
 मच्छी मल को गहत है, निर्मल बस्तुहिं छाड़ि ।
 कहै कबीर अक्षर मति, माँड़ि रहा मन माँड़ि ॥२॥
 आटा तजि भूसी गहै, चलनी देखु निहारि ।
 कबीर सारहि छाड़ि कै, करै असार अहार ॥३॥
 पापो पुन्न न भावई, पापहिं बहुत सुहाय ।
 माखि सुगंधी परिहरै, जहँ दुर्गंध तहँ जाय ॥४॥
 रसहिं छाड़ि छोही गहै, कोलहू परतछ देख ।
 गहै असारहिं सार तजि, हिरदे नाहिं बिबेक ॥५॥
 दूध त्यागि रक्तै गहै, लगी पयोधर? जाँक ।
 कहै कबीर असार मति, लच्छन राखै कोकर ॥६॥
 निर्मल छाड़ै मल गहै, जनम असारै खोय ।
 कहै कबीरा सार तजि, आपुन गये बिगोय ॥७॥
 बूटी बाटी पान करि, कहै दुःख जो जाय ।
 कह कबीर सुख ना लहै, यही असार सुभाय ॥८॥

पारख का अंग ।

जब गुनको गाहक मिलै, तब गुन लाख बिकाय ।
 जब गुन को गाहक नहीं, तब कौड़ी बदले जाय ॥१॥
 हरि हीरा जन जौहरी, लै लै माँडी हाट ।
 जब रे मिलैगा पारखी, तब हीरा का साट ॥२॥

कबीर देखि के परखि ले, परखि के मुखाँ बुलाय ।
 जैसी अंतर होयगी, मुख निकसैगी ताय ॥३॥
 हीरा तहाँ न खोलिये, जहँ खोटी हूँ हाट ।
 कसि करि बाँधौ गाठरी, उठि करि चालौ बाट ॥४॥
 एकहि बार परखिखये, ना वा बारम्बार ।
 बालू तौहू किरकिरी, जौ छानै सौ बार ॥५॥
 पिउ मोतियन की माल है, पोई काँचे धाग ।
 जतन करो भूटका घना, नहिँ टूटै कहुँ लागि ॥६॥
 हीरा परखै जौहरी, सब्दहिँ परखै साध ।
 कबीर परखै साध को, ता का मता अगाध ॥७॥
 हीरा पाया परखि कै, घन में दीया आनि ।
 चाट सही फूटा नहीं, तब पाई पहिचान । ८।
 जो हंसा मोती चुगै, काँकर क्यों पतियाय ।
 काँकर माथा ना नवै, मोती मिलै तो खोय ॥९॥
 हंसा देस सुदेस का, परे कुदेसा आय ।
 जा का चारा मोतिया, घेँचे क्यों पतियाय ॥१०॥
 हंसा बगुला एकसा, मानसरोवर माहिँ ।
 बगा ढँढेरै माछरी, हंसा मोती खाहिँ ॥११॥
 गावनिया के मुख बसौँ, सोता के मैं कान ।
 ज्ञानी के हिरदे बसौँ, भेदी का निज प्रान ॥१२॥
 किरतनिया से कोस बिस, सन्यासी से तीस ।
 गिरही के हिरदे बसौँ, बैरागी के सीस ॥१३॥

अपारख का अंग ।

चंदन गया बिदेसड़े, सब कोइ कहै पलास ।
 ज्यौँ ज्यौँ चूलहे भेँकिया, त्यौँ त्यौँ अधकी बास ॥१॥

एक अचंभा देखिया, हीरा हाट बिकाय ।
 परखनहारा बाहिरी, कौड़ी बदले जाय ॥२॥
 हीरा साहिब नाम है, हिरदे भीतर देख ।
 बाहर भीतर भरि रहा, ऐसा आप अलेख ॥३॥
 बाद बके दम जात है, सुरति निरति लै बोल ।
 नित प्रति हीरा सबद का, गाहक आगे खोल ॥४॥
 नाम रतन धन पाइ कै, गाँठि बाँध ना खोल ।
 नाहिँ पटन^१ नाहिँ पारखी, नाहिँ गाहक नाहिँ मोल ॥५॥
 जहँ गाहक तहँ मैँ नहीं, मैँ तहँ गाहक नाहिँ ।
 परिचय बिन फूला फिरै, पकर सबद की बाहिँ ॥६॥
 कबीर खाँड़हिँ छाड़ि कै, काँकर चुनि चुनि खाय ।
 रतन गँवाया रेत में, फिर पाछे पछिताय ॥७॥
 कबीर ये जग आँधरा, जैसी अंधी गाय ।
 बछरा था सो मरि गया, ऊभी^२ चाम चटाय ॥८॥



कबीर साहिब का साखी-संग्रह

[भाग २]

नाम का अंग

आदि नाम पारस अहै, मन है मैला लोह ।
परसत ही कंचन भया, छूटा बंधन मोह ॥१॥
आदि नाम बीरा^१ अहै, जीव सकल ल्यौ बूझि ।
अमरावै सतलोक लै, जम नहिं पावै सूझि ॥२॥
आदि नाम निज सार है, बूझि लेहु सो हंस ।
जिन जान्यो निज नामको, अमर भयो सो बंस ॥३॥
आदि नाम निज मूल है, और मंत्र सब डार^२ ।
कह कबीर निज नाम बिनु, बूझि मुआ संसार ॥४॥
कोटि नाम संसार में, ता तैं मुक्ति न होय ।
आदि नाम जो गुप्त जप, बूझै बिरला कोय ॥५॥
राम राम सब कोइ कहै, नाम न चीन्है कोय ।
नाम चीन्हि सतगुरु मिलै, नाम कहावै सोय ॥६॥
ओंकार निरुबय भया, सो करता मत जान ।
साचा सशुद्ध कबीर का, परदे में पहिचान ॥७॥
जो जन होइहै जोहरी, रतन लेहि बिलगाय ।
सोहं सोहं जपि मुआ, मिथ्या जनम गँवाय ॥८॥

नाम रतन धन मुज्झ मेँ, खान खुली घट माहिँ ।
 सँतमेँत ही देत हौँ, गाहक कोई नाहिँ ॥६॥
 सभी रसायन हम करी, नाहिँ नाम सम कोय ।
 रंचक घट मेँ संचरै, सब तन कंचन होय ॥१०॥
 जबहिँ नाम हिरदे धरा, भया पाप का नास ।
 मानो चिनगी आग की, परी पुरानो घास ॥११॥
 कोइ न जम से बाचिया, नाम बिना धरि खाय ।
 जे जन बिरही नाम के, ता को देखि डेराय ॥१२॥
 पूँजी मेरी नाम है, जा तँ सदा निहाल ।
 कबीर गरजै पुरुष बल, चोरी करै न काल ॥१३॥
 कबीर हमरे नाम बल, सात दीप नौखंड ।
 जम डरपै सब भय करै, गाजि रहा ब्रह्मंड ॥१४॥
 नाम रतन सोइ पाइहै, ज्ञान दृष्टि जेहिँ होय ।
 ज्ञान बिना नहिँ पावई, कोटि करै जो कोय ॥१५॥
 ज्ञान दीप परकास करि, भीतर भवन जराय ।
 तहाँ सुभिर सतनाम को, सहज समाधि लगाय ॥१६॥
 एक नाम को जानि कै, मेटु करम का अंक ।
 तबहीं सो सुचिँ पाइहै, जय जिव होय निसंक ॥१७॥
 एक नाम को जानि करि, दूजा देइ बहाइ ।
 तीरथ ब्रत जप तप नहीं, सतगुरु चरन समाय ॥१८॥
 जैसे फनपति^२ मंत्र सुनि, राखै फनहिँ सिकोरि ।
 तैसे बीरा नाम तँ, काल रहै मुख मोरि ॥१९॥
 सब को नाम सुनावहूँ, जो आवैगो पास ।
 सबद हमारे सत्य है, दूढ़ राखो चिस्वास ॥२०॥

होय बिबेकी सबद का, जाय मिलै परिवार ।
 नाम गहै सो पहुँचई, मानहु कहा हमार ॥२१॥
 सुरति समावै नाम में, जग से रहै उदास ।
 कह कबीर गुरु चरन में, दृढ़ राखै बिस्वास ॥२२॥
 अस अवसर नहिँ पाइहौ, धरौ नाम कड़िहार^१ ।
 भवसागर तरि जाव तब, पलक न लागै बार ॥२३॥
 आसा तो इक नाम की, दूजी आस निरास ।
 पानी माहीं घर करै, तौहू मरै पियास ॥२४॥
 आसा तो इक नाम की, दूजी आस निवार ।
 दूजी आसा मारसी, ज्येँ चौपर की सार^२ ॥२५॥
 नाम जो रती एक है, पाप जो रती हजार ।
 आध रती घट संचरै, जारि करै सब छार ॥२६॥
 कोटि करमकटिपलक में, जो रंचक आवै नाँव ।
 जुग अनेक जो पुन्न करि, नहीं नाम बिनु ठाँव ॥२७॥
 कबीर सतगुरु नाम में, सुरति रहै सरसार^३ ।
 तौ मुख तें मोती भरै, होरा अनंत अपार ॥२८॥
 सत्तनाम निज औषधी, सतगुरु दई बताय ।
 औषधि खाय रु पथ^४ रहै, ता की बेदन जाय ॥२९॥
 कबीर सतगुरु नाम में, बात चलावै और ।
 तिस अपराधी जीव को, तीन लोक कित ठौर ॥३०॥
 सुपनहु में बराइ के, धोखेहु निकरै नाम ।
 वा के पग की पैतरी^५, मेरे तन को चाम ॥३१॥
 कबीर सध जग निर्धना, धनवंता नहिँ कोय ।
 धनवंता सोइ जानिये, सत्तनाम धन होय ॥३२॥

(१) निकालने वाला । (२) गोड । (३) मस्त । (४) पहरेजी खाना । (५) जूती ।

जा की गाँठी नाम है, ता के है सब सिद्धि ।
 कर जोरे ठाढ़ी सबै, अष्ट सिद्धि नव निद्धि ॥३३॥
 हय गय औरी सघन घन, छत्र धुजा फहराय ।
 ता सुख तँ भिच्छा भली, नाम भजन दिन जाय ॥३४॥
 नाम जपत कुष्टी भला, चुड़ चुड़ परै जो चाम ।
 कंचन देह केहि काम की, जा मुख नाहीं नाम ॥३५॥
 नाम लिया जिन सब लिया, सकल वेद का भेद ।
 बिना नाम नरकै परा, पढ़ता चारो वेद ॥३६॥
 पारस रूपी नाम है, लोहा रूपी जीव ।
 जब जा पारस भँटिहै, तब जिव होसी सीव ॥३७॥
 पारस रूपी नाम है, लोह रूप संसार ।
 पारस पाया पुरुष का, परखि परखि टकसार ॥३८॥
 सुख के माथे सिलि परै, (जो) नाम हृदय से जाय ।
 बलिहारी वा दुख की, पल पल नाम रटाय ॥३९॥
 कबीर सतगुरु नाम से, कोटि बिघन टरि जाय ।
 राई समान बसंदरा, केता काठ जराय ॥४०॥
 लेने को सतनाम है, देने को अन दान ।
 तरने को आधीनता, बूढ़न को अभिमान ॥४१॥
 जैसे माया मन रम्यो, तैसे नाम रमाय ।
 तारा मंडल बेधि कै, तब अमरापुर जाय ॥४२॥
 नाम पीव का छोड़ि कै, करै आन का जाप ।
 बेस्या केरा पूत ज्येँ, कहै कौन को बाप ॥४३॥
 पावक रूपी नाम है, सब घट रहा समाय ।
 चित चकमक लागै नहीं, धूआँ है है जाय ॥४४॥

नाम बिना बेकाम है, छप्पन कोटि बिलास ।
 का इंद्रासन बैठिबो, का बैकुंठ निवास ॥४५॥
 लूटि सकै तो लूटि ले, सत्तनाम की लूटि ।
 पाछे फिरि पछताहुगे, प्रान जाहिं जब लूटि ॥४६॥

॥ सोरठा ॥

सतगुरु का उपदेस, सत्त नाम निज सार है ।
 यह निज मुक्ति सँदेस, सुनो संत सत भाव से ॥४७॥
 क्यों छूटै जम जाल, बहु बंधन जिव बंधिया ।
 काटै दीनदयाल, कर्म फंद इक नाम से ॥४८॥
 काटहु जम के फंद, जेहिं फंदे जग फंदिया ।
 कटै तो होय निसंक, नाम खड़ग सतगुरु दियो ॥४९॥
 तजै काग की दँह, हंस दसा की सुरति पर ।
 मुक्ति सँदेसा येह, सत्त नाम परमान अस ॥५०॥
 सत्त नाम बिस्वास, कर्म भर्म सब परिहरै ।
 सतगुरु पुरवै आस, जो निरास आसा करै ॥५१॥

सुमिरन का अंग ।

सुमिरन से सुख होत है, सुमिरन से दुख जाय ।
 कह कबीर सुमिरन किये, साईं माहिं समाय ॥१॥
 राजा राना राव रँक, बड़ा जो सुमिरै नाम ।
 कह कबीर बडुँ बड़ा, जो सुमिरै निःकाम ॥२॥
 नर नारी सब नरक है, जब लगि दँह सकाम ।
 कह कबीर सोइ पीव को, जो सुमिरै निःकाम ॥३॥
 दुख में सुमिरन सब करै, सुख में करै न कोय ।
 जो सुख में सुमिरन करै, तो दुख काहे होय ॥४॥

सुख में सुमिरन ना किया, दुख में कीया याद ।
 कह कबीर ता दास की, कौन सुनै फिरियाद ॥५॥
 सुमिरन की सुधि यैँ करौ, जैसे कामी काम ।
 एक पलक बिसरै नहीं, निसु दिन आठो जाम ॥६॥
 सुमिरन की सुधि यैँ करौ, ज्यैँ गागर पनिहार ।
 हालै डोलै सुरति में, कहै कबीर बिचार ॥७॥
 सुमिरन की सुधि यैँ करौ, ज्यैँ सुरभी' सुत माहिँ ।
 कह कबीर चारा चरत, बिसरत कबहुँ नाहिँ ॥८॥
 सुमिरन की सुधि यैँ करौ, जैसे दाम कँगाल ।
 कह कबीर बिसरै नहीं, पल पल लेहि सम्हाल ॥९॥
 सुमिरन से मन लाइये, जैसे नाद कुरंग^२ ।
 कह कबीर बिसरै नहीं, प्रान तजै तेहि संग ॥१०॥
 सुमिरन से मन लाइये, जैसे दीप पतंग ।
 प्रान तजै छिन एक में, जरत न मोड़ै अंग ॥११॥
 सुमिरन से मन लाइये, जैसे कीट भिरंग ।
 कबीर बिसरै आप को, होय जाय तेहि रंग ॥१२॥
 सुमिरन से मन लाइये, जैसे पानी मीन ।
 प्रान तजै पल बीछुरे, सत कबीर कहि दीन ॥१३॥
 सुमिरन सुरति लगाइ के, मुख तँ कछू न बोल ।
 बाहर के पट देइ के, अंतर के पट खोल ॥१४॥
 माला फेरत मन खुसो, ता तँ कछू न होय ।
 मन माला के फेरते, घट उँजियारी होय ॥१५॥
 माला फेरत जुग गया, फिरा न मनका फेर ।
 कर का मनका डारि दे, मन का मनका फेर ॥१६॥

अजपा सुमिरन घट बिषे, दोन्हा सिरजनहार ।
 ताही से मन लगि रहा, कहै कबीर बिचार ॥१७॥
 कबीर माला मनहिँ की, और संसारी भेख ।
 माला फेरे हरि मिलै, तो गले रहट के देख ॥१८॥
 कबीर माला काठ की, बहुत जतन का फेर ।
 माला स्वास उस्वास की, जा में गाँठ न मेर ॥१९॥
 माला मो से लड़ि पड़ी, का फेरत है मोय ।
 मन कै माला फेरि ले, गुरु से मेला होय ॥२०॥
 क्रिया करै अँगुरी गनै, मन धावै चहुँ और ।
 जेहि फेरे साई मिलै, सो भया काठ कठोर ॥२१॥
 माला फेरे कहा भयो, हृदय गाँठि नहिँ खोय ।
 गुरु चरनन चित राचिये, तो अमरापुर जोय ॥२२॥
 बाहर क्या दिखलाइये, अंतर जपिये नाम ।
 कहा महोला खलक से, पड़ा धनी से काम ॥२३॥
 सहजेही धुन होत है, हर दम घट के माहिँ ।
 सुरत सबद मेला भया, मुख की हाजत नाहिँ ॥२४॥
 माला तो कर में फिरै, जोभ फिरै मुख माहिँ ।
 मनुवाँ तो दहु दिसि फिरै, यह तो सुमिरन नाहिँ ॥२५॥
 तनथिर मनथिर बचनथिर, सुरत निरत थिर होय ।
 कह कबीर इस पलक को, कल्प न पावै कोय ॥२६॥
 जाप मरै अजपा मरै, अनहद भी मरि जाय ।
 सुरत समानी सबद में, ताहि काल नहिँ खाय ॥२७॥
 जा की पूँजी स्वास है, छिन आवै छिन जाय ।
 ता को ऐसा चाहिये, रहै नाम लौ लाय ॥२८॥
 कहता हूँ कहि जात हूँ, कहाँ बजाये ढोल ।
 स्वासा खाली जात है, तोन लोक का मोल ॥२९॥

ऐसे महंगे मोल का, एक स्वास जो जाय ।
 चौदह लोक न पटतरे, काहे धूर मिलाय ॥३०॥
 कबीर दुधा है कूकरी, करत भजन में भंग ।
 या को टुकड़ा डारि करि, सुमिरन करो निसंक ॥३१॥
 चिंता तो सतनाम की, और न चितवै दास ।
 जो कछु चितवै नाम बिनु, सोई काल की फाँस ॥३२॥
 सत्तनाम को सुमिरते, उधरे पतित अनेक ।
 कह कबीर नहिँ छाड़िये, सत्तनाम की टेक ॥३३॥
 नाम जपत कन्या भली, साकट भला न पूत ।
 छेरी के गल गलथना, जा में दूध न मूत ॥३४॥
 नाम जपत दरिद्री भला, टूटी घर की छानि ।
 कंचन मंदिर जारि दे, जहाँ गुरु भक्ति न जान ॥३५॥
 पाँच सखी पिउ पिउ करै, छठा जो सुमिरै मन ।
 आई सुरत कबीर की, पाया नाम रतन ॥३६॥
 तूँ तूँ करता तूँ भया, मुझ में रही न हूँ ।
 वारी तेरे नाम पर, जित देखूँ तित तूँ ॥३७॥
 सुमिरन मारग सहज का, सतगुरु दिया बताय ।
 स्वास उस्वास जो सुमिरता, इक दिन मिलसी आय ॥३८॥
 माला स्वास उस्वास की, फेरै कोइ निज दास ।
 चौरासी भरमै नहीं, कटै करम की फाँस ॥३९॥
 ज्ञान कथै बकि बकि मरै, कोई करै उपाय ।
 सतगुरु हम से यौँ कह्यो, सुमिरन करो समाय ॥४०॥
 कबीर सुमिरन सार है, और सकल जंजाल ।
 आदि अंत मधि सोधिया, दूजा देखा खयाल ॥४१॥
 निज सुख सुमिरन नाम है, दूजा दुक्ख अपार ।
 मनसा बाचा कर्मना, कबीर सुमिरन सार ॥४२॥

थोड़ा सुमिरन बहुत सुख, जो करि जानै कोय ।
 सूत न लगै बिनावनी, सहजै अति सुख होय ॥४१॥
 साईं यों मत जानियो, प्रीति घटै मम चित्त ।
 मरूँ तो तुम सुमिरत मरूँ, जीवत सुमिरूँ नित्त ॥४२॥
 जप तप संजम साधना, सब सुमिरन के माहिँ ।
 कबीर जानै भक्त जन, सुमिरन सम कछु नाहिँ ॥४३॥
 सहकामी सुमिरन करै, पावै उत्तम धाम ।
 निःकामी सुमिरन करै, पावै अबिचल नाम ॥४४॥
 हम तुम्हरो सुमिरन करै, तुम मोहिँ चितवत नाहिँ ।
 सुमिरन मन की प्रीति है, सो मन तुमहीं माहिँ ॥४५॥
 कबिरा हरि हरि सुमिरि ले, प्रान जाहिँगे छूटि ।
 घर के प्यारे आदमी, चलते लँगे लूटि ॥४६॥
 कबीर निर्भय नाम जपु, जय लगि दीवा बाति ।
 तेल घटे बाती बुझै, तब सोवो दिन राति ॥४७॥
 जैसा माया मन रमै, तैसे नाम रमाय ।
 तारा मंडल छाड़ि कै, जहाँ नाम तहँ जाय ॥४८॥
 कबीर चित चंचल भया, चहुँ दिसि लागी लाय^१ ।
 गुरु सुमिरन हाथे घड़ा, लीजै बेगि बुझाय ॥४९॥
 कबीर मुख सोई मला, जा मुख निकसै नाम ।
 जा मुख नाम न नीकसै, सो मुख कौने काम ॥५०॥
 सत्त नाम को सुमिरना, हँस करि भावै खीज^२ ।
 उलटा सुलटा नीपजै, खेत पड़ा ज्योँ बीज ॥५१॥
 स्वास सुफल सो जानिये, जो सुमिरन में जाय ।
 और स्वास योँही गये, करि करि बहुत उपाय ॥५२॥

(१) आग (२) चाहे हँसते हुए चाहे खिजलाहट के साथ ।

कहा भरोसा दँह का, बिनसि जाय छिन माहिँ ।
 स्वास स्वास सुमिरन करौ, और जतन कछु नाहिँ ॥५५॥
 जिबना थोरा ही भला, जो सत सुमिरन होय ।
 लाख बरस का जीवना, लेखे धरै न कोय ॥५६॥
 बिना साच सुमिरन नहीं, बिन भेदी भक्ति न सोय ।
 पारस में परदा रहा, कस लोहा कंचन होय ॥५७॥
 कंचन केवल गुरु भजन, दूजा काँच कथीर ।
 झूठा जाल जँजाल तजि, पकड़ो साच कबीर ॥५८॥
 हृदय सुमिरनी नाम की, मेरा मन मसगूल^१ ।
 छबि लागे निरखत रहौँ, मिटि गया संसय सूल ॥५९॥
 सुमिरन का हल जेतियो, बीजा नाम जमाय ।
 खंड ब्रह्मंड सृखा पड़ै, तहू न निरफल जाय ॥६०॥
 देखा देखी सब कहै, भोर भये हरि नाम ।
 अर्ध रात कोइ जन कहै, खानाजाद गुलाम ॥६१॥
 नाम रटत इस्थिर भया, ज्ञान कथत भया लीन ।
 सुरत सबद एकै भया, जलही हूँगा मोन ॥६२॥
 कबीर धारा अगम की, सतगुरु दर्ई लखाय ।
 उलटि ताहि सुमिरन करो, स्वामी संग मिलाय ॥६३॥

शब्द का अंग ।

कबीर सबद सरीर में, बिन गुन^२ बाजै ताँत ।
 बाहर भीतर रमि रहा, ता तँ छूटी भ्रांति ॥१॥
 जो जन खोजी सबद का, धन्य संत है सोय ।
 कह कबीर सबदै गहे, कबहुँ न जाय बिगोय ॥२॥

(१) लगा हुआ । (२) रस्ती ।

सबद सबद बहु अंतरा, सबद सार का सीर ।
 सबद सबद का खोजना, सबद सबद का पीर ॥३॥
 सबद सबद बहु अंतरा, सार सबद चित देय ।
 जा सबदै साहिब मिलै, सोई सबद गहि लेय ॥४॥
 सबद सबद सब कोइ कहै, वो तो सबद बिदेह ।
 जिभया पर आवै नहीं, निरखि परखि करि देह ॥५॥
 एक सबद सुखरास है, एक सबद दुखरास ।
 एक सबद बंधन कटै, एक सबद गल फाँस ॥६॥
 सबद सबद सब कोइ कहै, सबद के हाथ न पाँव ।
 एक सबद औषधि करै, एक सबद करै घाव ॥७॥
 सीखै सुनै बिचारि लै, ताहि सबद सुख देय ।
 बिना समझ सबदै गहै, कछू न लाहा लेय ॥८॥
 सबद हमारा आदि का, पल पल करिये याद ।
 अंत फलैगी माहिँ की, बाहर की सब याद ॥९॥
 सबदहि मारे मरि गये, सबदहि तजिया राज ।
 जिनजिनसबद पिछानिया, सरिया तिन का काज ॥१०॥
 सबद गुरु को कीजिये, बहुतक गुरु लबार ।
 अपने अपने लाभ को, ठौर ठौर बटमार ॥११॥
 सबद हमारा हम सबद के, सबदहि लेय परख ।
 जो तूँ चाहै मुक्ति को, अब मत जाय सरकर ॥१२॥
 सबद हमारा हम सबद के, सबद ब्रह्म का कूप ।
 जो चाहै दीदार को, परख सबद का रूप ॥१३॥
 एक सबद गुरुदेव का, जा का अनंत बिचार ।
 पंडित थाके मुनि जना, बेद न पावै पार ॥१४॥
 सबद बिना स्तुति आँधरी, कहे कहाँ को जाय ।
 द्वार न पावै सबद का, फिरि फिरि भटका खाय ॥१५॥

यही बड़ाई सबद की, जैसे चुम्बक भाय ।
 बिना सबद नहीं ऊबरै, केता करै उपाय ॥१६॥
 सही टेक है तासु की, जा के सतगुरु टेक ।
 टेक निबाहै दँह भरि, रहै सबद मिलि एक ॥१७॥
 काल फिरै सिर ऊपरै, जीवहिं नजरि न आइ ।
 कह कबीर गुरु सबद गहि, जम से जीव बचाइ ॥१८॥
 ऐसा मारा सबद का, मुआ न दीसै कोय ।
 कह कबीर सो ऊबरै, धड़ पर सीस न होय ॥१९॥
 सबद बराबर धन नहीं, जो कोइ जानै बोल ।
 हीरा तो दामों मिलै, सबदहिं मोल न तोल ॥२०॥
 सबद दुराया ना दुरै, कहौं जो ढोल बजाय ।
 जो जन होवै जौहरी, लेहै सीस चढ़ाय ॥२१॥
 सबद पाय स्तुति राखही, सो पहुँचै दरबार ।
 कह कबीर तहँ देखई, बैठे पुरुष हमार ॥२२॥
 औरै दाख सब करी, पै सुभाव की नाहिँ ।
 सो दाख सतगुरु करी, रहै सबद के माहिँ ॥२३॥
 सबद उपदेस जो मैं कहूँ, जो कोइ मानै संत ।
 कहै कबीर बिचारि के, ताहि मिलाओँ कंत ॥२४॥
 मता हमारा मंत्र है, हम सा होय सो लेय ।
 सबद हमारा कल्प-तरु, जो चाहै सो देय ॥२५॥
 रैन समानी भानु में, भानु अकासे माहिँ ।
 अकास समाना सबद में, सबद परे कछु नाहिँ ॥२६॥
 सबद कहाँ से उठत है, कहँ को जाइ समाय ।
 हाथ पाँव वा के नहीं, कैसे पकरा जाय ॥२७॥
 सहस कँवल तँ उठत है, सुन्नहिँ जाय समाय ।
 हाथ पाँव वा के नहीं, स्तुति तँ पकरा जाय ॥२८॥

सबद कहाँ तँ आइया, कहाँ सबद का भाव ।
 कहाँ सबद का सीस है, कहाँ सबद का पाँव ॥२९॥
 सबद ब्रह्मँड तँ आइया, मध्य सबद का भाव ।
 ज्ञान सबद का सीस है, अज्ञान सबद का पाँव ॥३०॥
 सीतल सबद उबारिये, अहं आनिये नाहि ।
 तेरा प्रीतम तुज्ज मे, सत्रू भी तुम्ह माहिँ ॥३१॥
 सबद भेद तब जानिये, रहै सबद के माहिँ ।
 सबदै सबद प्रगट भया, दूजा दीखै नाहिँ ॥३२॥
 सोई सबद निज सार है, जो गुरु दिया बताय ।
 बलिहारी वा गुरु की, सिष्य त्रिगोय^१ न जाय ॥३३॥
 वह मोती मत जानियो, पुहै पीत के साथ ।
 यह तौ मोती सबद का, बेधि रहा सब गात ॥३४॥
 बलिहारी वहि दूध की, जा मैँ निकसत घीव ।
 आधी साखि कबीर की, चार वेद को जीव ॥३५॥
 सबद अहै गाहक नहीं, वस्तु सो गरुआ मोल ।
 बिना दाम को मानवा, फिरता डाँवाँडोल ॥३६॥
 रैनि तिमिर नासत भयो, जबही भानु उगाय ।
 सार सबद के जानते, कर्म भर्म मिटि जाय ॥३७॥
 जंत्र मंत्र सब भूठ है, मत भरमो जग कोय ।
 सार सबद जाने बिना, कागा हंस न होय ॥३८॥
 सत्त सबद निज जानि कै, जिन कीन्हा परतीति ।
 काग कुमति तजि हंस है, चले सो भव जल जोति ॥३९॥
 सबद खोजि मन बस करै, सहज जोग है येहि ।
 सत्त सबद निज सार है, यह तौ भूठी दँहि ॥४०॥

(१) भरम या धोखे में न पड़ जाय ।

सार सबद जाने बिना, जिव परलै में जाय ।
 काया माया धिर नहीं, सबद लेहु अरथाय ॥४१॥
 कर्म फंद जग फंदिया, जप तप पूजा ध्यान ।
 जेहि सबद तें मुक्ति है, सो न परै पहिचान ॥४२॥
 सतजुग त्रेता द्वापरा, यहि कलिजुग अनुमान ।
 सार सबद इक साच है, और भूठ सब ज्ञान ॥४३॥
 पृथ्वी अपर हूँ तेज नहीं, नहीं वायु आकास ।
 अललपच्छ तहूँ है रहै, सत्त सबद परकास ॥४४॥

॥ सोरठा ॥

सतगुरु सबद प्रमान, अनहद बानी ऊचरै ।
 और भूठ सब ज्ञान, कहै कबीर बिचारि कै ॥४५॥
 ज्ञानी सुनहु संदेस, सबद बिबेकी पेखिया ।
 कह्यौ मुक्तिपुर देस, तोनि लोक के बाहिरे ॥४६॥
 मन तहूँ गगन समाय, धुनि सुनि सुनि कै मगन है ।
 नहीं आवै नहीं जाय, सुन्न सबद धिति पावही ॥४७॥
 ज्ञानी कहहु बिचार, सतगुरु ही से पाइये ।
 सत्त सबद निज सार, और सबै बिस्तार है ॥४८॥
 जग में बहु परिपंच, ता में जीव भुलान सब ।
 नहीं पावै कोइ संच, सार सबद जाने बिना ॥४९॥
 गहै सबद निज मूल, सिंधाहिं बंद समान है ।
 सूच्छम में अस्थूल, बीज वृच्छ बिस्तार ज्यो ॥५०॥

॥ साखी ॥

जाप मरै अजपा मरै, अनहद हूँ मरि जाय ।
 सुरत समानी सबद में, ता को काल न खाय ॥५१॥

बिनती का अंग ।

बिनवत हँ कर जोरि कै, सुनिये कृपा-निधान ।
 साध संगति सुख दीजिये, दया गरीबी दान ॥१॥
 जो अब के सतगुरु मिलै, सब दुख आखौँ रोय ।
 चरनों ऊपर सीस धरि, कहौँ जो कहना होय ॥२॥
 मेरे सतगुरु मिलैगे, पूछैगे कुसलात ।
 आदि अंत की सब कहौँ, उर अंतर की बात ॥३॥
 सुरति करौ मेरे साइयाँ, हम हँ भवजल माहिँ ।
 आपे ही बहि जायँगे, जो नहिँ पकरौ बाहिँ ॥४॥
 क्या मुख लै बिनती करौँ, लाज आवत है मोहिँ ।
 तुम देखत औगुन करौँ, कैसे भावैँ तोहिँ ॥५॥
 सतगुरु तोहि बिसारि कै, का के सरनै जायँ ।
 सिव बिरंचि मुनि नारदा, हिरदे नाहिँ समायँ ॥६॥
 मैं अपराधी जनम का, नख सिख भरा बिकार ।
 तुम दाता दुख-भन्जना, मेरी करो समहार ॥७॥
 अवगुन मेरे बाप जी, बकस गरीब-निवाज ।
 जो मैं पून कपूत हँ, तऊ पिता को लाज ॥८॥
 औगुन किये तो बहु किये, करत न मानी हार ।
 भावै बंदा बकसिये, भावै गरदन मार ॥९॥
 जो मैं भूल बिगाड़िया, ना करू मैला चित्त ।
 साहिब गरुआ लोड़िये, नफर बिगाड़ै नित्त ॥१०॥
 साइँ केरा बहुत गुन, औगुन कोई नाहिँ ।
 जो दिल खोजौँ अपना, सब औगुन मुक्त माहिँ ॥११॥

साहिब तुम जनि बिसरो, लाख लोग लगि जाहिँ ।
 हम से तुमरे बहुत है, तुम सम हमरे नाहिँ ॥१२॥
 औसर बीता अल्प तन, पीव रहा परदेस ।
 कलंक उतारौ साइयाँ, भानौ भरम अँदेस ॥१३॥
 कर जोरे बिनती करौं, भवसागर आपार ।
 बंदा ऊपर मिहर करि, आवागवन निवार ॥१४॥
 अंतरजामी एक तुम, आतम के आधार ।
 जो तुम छोड़ौ हाथ तैं, कौन उतारै पार ॥१५॥
 भवसागर भारी महा, गहिरा अगम अगाह^१ ।
 तुम दयाल दाया करो, तब पाओँ कछु थाह ॥१६॥
 साहिब तुमहिँ दयाल है, तुम लगि मेरी दौर ।
 जैसे काग जहाज को, सूझै और न ठौर ॥१७॥
 साइँ तेरा कछु नहीं, मेरा होय अकाज ।
 बिरद^२ तुम्हारे नाम को, सरन परे की लाज ॥१८॥
 मेरा मन जो तोहिँ से, योँ जो तेरा होय ।
 अहरन ताना लोह ज्यौँ, संधि लखै नहिँ कोय^३ ॥१९॥
 मेरा मन जो तोहिँ से, तेरा मन काहिँ और ।
 कह कबीर कैसे निभै, एक चित्त दुइ ठौर ॥२०॥
 मुझ में औगुन तुज्झ गुन, तुझ गुन औगुन मुज्झ ।
 जो मैं बिसरौँ तुज्झ को, तू मत बिसरै मुज्झ ॥२१॥
 मन परतीत न प्रेम रस, ना कछु तन में ढंग ।
 ना जानौँ उस पीव से, क्योँकर रहसी रंग ॥२२॥
 जिन को साइँ रँगि दिया, कबहुँ न होहिँ कुरंग ।
 दिन दिन धानी आगरी^४, चढ़ै सवाया रंग ॥२३॥

(१) अथाह । (२) महिमा । (३) जब दोनों टुकड़े लोहे के गरम हों तब बेमालूम जोड़ लग सकता है । (४) उग्र ।

मेरा मुझ में कछु नहीं, जो कछु है सो तुझ ।
 तेरा तुझ को सौंपते, का लागत है मुझ ॥२४॥
 औगुनहारा गुन नहीं, मन का बड़ा कठोर ।
 ऐसे समरथ सतगुरु, ताहि लगावै ठौर ॥२५॥
 तुम तो समरथ साइयाँ, दूढ़ कर पकरो बाहिँ ।
 धुरही लै पहुँचाइयो, जनि छाड़े मग माहिँ ॥२६॥
 कबीर करत है बीनती, सुने संत चित्त लाय ।
 मारग सिरजनहार का, दोजै मोहिँ बताय ॥२७॥
 सतगुरु बड़े दयाल हैं, संतन के आधार ।
 भवसागरहि अथाह से, खेत उतारै पार ॥२८॥
 भक्ति दान मोहिँ दोजिये, गुरु देवन के देव ।
 और नहीं कछु चाहिये, निस दिन तेरी सेव ॥२९॥

उपदेश का अंग ।

जो तो को काँटा बुवै, ताहि बोव तू फूल ।
 तोहि फूल को फूल है, वा को है तिरसूल ॥१॥
 दुर्बल को न सताइये, जा की मोटी हाय ।
 बिना जीव की स्वास से, लेह भसम हूँ जाय ॥२॥
 कबीर आप ठगाइये, और न ठगिये कोय ।
 आप ठगा सुख होत है, और ठगे दुख होय ॥३॥
 या दुनिया में आइ के, छाड़ि देय तू ऐँठ ।
 लेना होइ सो लेइ ले, उठो जात है पैँठ ॥४॥
 खाय पकाय लुटाइ ले, हे मनुवाँ मिहमान ।
 लेना होय सो लेइ ले, यही गोय मैदान ॥५॥

(१) भाथी या धौंरुनी जो बिना जीव की होती है उसकी हवा से लोहा गल जाता है । (२) गँद ।

लेना होइ सो लेइ ले, कही सुनी मत मान ।
 कही सुनी जुग जुग चली, आवा गवन बँधान ॥६॥
 ऐसी बानी बोलिये, मनका आपा खोय ।
 औरन को सीतल करै, आपहुँ सीतल होय ॥७॥
 जग में बैरी कोइ नहीं, जो मम सीतल होय ।
 या आपा को डारि दे, दया करै सब कोय ॥८॥
 हस्ती चढिये ज्ञान की, सहज दुलीचा डारि ।
 स्वान रूप संसार है, भँसन दे भख मारि ॥९॥
 बाजन देहू जंतरी, कलि कुकही मत छेड़ ।
 तुझे पराई क्या परी, अपनी आप निबेड़ ॥१०॥
 कबीर काहे को डरै, सिर पर सिरजनहार ।
 हस्ती चढ़ि दुरिये नहीं, कूकर भुँसै हजार ॥११॥
 आवत गारी एक है, उलटत होय अनेक ।
 कहै कबीर नहिँ उलटिये, वही एक की एक ॥१२॥

॥ सोरठा ॥

गारी मोटा ज्ञान, जो रंचक उर में जरै ।
 कोटि सँवारै काम, बैरि उलटि पाँयन परै ॥१३॥
 गारी ही से ऊपजै, कलह कष्ट ओ मोच ।
 हारि चलै सो साधु है, लागि मरै सो नीच ॥१४॥
 हरिजन तो हारा भला, जीतन दे संसार ।
 हारा सतगुरु से मिलै, जीता जम की लार ॥१५॥
 जेता घट तेता मता, घट घट और सुभाव ।
 जा घट हार न जीत है, ता घट ज्ञान समाव ॥१६॥

जैसा अन जल खाइये, तैसा ही मन होय ।
 जैसा पानी पीजिये, तेसी बानी सोय ॥१७॥
 माँगन मरन समान है, मति कोइ माँगो भोख ।
 माँगन तँ मरना भला, यह सतगुरु की सीख ॥१८॥
 उदर समाता माँगि लै, ता को नाहीं दोष ।
 कह कबीर अधिका गहै, ता की गती न मोष ॥१९॥
 उदर समाता अन्न लै, तनहिँ समाता चीर ।
 अधिकहिँ संग्रह ना करै, ता का नाम फकीर ॥२०॥
 कथा कीरतन कलि बिषे, भौसागर की नाव ।
 कह कबीर जग तरन को, नाहीं और उपाव ॥२१॥
 कथा कीरतन छोड़ करि, करै जो और उपाय ।
 कह कबीर ता साध के, पास कोई मत जाय ॥२२॥
 कथा कीरतन करन की, जा के निसु दिन रीति ।
 कह कबीर वा दास से, निश्चय कीजै प्रीति ॥२३॥
 कथा कीरतन रात दिन, जा के उद्यम यह ।
 कह कबीर ता साधु की, हम चरनन की खेह ॥२४॥
 कथा करो करतार की, निसु दिन साँभ सकार ।
 काम कथा को परिहरौ, कहै कबीर बिचार ॥२५॥
 काम कथा सुनिये नहीं, सुन करि उपजै काम ।
 कहै कबीर बिचार करि, बिसर जात है नाम ॥२६॥
 कबीर संगी साधु का, दल आया भरपूर ।
 इन्द्रिन को तब बाँधिया, या तन कीया धूर ॥२७॥
 कहते को कहि जान दे, गुरु की सीख तु लेइ ।
 साक्षट जन औ स्वान को, फिर जवाब मत देइ ॥२८॥
 जो कोइ समझै सैन मैं, ता से कहिये बैन ।
 सैन बैन समझै नहीं, ता से कछु नहिँ कहन ॥२९॥

बहते को बहि जान दे, मत पकड़ावै ठौर ।
 समझाया समझै नहीं, दे दुइ घक्के और ॥३०॥
 बहते को मत बहन दे, कर गहि एँचहु ठौर ।
 कहा सुना मानै नहीं, बचन कहे दुइ और ॥३१॥
 बन्दे तू कर बन्दगी, तो पावै दीदार ।
 औसर मानुष जन्म का, बहुरि न बारम्बार ॥३२॥
 मन राजा नायक भया, टाँडा लादा जाय ।
 हैहै हैहै है रही, पूंजी गई बिलाय ॥३३॥
 जीवत कोइ समझै नहीं, मुआ न कहै संदेस ।
 तन मन से परिचय नहीं, ता को क्या उपदेस ॥३४॥
 जेहि जेवरि तँ जग बँधा, तँ जनि बँधै कबीर ।
 जासी आटा लोन ज्येँ, सोन समान सरीर ॥३५॥
 जिन गुरु जैसा जानिया, तिन को तैसा लाभ ।
 ओसे प्यास न भागसी, जललगिधसैन आव ॥३६॥
 जिभ्या को दे बंधने, बहु बोलना निवारि ।
 सो पारख से संग करु, गुरुमुख सबद बिचारि ॥३७॥
 जा की जिभ्या बंद नहिँ, हिरदं नाहीं साच ।
 ता के संग न लागिये, घालै बटिया काच ॥३८॥
 सकल दुरमती दूर करि, आछो जनम बनाव ।
 काग गमन गति छाड़ि दे, हंस गमन गति आव ॥३९॥
 कर बंदगी बिबेक की, भेष धरे सब कोय ।
 वह बंदगी बहि जान दे, जहँ सबद बिबेक न होय ॥४०॥
 साधु भया तो क्या भया, बोलै नाहिँ बिचार ।
 हतै पराई आतमा, जीभ बाँधि तरवार ॥४१॥

(१) पानी । (२) कच्चे रास्ते में यानी कुराह में गिरा देगा ।

मधुर बचन है औषधी, कटुक बचन है तोर ।
 खवन द्वार है संचरै, सालै सकल सरीर ॥४२॥
 बोलत ही पहिचानिये, साहु चोर को घाट ।
 अंतर की करनी सबै, निकसै मुख की बाट ॥४३॥
 जिन ढूँढ़ा तिन पाइया, गहिरे पानी पैठि ।
 जो बैरा डूबन डरा, रहा किनारे बैठि ॥४४॥
 ज्ञान रतन की कोठरी, चुप करि दीजै ताल ।
 पारख आगे खोलिये, कुंजी बचन रसाल ॥४५॥
 साध संत तेई जना, जिन माना बचन हमार ।
 आदि अंत उत्पति प्रलय, देखहु दृष्टि पसार ॥४६॥
 पानी प्यावत क्या फिरै, घर घर सायर बारि ।
 जो जन तिरषावंत है, पोवैगा ऋख मारि ॥४७॥
 जो तू चाहै मुझ को, छाड़ि सकल की आस ।
 मुझ ही ऐसा हूँ रहै, सब सुख तेरे पास ॥४८॥
 चतुराई क्या कीजिये, जो नहिँ सबद समाय ।
 कोटिक गुन सूवा पढै, अंत बिलाई खाय ॥४९॥
 अलमस्त फिरे क्या होत है, सुरत लोजिये धाय ।
 चतुराई नहिँ छूटसी, सुरत सबद मै पोय ॥५०॥
 पढ़ना गुनना चातुरी, यह तो बात सहल ।
 काम दहल मन बसि करन, गगन चढ़न मुस्कल ॥५१॥
 पढ़ि पढ़ि के पत्थर भये, लिखि लिखि भये जोईट ।
 कधीर अंतर प्रेम की, लागी नेक न छोट ॥५२॥
 नाम भजे मन बसि करो, यही बात है तंत ।
 काहे को पढ़ि पचि मरो, कोटिन ज्ञान गिरंथ ॥५३॥

कबीर आधी साखि यह, कोटि ग्रंथ करि जान ।
 नाम सत्त जग भूठ है, सुरत सबद पहिचान ॥५४॥
 करता था तो क्यों रहा, अब करि क्यों पछिताय ।
 बोवे पेड़ बबूल का, आम कहाँ तँ खाय ॥५५॥

सामर्थ का अंग ।

साहिब से सब होत है, बंदे तँ कछु नाहिँ ।
 राई तँ पर्वत करै, पर्वत राई नाई ॥१॥
 बहन बहंता थल करै, थल कर बहन बहोय ।
 साहिब हाथ बड़ाइया, जस भावै तस होय ॥२॥
 साहिब सा समरथ नहीं, गरुआ गहिर गंभीर ।
 औगुन छाड़ै गुन गहै, छिनक उतारै तोर ॥३॥
 ना कछु किया न कर सका, ना करने जोग सरीर ।
 जो कछु किया साहिब किया, ता तँ भया कबीर ॥४॥
 जो कछु किया होतुम किया, मैं कछु कीया नाहिँ ।
 कहौं कहौं जो मैं किया, तुमहीं थे मुझ माहिँ ॥५॥
 कीया कछु न होत है, अनकीया हो होय ।
 कीया जो कछु होय तो, करता औरै कोय ॥६॥
 जिस नहिँ कोई तिसहि तूँ, जिस तूँ तिस सब होय ।
 दरगह तेरी साइयाँ, मेदि न सकै कोय ॥७॥
 इत कूआ उत बावड़ी, इत उत थाह अथाह ।
 दुहूँ दिसा फनिर फन कहे, समरथ पार लगाहि ॥८॥
 घट समुद्र लखि ना परै, उठै लहर अपार ।
 दिल दरिया समरथ बिना, कौन उतारै पार ॥९॥

अबरन को क्या बरनिये, मो पै बरनि न जाय ।
 अबरन बरन तैं बाहिरा, करि करि थका उपाय ॥१०॥
 मो मैं इतनी सक्ति कहैं, गाऊँ गला पसार ।
 बंदे को इतनी घनी, पड़ा रहै दरबार ॥११॥
 साइँ तुझ से बाहिरा, कैड़ी नाहिँ बिक्राय ।
 जा के सिर पर तू धनी, लाखौं मोल कराय ॥१२॥
 साइँ मेरा बानिया, सहज करै ब्योपार ।
 बिन डाँडी बिन पालरे, तौलै सब संसार ॥१३॥
 धन धन साहिब तूँ बड़ा, तेरी अनुपम रीत ।
 सकल भूप सिर साइयाँ, ह्रै कर रहा अतीत ॥१४॥
 बालक रूपी साइयाँ, खेलै सब घट माहिँ ।
 जो चाहै सो करत है, भय काहू का नाहिँ ॥१५॥

निज करता के निर्णय का अंग ।

अछै पुरुष एक पेड़ है, निरंजन वा की डार ।
 तिरदेवा साखा भये, पात भया संसार ॥१॥
 नाद बिंदु तैं अगम अगोचर, पाँच तत्त तैं न्यार ।
 तीन गुनन तैं भिन्न है, पुरुष अलख अपार ॥२॥
 तीन गुनन की भक्ति मैं, भूलि परधौ संसार ।
 कह कबीर निज नाम बिनु, कैसे उतरै पार ॥३॥
 हरा होय सूखै सहो, यौं तिरगुन बिस्तार ।
 प्रथमहिँ ता को सुमिरिये, जा का सकल पसार ॥४॥
 सबद सुरति के अन्तरे, अलख पुरुष निर्बान ।
 लखनेहारा लखि लिया, जा को है गुरु ज्ञान ॥५॥

हम तो लखा तिहुँलोक में, तुम क्यों कहौ अलेख ।
 सार सबद जाना नहीं, धोखे पहिरा भेष ॥६॥
 राम कृष्ण अवतार हैं, इन की नाही माँड ।
 जिन साहिब सिष्टी किया, (सो) किनहुँ न जाया राँड ॥७॥
 संपुट माहिँ समाइया, सो साहिब नहिँ होय ।
 सकल माँड में रमि रहा, मेरा साहिब सोय ॥८॥
 साहिब मेरा एक है, दूजा कहा न जाय ।
 दूजा साहिब जो कहूँ, साहिब खरा रिसाय ॥९॥
 जा के मुँह माथा नहीं, नाही रूप अरूप ।
 पुहुप बास तँ पातरा, ऐसा तत्र अनूप ॥१०॥
 देही माहिँ बिदेह है, साहिब सुरत सरूप ।
 अनंत लोक में रमि रहा, जा के रंग न रूप ॥११॥
 बूझो करता आपना, मानो बचन हमार ।
 पाँच तत्र के भीतरे, जा का यह संसार ॥१२॥
 चार भुजा के भजन में, भूलि परे सब संत ।
 कबीर सुमिरै तासु को, जाके भुजा अनंत ॥१३॥
 निबल सबल जो जानि कै, नाम घरा जगदीस ।
 कहै कबीर जनमै मरै, ताहि धरूँ नहिँ सीस ॥१४॥
 जनम मरन से रहित है, मेरा साहिब सोय ।
 बलिहारी वहि पीव की, जिन सिरजा सब कोय ॥१५॥
 समुँद पाटि लंका गयो, सीता को भरतार ।
 ताहि अगस्त अचै गयो, इन में को करतार ॥१६॥
 गिरवर धारयो कृष्ण जी, द्रोनागिरि हनुमंत ।
 सेस नाग सब सृष्टि सहारी, इन में को भगवंत ॥१७॥

राम कृष्ण को जिन किया, सो तो करता न्यार ।
अंधा ज्ञान न बूझई, कहै कबीर बिचार ॥१८॥

घट मठ (सर्व घट व्यापी) का अंग ।

कस्तूरी कुण्डल बसै, मृग हूँदैं बन माहिँ
ऐसे घट में पीव है, दुनियाँ जानै नाहिँ ॥१॥
तेरा साँई तुज्झ में, ज्योँ पुहुपन में बास ।
कस्तूरी का मिरग ज्योँ, फिरि फिरि हूँदैं घास ॥२॥
जा कारन जग हूँदिया, सो तो घटही माहिँ ।
परदा दीया भरम का, ता तें सूझै नाहिँ ॥३॥
समझै तो घर में रहै, परदा पलक लगाय ।
तेरा साहिब तुज्झ में, अंत कहूँ मत जाय ॥४॥
सब घट मेरा साइयाँ, सूनी सेज न कोय ।
बलिहारी वा घट की, जा घट परघट होय ॥५॥
जेता घट तेता मता, बहु बानी बहु भेख ।
सब घट व्यापक हूँ रहा, सोई आप अलेख ॥६॥
भूला भूला क्या फिरै, सिर पर बंधि गड़ बेल ।
तेरा साँई तुज्झ में, ज्योँ तिल माहीं तेल ॥७॥
ज्योँ तिल माहीं तेल है, ज्योँ चकमक में आगि ।
तेरा साँई तुज्झ में, जागि सकै तो जागि ॥८॥
ज्योँ नैनन में पूतरी, योँ खालिक घट माहिँ ।
मूरख लोग न जानहीं, बाहर हूँदैन जाहिँ ॥९॥
पुहुप मध्य ज्योँ बास है, व्यापि रहा सब माहिँ ।
संतोँ माहीं पाइये, और कहूँ कछु नाहिँ ॥१०॥
पावक रूपी साइयाँ, सब घट रहा समाय ।
चित चकमक लागै नहीं, ता तें बुझि बुझि जाय ॥११॥

समदृष्टी का अंग ।

समदृष्टी सतगुरु किया, भर्म किया सब दूर ।
 भया उँजारा ज्ञान का, जगा निर्मल सूर ॥१॥
 समदृष्टी सतगुरु किया, दीया अबिचल ज्ञान ।
 जहँ देखौँ तहँ एकही, दूजा नाहीँ आन ॥२॥
 समदृष्टी सतगुरु किया, मेटा भरम बिकार ।
 जहँ देखौँ तहँ एकही, साहिब का दीदार ॥३॥
 समदृष्टी तब जानिये, सीतल समता होय ।
 सब जीवन की आत्मा, लखै एक सी सोय ॥४॥

भेदी का अंग ।

कबीर भेदी भक्त से, मेरा मन पतियाय ।
 सेरी पावै सबद की, निर्भय आवै जाय ॥१॥
 भेदी जानै सबै गुन, अनभेदी क्या जान ।
 कै जानै गुरु पारखी, कै जा के लागा बान ॥२॥
 भेद ज्ञान साबुन भया, सुमिरन निर्मन नीर ।
 अंतर धोई आत्मा, धोया निर्गुन चीर ॥३॥
 भेद ज्ञान तौ लौँ भला, जौ लौँ मेल न होय ।
 परम जोति प्रगटै जहाँ, तहँ बिकल्प नहिँ कोय ॥४॥

परिचय का अंग ।

पिउ परिचय तब जानिये, पिउ से हिलमिल होय ।
 पिउ की लाली मुख पढ़ै, परगट दीसै सोय ॥१॥
 लाली मेरे लाल की, जित देखौँ तित लाल ।
 लाली देखन मैँ गई, मैँ भी हो गई लाल ॥२॥

जिन पावन भुइँ बहु फिरे, घूमे देस बिदेस ।
 पिया मिलन जब होइया, आँगन भया बिदेस ॥३॥
 उलटि समानी आप में, प्रगटी जाति अनंत ।
 साहिब सेवक एक सँग, खेलै सदा बसंत ॥४॥
 जागी हुआ झलक लगी, मिटि गया ऐँचा तान ।
 उलटि समाना आप में, हुआ ब्रह्म समान ॥५॥
 हम बासी वा देस के, जहाँ सत्तपुरुष की आन ।
 दुख सुख कोइ व्यापै नहीं, सब दिन एक समान ॥६॥
 हम बासी वा देस के, जहाँ बारह मास बिलास ।
 प्रेम भिरै भिगसै कँवल, तेज पुंज परकास ॥७॥
 संसय करौँ न मैँ डरौँ, सब दुख दिये निवार ।
 सहज सुन्न मैँ घर किया, पाया नाम अधार ॥८॥
 बिन पाँवन का पंथ है, बिन बस्ती का देस ।
 बिना देह का पुरुष है, कहै कधीर सँदेस ॥९॥
 नेन गला पानी मिला, बहुरि न भरिहै गौन ।
 सुरत सबद मेला भया, काल रहा गहि मौन ॥१०॥
 हिलि मिलि खेलैँ सबद से, अंतर रही न रेख ।
 समझे का मति एक है, क्या पंडित क्या सेख ॥११॥
 अलख लखा लालच लगा, कहत न आवै बैन ।
 निज मन धसा स्वरूप में, सतगुरु दीन्हो सैन ॥१२॥
 कहना था सो कहि दिया, अब कछु कहा न जाय ।
 एक रहा दूजा गया, दरिया लहर समाय ॥१३॥
 पिंजर प्रेम प्रकासिया, जागो जाति अनंत ।
 संसय छूटा भय मिटा, मिला पियारा कंत ॥१४॥
 उनमुनि लागी सुन्न में, निसु दिन रहि गलतान ।
 तन मन की कछु सुधि नहीं, पाया पद निरधान ॥१५॥

उनमुनि चढ़ी अकास को, गई धरनि से छूटि ।
 हंस चला घर आपने, काल रहा सिर कूटि ॥१६॥
 उनमुनि से मन लागिया, गगनहिँ पहुँचा जाय ।
 चाँद बिहूना चाँदना, अलख निरंजनराय ॥१७॥
 मेरी मिटि मुक्ता भया, पाया अगम निवास ।
 अब मेरे दूजा नहीं, एक तुम्हारी आस ॥१८॥
 सुरति समानी निरति में, अजपा माहीं जाप ।
 लेख समाना अलेख में, आपा माहीं आप ॥१९॥
 सुरति समानी निरति में, निरति रही निरधार ।
 सुरति निरति परिचय भया, तब खुला सिंधु दुवार ॥२०॥
 गुरु मिले सीतल भया, मिटी मोह तन ताप ।
 निसु बासर सुख-निधि लहाँ, अन्तर प्रगटे आप ॥२१॥
 कौतुक देखा दँह बिनु, रबि ससि बिना उजास ।
 साहिब सेवा माहिँ है, बेपरवाही दास ॥२२॥
 पवन नहीं पानी नहीं, नहीं धरनि आकास ।
 तहाँ कबीरा संत जन, साहिब पास खवास ॥२३॥
 अगवानी तो आइया, ज्ञान बिचार बिबेक ।
 पीछे गुरु भी आयँगे, सारे साज समेत ॥२४॥
 पारब्रह्म के तेज का, कैसा है उनमान ।
 कहिबे की सोभा नहीं, देखे ही परमान ॥२५॥
 सुरज समाना चाँद में, दोऊ किया घर एक ।
 मन का चेता तब भया, पूर्व जनम का लेख ॥२६॥
 पिंजर प्रेम प्रकासिया, अन्तर भया उजास ।
 सुख करि सूती महल में, बानी फूटी बास ॥२७॥
 आया था संसार में, देखन को बहु रूप ।
 कहै कबीरा संत हो, परि गया नजरि अनूप ॥२८॥

पाया था सो गहि रहा, रसना लागी स्वाद ।
 रतन निराला पाइया, जगत टटोला बाद ॥२६॥
 कबीर देखा एक अंग, महिमा कही न जाय ।
 तेज पुंज परसा धनी, नैनें रहा समाय ॥३०॥
 नव बिहूना देहरा, देह बिहूना देव ।
 तहाँ कबीर बिलंबिया, करै अलख की सेव ॥३१॥
 कबीर कमल प्रकासिया, जगा निर्मल सूर ।
 रैन अंधेरी मिटि गई, बाजै अनहद तूर ॥३२॥
 आकासै आधा कुआँ, पाताले पनिहार ।
 जल हंसा कोइ पीवई, बिरला आदि बिचार ॥३३॥
 गगन गरजि बरसै अमी, बादल गहिर गंभीर ।
 चहुँ दिसि दमकै दामिनी, भीजै दास कबीर ॥३४॥
 गगन मँडल के बीच में, जहाँ साहंगम डोरि ।
 सबद अनाहद होत है, सुरति लगी तहँ मोरि ॥३५॥
 दीपक जोया ज्ञान का, देखा अपरं देव ।
 चार बेद की गम नहीं, जहाँ कबीरा सेव ॥३६॥
 कबीर जब हम गावते, तब जाना गुरु नाहिँ ।
 अब गुरु दिल में देखिया, गावन को कछु नाहिँ ॥३७॥
 मानसरोवर सुगम जल, हंसा केलि कराय ।
 मुकताहल मोती चुगै, अब उड़ि अंत न जाय ॥३८॥
 सुन्न मँडल में घर किया, बाजै सबद रसाल ।
 रोम रोम दीपक भया, प्रगटे दीनदयाल ॥३९॥
 पूरे से परिचय भया, दुख सुख मेला दूरि ।
 जम से बाकी कटि गई, साईँ मिला हजूर ॥४०॥
 सुरति उड़ानी गगन को, चरन बिलंबी जाय ।
 सुख पाया साहब मिला, आनंद उर न समाय ॥४१॥

जा बिन सिंह न संचरै, पंछी उड़ि नहिँ जाय ।
 रैन दिवस की गम नहीं, (तहँ) रहा कबीर समाय ॥४२॥
 कबीर तेज अनंत का, मानो सूरज सैन ।
 पति संग जागी सुन्दरी, कौतुक देखा नैन ॥४३॥
 अगम अगोचर गम नहीं, जहाँ झिलमिलै जात ।
 तहाँ कबीरा बंदगी, पाप पुन्य नहिँ छोट ॥४४॥
 कबीर मन मधुकर भया, कीया नर तरु बास ।
 कँवल जो फूला नीर बिन, कोइ निरखै निज दास ॥४५॥
 सीप नहीं सायर नहीं, स्वाँति बृंद भी नाहिँ ।
 कबीर मोती नोपजे, सुन्न सिखर घट माहिँ ॥४६॥
 घट में औघट पाँइया, औघट माहीं घाट ।
 कह कबीर परिचय भया, गुरू दिखाई बाट ॥४७॥
 जहँ मोतियन की झालरी, होरन का परकास ।
 चाँद सूर की गम नहीं, दरसन पावै दास ॥४८॥
 कछु करनी कछु कर्म गति, कछु पूरबला लेख ।
 देखो भाग कबीर का, दोसत^१ किया अलेख ॥४९॥
 पानी हौँ तँ हिम भया, हिम हौँ गया बिलाय ।
 कबीर जो था सोइ भया, अब कछु कहा न जाय ॥५०॥
 जा कारन मैं जाय था, सो तो मिलिया आय ।
 साईँ ते सन्मुख भया, लगा कबीरा पाँय ॥५१॥
 पंछी उड़ाना गगन को, पिंड रहा परदेस ।
 पानी पीया चाँव बिन, भूल गया यह देस ॥५२॥
 सुचि^२ पाया सुख ऊपजा, दिल दरिया भरपूर ।
 सकल पाप सहजे गया, साहिब मिला हजूर ॥५३॥

तन भीतर मन मानिया, बाहर कतहूँ न लाग ।
 ज्वाला तैँ फिरि जल भया, बुझी जलन्ती आग ॥५४॥
 तत पाया तन बीसरा, मन धाया धरि ध्यान ।
 तपन मिटी सीतल भया, सुन्न किया अस्नान ॥५५॥
 कबीर दिल दरिया मिला, फल पाया समरत्थ ।
 सायर माहिँ ढँढोलता, हीरा चढ़ि गया हत्थ ॥५६॥
 जा कारन मैं जाय था, सो ती पाया ठौर ।
 सोही फिर आपन भया, जा को कहता और ॥५७॥
 कबीर देखा इक अगम, माहिमा कही न जाय ।
 तेज पुंज परसा धनी, नैनौँ रहा समाय ॥५८॥
 गरजै गगन अभी चुवै, कदली कमल प्रकास ।
 तहाँ कबीरा बन्दगी, करि कोई निज दास ॥५९॥
 जा दिन किरतम ना हता, नहाँ हाट नहिँ बाट ।
 हता कबीरा संत जन, देखा औघट घाट ६०॥
 नहाँ हाट नहिँबाट था, नहिँ धरती नहिँ नोर ।
 असंख जुग परलय गया, तब की षहै कबीर ॥६१॥
 पाँच तत्त गुन तीन के, आगे भक्ति मुकाम ।
 जहाँ कबीरा घर किया, तहँ दत्त न गोरख राम ॥६२॥
 सुरनर मुनि जन औलिया, यह सब उरली तीर ।
 अलह राम की गम नहीं, तहँ घर किया कबीर ६३॥
 हम बासी उस देस के, जहाँ ब्रह्म का खेल ।
 दोपक देखा गैब्र का, बिन बाती बिन तेल ॥६४॥
 हम बासी उस देस के, (जहँ) जाति धरन कुल नाहिँ ।
 सबद मिलावा है रहा, देह मिलावा नाहिँ ॥६५॥

जब दिल मिला दयाल से, तब कुछ अंतर नाहिं ।
 पाला गलि पानी मिला, यों हरिजन हरि माहिं ॥६६॥
 कबीर कमल प्रकासिया, ब्रह्म बास तहँ होय ।
 मन भँवरा जहँ लुब्धिया, जानैगा जन कोय ॥६७॥
 सून्न सरोवर मीन मन, नीर तीर सब देव ।
 सुधा सिंधु सुख बिलसही, कोइ बिरला जाने भेव ॥६८॥
 मैं लागा उस एक से, एक भया सब माहिं ।
 सब मेरा मैं सबन का, तहाँ दूसरा नाहिं ॥६९॥
 गुन इंद्री सहजै गये, सतगुरु करी सहाय ।
 घट में नाम प्रगट भया, बकि बकि मरै बलाय ॥७०॥

मीन का अंग ।

भारी कहूँ तो बहु डरूँ, हलुका कहूँ तो भीठ ।
 मैं क्या जानूँ पीव को, नैना कलू न दीठ ॥१॥
 दीठा है तो कस कहूँ, कहूँ तो को पतियाय ।
 साईं जस तैसा रहो, हरखि हरखि गुन गाय ॥२॥
 ऐसो अद्भुत मत कथो, कथो तो धरो छियाय ।
 वेद कुराना ना लिखी, कहूँ तो को पतियाय ॥३॥
 जो देखै सो कहै नहिं, कहै सो देखै नाहिं ।
 सुनै सो समभावै नहीं, रसना दुग सरवन काहि ॥४॥
 जो पकरै सो चलै नहिं, चलै सो पकरै नाहिं ।
 कह कबीर यह साखि को, अरथ समझ मन माहिं ॥५॥
 गगन दुवारे मन गया, करै अमी रस पान ।
 रूप सदा झलकत रहै, गगन मँडल गलतान ॥६॥

जानि बूझि जड़ होइ रहै, बल तजि निर्बल होय ।
 कह कबीर वा दास को, गंजि सकै नहिँ कोय ॥७॥
 बाद बिबादे विष घना, बोले बहुत उपाध ।
 मौनि गहै सब की सहै, सुमिरै नाम अगाध ॥८॥

सजीवन का अंग ।

जरा मोच व्यापै नहीं, मुआ न सुनिये कोय ।
 चलु कबीर वा देस को, जहँ बैद साइयाँ होय ॥९॥
 भवसागर तँ यँ रहे, ज्यौँ जल कँवल निराल ।
 मनुवा वहाँ लै राखिये, जहाँ नहीं जम काल ॥१०॥
 कबीर जागो धन बसा, खनि खाया कँदमूल ।
 ना जानौँ केहि जड़ी से, अमर भया अस्थूल ॥११॥
 कबीर तो पिउ पै चला, माया मोह से तोरि ।
 गगन मँडल आसन किया, काल रहा मुख मोरि ॥१२॥
 कबीर मन तीखा किया, लाइ धिरह खरसान ।
 चित चरनेँ से चिपटिया, का करै काल का बान ॥१३॥

जीवत मृतक का अंग ।

जीवत मिरतक होइ रहै, तजै खलक की आस ।
 रच्छक समरथ सतगुरु, मत दुख पावै दास ॥१४॥
 कबीर काया समुँद है, अंत न पावै कोय ।
 मिरतक होइ के जो रहै, मानिक लावै सोय ॥१५॥
 मैं मरजीवाँ समुँद का, डुबकी मारी एक ।
 मूठी लाया ज्ञान की, जा में बस्तु अनेक ॥१६॥

दुबकी मारी समुंद मैं, निकसा जाय अकास ।
 गगन मँडल में घर किया, हीरा पाया दास ॥४॥
 हरि हीरा क्यों पाइ है, जिन जीवे की आस ।
 गुरु दरिया से काढ़सी, कोइ मरजीवा दास ॥५॥
 सुन्न सहर मैं पाइया, जहँ मरजीवा मन ।
 कबिरा चुनि चुनि ले गया, अंतर नाम रतन ॥६॥
 मैं मरजीवा समुंद का, पैठा सप्त पताल ।
 लाज कानि कुल मेदि के, गहि ले निकसा लाल ॥७॥
 मोती निपजै सीप में, सीप समुंदर माहिँ ।
 कोइ मरजीवा काढ़सी, जीवन की गम नाहिँ ॥८॥
 गुरु दरिया सूभर^१ भरा, जा में मुक्ता लाल ।
 मरजीवा ले नोकसै, पहिरि छिमा की खाल ॥९॥
 खरी कसौटी नाम की, खोटा टिकै न कोय ।
 नाम कसौटी सो टिकै, जो जीवत मिरतक होय ॥१०॥
 ऊँचा तरवर^२ गगन फल, बिरला पंछी खाय ।
 इस फल को तो सो चखै, जो जीवत ही मरि जाय ॥११॥
 जब लग आस सरीर की, मिरतक हुआ न जाय ।
 काया माया मन तजै, चौड़े रहै बजाय ॥१२॥
 कबीर मन मिरतक भया, दुरधल भया सरीर ।
 पाछे लागे हरि फिरै, कहै कबीर कबीर ॥१३॥
 मन को मिरतक देखि के, मत मानै बिस्वास ।
 साध जहाँ लौं भय करै, जब लग पिंजर स्वास ॥१४॥
 मैं जानौं मन मरि गया, मरि के हुआ भूत ।
 मूए पीछे उठि लगा, ऐसा मेरा पूत ॥१५॥

मरते मरते जग मुआ, औसर मुआ न कोय ।
 दास कबीरा यैँ मुआ, बहुरि न मरना होय ॥१६॥
 बैद मुआ रोगी मुआ, मुआ सकल संसार ।
 एक कबीरा ना मुआ, जा के नाम अधार ॥१७॥
 जीवन से मरना भला, जो मरि जानै कोय ।
 मरने पहिले जो मरै, (तो) अजर रु अम्मर होय ॥१८॥
 मन की मनसा मिटि गई, अहं गई सब छूट ।
 गगन मँडल में घर किया, काल रहा सिर कूट ॥१९॥
 मोहिँ मरने का चाव है, मरौँ तो गुरु दुवार ।
 मत गुरु बूझै बात री, कोइ दास मुआ दरबार ॥२०॥
 जा मरने से जग डरै, मेरे मन आनंद ।
 कब मरिहौँ कब पाइहौँ, पूरन परमानंद ॥२१॥
 भक्त मरे क्या रोइये, जो अपने घर जाय ।
 रोइये साकित बापुरे, जो हाटे हाट बिकाय ॥२२॥
 मरना भला बिदेस का, जहँ अपना नहिँ कोय ।
 जीव जंत भोजन करै, सहज महोच्छव होय ॥२३॥
 कबीर मरि मरघट गया, किनहुँ न बूझी सार ।
 हरि आगे आदर लिया, ज्यौँ गऊ बछा की लार ॥२४॥
 सूली ऊपर घर करै, बिष का करै अहार ।
 ता को काल कहा करै, जो आठ पहर हुसियार ॥२५॥
 जिन पाँवन भुइँ बहु फिरा, देखा देस बिदेस ।
 तिन पाँवन थिति पकरिया, आँगन भया बिदेस ॥२६॥
 पाँच पचीसो मारिया, पापी कहिये सोय ।
 याह परमारथ बूझि के, पाप करो सब कोय ॥२७॥
 आपा मेटे गुरु मिलै, गुरु मेटे सब जाय ।
 अकथ कहानी प्रेम की, कहे न कोइ पतियाय ॥२८॥

घर जारे घर जबरै, घर राखे घर जाय ।
 एक अचंभा देखिया, मुआ काल को खाय ॥२६॥
 कबीर चेरा संत का, दासनहू का दास ।
 अब तो ऐसा होइ रहु, ज्यों पाँव तले की घास ॥३०॥
 रोड़ा होइ रहु बाट का, तजि आपा अभिमान ।
 लोभ मोह तृस्ना तजै, ताहि मिलै निज नाम ॥३१॥
 रोड़ा भया तो क्या भया, पंथी को दुख देय ।
 साधू ऐसा चाहिये, ज्यों पँडे की खेह ॥३२॥
 खेह भई तो क्या भया, उड़ि उड़ि लागै अंग ।
 साधू ऐसा चाहिये, जैसे नीर निपंग ॥३३॥
 नीर भया तो क्या भया, ताता सीरा जोय ।
 साधू ऐसा चाहिये, जो हरि ही जैसा होय ॥३४॥
 हरि भया तो क्या भया, जो करता हरता होय ।
 साधू ऐसा चाहिये, जो हरि भज निरमल होय ॥३५॥
 निरमल भया तो क्या भया, निरमल माँगै ठौर ।
 मल निरमल तँ रहित है, ते साधू कोइ और ॥३६॥

साध का अंग ।

साध बड़े परमात्मी, घन ज्यों बरसै आय ।
 तपन बुझावै और की, अपना पारस लाय ॥१॥
 सद कृपाल दुख परिहरन, बैर भाव नहीं दाय ।
 छिमा ज्ञान सत भाखही, हिंसा रहित जो होय ॥२॥
 दुख सुख एक समान है, हरष सोक नहीं व्याप ॥
 उपकारी निःकामता, उपजै छोह न ताप ॥३॥
 सदा रहै संतोष में, धरम आप दूढ़ धार ।
 आस एक गुरुदेव की, और न चित्त बिचार ॥४॥

सावधान औ सीलता, सदा प्रफुल्लित गात ।
 निरबिकार गम्भीर मति, धीरज दया बसात ॥५॥
 निरबैरी निःकामता, स्वामी सेती नेह ।
 बिषया से न्यारा रहै, साधन का मति येह ॥६॥
 मान अपमान न चित धरै, औरन को सनमान ।
 जो कोई आसा करै, उपदेसै तेहि ज्ञान ॥७॥
 सीलवंत दृढ़ ज्ञान मति, अति उदार चित होय ।
 लज्यावान अति निछलता, कोमल हिरदा सोय ॥८॥
 दयावंत धरमक ध्वजा, धीरजवान प्रमान ।
 संतोषी सुखदायक रु, सेवक परम सुजान ॥९॥
 ज्ञानी अभिमानी नहीं, सब काहू से हेत ।
 सत्यवान परस्वारथी, आदर भाव सहैत ॥१०॥
 निश्चय भल अरु दृढ़ मता, ये सब लच्छन जान ।
 साध सोई है जगत में, जो यह लच्छनवान ॥११॥
 ऐसा साधू खोजि कै, रहिये चरनों लाग ।
 मिटै जनम की कल्पना, जा के पूरन भाग ॥१२॥
 सिहों के लेहँडे नहीं, हंसों की नहिँ पाँत ।
 लालों की नहिँ बोरियाँ, साध न चलै जमात ॥१३॥
 सब बन तो चन्दन नहीं, सूरु का दल नाहिँ ।
 सब समुद्र मोती नहीं, यों साधू जग माहिँ ॥१४॥
 स्वाँगी सब संसार है, साधू समझ अपार ।
 अललपच्छ कोई एक है, पंछी कोटि हजार ॥१५॥
 सिंह साध का एक मति, जीवत ही को खाय ।
 भाव-हीन मिरतक दसा, ता के निकट न जाय ॥१६॥

रबि को तेज घटै नहीं, जो घन जुड़ै घमंड ।
 साध बचन पलटै नहीं, (जो) पलटि जाय ब्रह्मंड ॥१७॥
 साध कहावन कठिन है, ज्योँ खाँडे की धार ।
 डिगमिगाय तो गिरि पड़ै, निःचल उतरै पार ॥१८॥
 साध कहावन कठिन है, ज्योँ लम्बी पेड़ खजूर ।
 चढ़ै तो चाखै प्रेम रस, गिरै तो चकनाचूर ॥१९॥
 जौन चाल संसार की, तौन साध की नाहिँ ।
 डिंभ चाल करनी करै, साध कहे मत ताहि ॥२०॥
 गाँठी दाम न बाँधई, नहिँ नारी से नेह ।
 कह कबीर ता साध की, हम चरनन की खेह ॥२१॥
 आवत साध न हरप्रिया, जात न दीया रोय ।
 कह कबीर वा दास की, मुक्ति कहाँ से होय ॥२२॥
 छाजन भोजन प्रीति से, दीजै साध बुलाय ।
 जीवत जस है जक्त में, अंत परम पद पाय ॥२३॥
 साध हमारी आत्मा, हम साधन के जीव ।
 साधन मट्टे योँ रहौँ, ज्योँ पय मट्टे घीव ॥२४॥
 ज्योँ पय मट्टे घीव है, त्योँ रमिया सब ठौर ।
 बक्ता स्रोता बहु मिले, मथि काढ़ै ते और ॥२५॥
 साध नदी जल प्रेम रस, तहाँ प्रछालौ' अंग ।
 कह कबीर निरमल भया, साधू जन के संग ॥२६॥
 वृच्छ कबहुँ नहिँ फल भखै, नदी न संचै नीर ।
 पारमारथ के कारने, साधन धरा सरोर ॥२७॥
 साधू आवत देखि कर, हँसो हमारी देह ।
 माथे का ग्रह ऊतरा, नैनाँ बँधा सनेह ॥२८॥

साधु साधु सबही बड़े, अपनी अपनी ठौर ।
 सबद बिबेकी पारखी, ते माथे के मौर ॥२९॥
 साधु साधु सब एक हैं, जस पोस्ता का खेत ।
 कोई बिबेकी लाल है, कोई सेत का सेत ॥३०॥
 निराकार को आरसी, साधोहों की दँहि ।
 लखा जो चाहे अलख को, (तो) इनहीं मँलखिलेहि ॥३१॥
 कोई आवै भाव लै, कोई अभाव लै आव ।
 साध दोऊ को पोषते, भाव न गिनै अभाव ॥३२॥
 कबीर दरसन साध का, करत न कीजै कानि ।
 (ज्येँ) उद्यम से लछमी मिलै, आलस में नित हानि ॥३३॥
 कबीर दरसन साध का, साहिव आवै याद ।
 लेखे मैं सोई घड़ी, बाकी के दिन बाद ॥३४॥
 खाली साध न भँटिये, सुन लीजे सब कोय ।
 कहँ कबीरा भँट धरु, जो तेरे घर होय ॥३५॥
 मन मेरा पंछी भया, उड़ि कर चढ़ा अकास ।
 गगन मँडल खालो पड़ा, साहिव संतों पास ॥३६॥
 नहीं सीतल है चन्द्रमा, हिम नहीं सीतल होय ।
 कबीर सीतल संत जन, नाम सनेही सोय ॥३७॥
 रक्त छाड़ि पय को गहै, ज्येँ रे गऊ का बच्छ ।
 औगुन छाड़ै गुन गहै, ऐसा साधू लच्छ ॥३८॥
 साधू आवत देखि कै, मन में करै मरोर ।
 सो तो होसो चूहरा, बसै गाँव की छोर ॥३९॥
 साधन के मैं संग हौं, अनत कहूँ नहीं जावँ ।
 जो मोहिँ अरपै प्रीति से, साधन मुख है खावँ ॥४०॥

साध मिले साहिब मिले, अंतर रही न रेख ।
 मनसा बाचा कर्मना, साधू साहिब एक ॥४१॥
 सुख देवें दुख को हरै, दूर करै अपराध ।
 कह कबीर वे कब मिलै, परम सनेही साध ॥४२॥
 जाति न पूछो साध की, पूछि लीजिये ज्ञान ।
 मोल करो तरवार का, पड़ा रहन दो म्यान ॥४३॥
 साध मिलै यह सब टलै, काल जाल जम चाट ।
 सीस नवावत ढहि पड़े, अघ पापन की पोट ॥४४॥
 साध चलत रो दीजिये, कीजे अति सनमान ।
 कहै कबीर भेंट धरु, अपने बित अनुमान ॥४५॥
 दरसन कीजै साध का, दिन में इक इक बार ।
 आसोजा^१ का मैह ज्योँ, बहुत करै उपकार ॥४६॥
 कई बार नहिँ करि सकै, तो दाय बखत करि लेय ।
 कबीर साधू दरस तैं, काल दगा नहिँ देय ॥४७॥
 दाय बखत नहिँ करि सकै, तो दिन में करु इक बार ।
 कबीर साधू दरस तैं, उतरै भौजल पार ॥४८॥
 एक दिना नहिँ करि सकै, तो दूजे दिन करि लेहि ।
 कबीर साधू दरस तैं, पावै उत्तम दैहि ॥४९॥
 दूजे दिन नहिँ करि सकै, तीजे दिन करि जाय ।
 कबीर साधू दरस तैं, मोच्छ मुक्ति फल पाय ॥५०॥
 तीजे चाये नहिँ करै, तो बार बार^२ करि जाय ।
 या में बिलैब न कीजिये, कह कबीर समुभाय ॥५१॥
 बार बार नहिँ करि सकै, तो पाख पाख^३ करि लेय ।
 कह कबीर सौ भक्त जन, जनम सुफल करि लेय ॥५२॥

पाख पाख नहिँ करि सकै, तो मास मास करि जाय ।
 या में देर न लाइये, कह कबीर समुभाय ॥५३॥
 मास मास नहिँ कर सकै, तो छठे मास अलबत्त ।
 या में ढोल न कीजिये, कह कबीर अविगत्त ॥५४॥
 छठे मास नहिँ करि सकै, बरस दिना करि लेय ।
 कह कबीर सो भक्त जन, जमहिँ चुनौती देय^१ ॥५५॥
 बरस बरस नहिँ करि सकै, ता को लागै दोष ।
 कहै कबीरा जीव सो, कबहुँ न पावै मोष ॥५६॥
 संत न छोड़ै संतई, कोटिक मिलै असंत ।
 मलय भुवंगम बेधिया, सीतलता न तजंत ॥५७॥
 साधू जन सब में रमै, दुखख न काहू देहिँ ।
 अपने मनि गाढ़े रहै, साधुन का मति येहि ॥५८॥
 साधू ऐसा चाहिये, दुखै दुखावै नाहिँ ।
 पान फूल छेड़ै नहीं, बसै बगीचा माहिँ ॥५९॥
 साधू भँवरा जग कली, निसि दिन रहै उदास ।
 पल इक तहाँ बिलम्बही, सीतल सबद निवास ॥६०॥
 साध हजारी कापड़ा, ता में मल न समाय ।
 साकट काली कामरी, भावै तहाँ बिछाय ॥६१॥
 साकट बाम्हन मत मिलौ, साध मिलौ चडाल ।
 जाहि मिले सुख ऊपजै, माने मिले दयाल ॥६२॥
 कमल पत्र है साधु जन, बसै जगत के माहिँ ।
 बालक केरी धाय ज्येँ, अपना जानत नाहिँ ॥६३^२

(१) जम को घिरावै । (२) जैसे कँवल का पत्ता पानो के बढ़ने पर भी उसमें डूब नहीं जाता और जैसे धाय दूसरे के बच्चे को दूध पिलानी है तो उसके साथ पुत्र के समान ममता नहीं हो जाती ऐसे ही साधु जन का जगत से व्यवहार रहता है ।

साध सिद्ध बड़ अंतरा, जैसे आम बबूल ।
 वा की डारी अमी फल, या की डारी सूल ॥६४॥
 साधू सोई जानिये, चलै साधु की चाल ।
 परमारथ राता रहै, बोलै बखन रसाल ॥६५॥
 हरि दरिया सूभर भरा, साधों का घट सीप ।
 ता में मोती नीपजै, चढ़े देसावर दीप ॥६६॥
 साधू ऐसा चाहिये, जा के ज्ञान बिबेक ।
 बाहर मिलते से मिलै, अंतर सब से एक ॥६७॥
 अगम पंथ को मन गया, सुरत भई अगुवान ।
 तहाँ कबीरा मँडि रहा, बेहद के मैदान ॥६८॥
 बहता पानी निर्मला, बँधा गँधीला होय ।
 साधू जन रमते भले, दाग न लागै कोय ॥६९॥
 बँधा भी पानी निर्मला, जो टुक गहिरा होय ।
 साधू जन बैठा भला, जो कछु साधन सोय ॥७०॥
 कौन साधु का खेल है, कौन सुरत का दाव ।
 कौन अमी का कूप है, कौन बज्र का घाव ॥७१॥
 छिमा साधु का खेल है, सुमति सुरत का दाव ।
 सतगुरु अमृत कूप हैं, सधद बज्र का घाव ॥७२॥
 साधू भूखा भाव का, धन का भूखा नाहिं ।
 धन का भूखा जो फिरै, सो तो साधू नाहिं ॥७३॥
 कबीर सोई दिन भला, जा दिन संत मिलाय ।
 अंक भरे भरि भेटिये, पाप सरीरा जाय ॥७४॥
 भली भई जो भय मिटा, टूटी कुल की लाज ।
 बेपरवाही है रहा, बैटा नाम जहाज ॥७५॥
 साधु समुंदर जानिये, माहीं रतन भराय ।
 मंद भाग मूठी भरै, कर कंकर चढ़ि जाय ॥७६॥

परमैसुर तँ संत बड़, ता का कहा उनमान ।
 हरि माया आगे धरे, संत रहँ निर्बान ॥७७॥
 संत मिला जनि बीछरो, बिछरौ यह मम प्रान ।
 नाम-सनेही ना मिलै, तो प्रान देहि मत आन ॥७८॥
 कबीर कुल सोई भला, जा कुल उपजै दास ।
 जेहि कुल दास न ऊपजै, सो कुल आक पलास ॥७९॥
 चंदन की कुटकी भली, नहिँ बधूल लखराँव ।
 साधन की भुपड़ी भली, ना साकट को गाँव ॥८०॥
 हैबर गैत्रर सुघर घा, छत्रपती की नारि ।
 तासु पटतरे ना तुलै, हरिजन को पनिहारि ॥८१॥
 साधन की कुतिया भली, बुरी सकट की माय ।
 वह बैठी हरि जस सुनै, वह निन्दा करने जाय ॥८२॥
 हरि दरबारी साध हँ, इ-सम और न होय ।
 बेगि मिलावै नाम से, इन्हँ मिलै जो कोय ८३॥
 साधन केरी दया से, उपजै बहुत अनंद ।
 कोटि बिघन पल में तरै, मिटै सकल दुख द्वंद ॥८४॥
 धन्य सो माता सुंदरी, जिन जाया साधू पूत ।
 नाम सुमिरि निर्भय भया, अरु सब गया अबूत ३ ॥८५॥
 वेद थके ब्रह्मा थके, थाके सेस महेश ।
 गीताहू की गम नहीं, तहँ संत किया परबेस ॥८६॥
 तीरथ जाये एक फल, साध मिले फल चारि ४ ।
 सतगुरु मिले अनेक फल, कहै कबीर बिचारि ॥८७॥
 साधु सीप साहिब समुँद, निपजत ५ मोती माहिँ ६ ।
 बस्तु ठिकाने पाइये, नाल खाल ७ में नाहिँ ॥८८॥

(१) डुरुड़ा । (२) अनगिनत छोड़े हाथी । (३) वृथा । (४) अर्थ, धर्म, काम, मोक्ष । (५) पैदा होती है । (६) अंतर में । (७) नाला और गड्ढा ।

साधू खोजा^१ राम के, धंसै^२ जो महलन माहिं ।
 औरन को परदा लगे, इन को परदा नाहिं ॥८६॥
 हरि सेती हरिजन बड़े, समझि देखु मन माहिं ।
 कह कबीर जग हारि बिखे^३, सो हरि हरिजन माहिं ॥८७॥
 साध बड़े संसार में, हरि तैं अधिका सोय ।
 बिन इच्छा पूरन करै, साहिय हरि नहिं दाय ॥८८॥
 साधू आवत देखि के, चरनन लागूँ धाय ।
 ना जानूँ यहि भेष में, हरि ही जो मिलि जाय ८९॥
 कबीर दर्सन साधु के, बड़ भागे दर्साय ।
 जो हावे सूली सजा^४, काँटेई टरि जाय ॥९०॥
 साध बृच्छ सत नाम फल, सीतल सबद बिचार ।
 जग में होते साध नहिं, जरि मरता संसार ॥९१॥
 साध सेव जा घर नहीं, सतगुरु पूजा नाहिं ।
 सो घर मरघट सारिखा^५, भूत बसै ता माहिं ॥९२॥
 निराकार निज रूप है, प्रेम प्रीति से सेव ।
 जो चाहै आकार तूँ, साधू परतछ देव ॥९३॥
 जा सुख को मुनिवर रटै, सुर नर करै बिलाप ।
 सो सुख सहजै पाइये, संतन सेवत आप ॥९४॥
 कोटि कोटि तीरथ करै, कोटि कोटि करि धाम ।
 जब लगि संत न सेवई, तब लगि सरै न काम ॥९५॥
 आसा बासा संत का, ब्रह्मा लखै न बेद ।
 षट दर्सन^६ खटपट करै, बिरला पावै भेद ॥९६॥

(१) हिजड़े जो बादशाही महल में काम करते थे और बड़ी कदर से रक्खे जाते थे। (२) मैं। (३) दंड। (४) सरीखा, समान। (५) छुवो शास्त्र।

भेष का अंग

तत्व तिलक तिहूँ लोक मैं, सत्त नाम निज सार ।
 जन कबीर मस्तक दिया, सोभा अमित अपार ॥१॥
 तत्व तिलक की खानि है, महिमा है निज नाम ।
 अछै नाम वा तिलक को, रहै अछय बिखराम ॥२॥
 तत्व तिलक भाये दिया, सुरति सरवनी कान ।
 करना कंठी कंठ मैं, परसा पद निर्बान ॥३॥
 मन माला तन मेखला, भय को करै भभूत ।
 अलख मिला सब देखता, सो जोगी अवधूत ॥४॥
 तन को जोगी सब करै, मन को बिरला कोय ।
 सहजै सब सिधि पाइये, जो मन जोगी होय ॥५॥
 हम तो जोगी मनहिँ के, तन के हैं ते और ।
 मन को जोग लगावते, दसा भई कछु और ॥६॥
 भर्म न भागा जीव का, बहुतक धरिया भेख ।
 सतगुरु मिलिया बाहिरे, अंतर रहि गइ रेख ॥७॥

बेहद का अंग ।

बेहद अगाधी पीव है, ये सब हद के जीव ।
 जे नर राते हद से, कधो न पावै पीव ॥१॥
 हद मैं पीव न पाइये, बेहद मैं भरपूर ।
 हद बेहद की गम लखै, ता से पीव हजूर ॥२॥
 हद बँधा बेहद रमै, पल पल देखै नूर ।
 मनुवाँ तहँ लै राखिया, (जहँ) बाजै अनहद तूर ॥३॥
 हद छाड़ि बेहद गया, सुन्न किया अस्थान ।
 मुनिजन जान न पावहीं, तहाँ लिया बिसराम ॥४॥

हृद छाड़ि बेहद गया, रहा निरन्तर होय ।
 बेहद के मैदान में, रहा कबीरा सोय ॥५॥
 हृद में बैठा कथत है, बेहद की गम नाहिँ ।
 बेहद की गम होयगी, तब कछु कथना काहिँ ॥६॥
 हृद में रहै सो मानवी, बेहद रहै सो साध ।
 हृद बेहद दोऊ तजै, तिन का मता अगाध ॥७॥
 हृद बेहद दोऊ तजी, अबरन क्रिया मिलान ।
 कह कबीर ता दास पर, वारैँ सकल जहान ॥८॥
 जहाँ सोक व्यापै नहीं, चल हँसा वा देस ।
 कह कबीर गुरुगम गहौ, छाड़ि सकल भ्रम भेस ॥९॥

आसाधु का अंग ।

कबीर भेष अतीत का, करै अधिक अपराध ।
 बाहर देखे साध गति, माहीं बड़ा असाध ॥१॥
 जेता मीठा बोलवा, तेता साधु न जान ।
 पहिले थाह दिखाइ करि, औँड़े^१ देसी आन ॥२॥
 उज्जल देखि न धीजिये, बग ज्येँ माँड़े ध्यान ।
 धूरे^२ बैठि चपेटही, येँ लै बूड़े ज्ञान ॥३॥
 चाल बकुल की चलत है, बहुरि कहावै हंस ।
 ते मुक्ता कैसे चुगै, परै काल के फंस ॥४॥
 साधू भया तो क्या हुआ, माला पहिरी चार ।
 बाहर भेष बनाइया, भीतर भरी भँगार ॥५॥
 माला तिलक लगाइ के, भक्ति न आई हाथ ।
 दाढ़ी मूँछ मुड़ाइ के, चले दुनी^३ के साथ ॥६॥

दाढ़ी मूँछ मुड़ाइ के, हूआ घोटम घोट ।
 मन को क्यों नहिँ मूँड़िये, जा में भरिया खोट ॥७॥
 मूँड़ मुड़ाये हरि मिलै, सष कोइ लेहि मुँड़ाय ।
 बार बार के मूँड़ने, भेड़ बैकुंठ न जाय । ८॥
 केसन^१ कहा बिगारिया, जो मूँड़ौ सी बार ।
 मन को क्यों नहिँ मूँड़िये, जा में बिषय बिकार ॥९॥
 मन मेवासो मूँड़िये, केसहिँ मूँड़े काहिँ ।
 जो कछु किया सो मन किया, केस किया कछु नाहिँ ॥१०॥
 देखा देखी भक्ति का, कबहुँ न चढ़सी रंग ।
 बिपति पड़े पर छाड़सो, ज्यौँ कँचुरी भुजंग ॥११॥
 ज्ञान संपूरन ना बिधा, हिरदा नाहिँ छिदाय ।
 देखा देखी पकरिया, रंग नहीं ठहराय ॥१२॥
 बाँबो कूटै बावरे, साँप न मारा जाय ।
 मूरख बाँधो ना डसै, सर्प सबन को खाय ॥१३॥
 आप साधु करि देखिये, देखु असाधु न कोय ।
 जा के हिरदे गुरु नहीं, हानि उसी की होय ॥१४॥
 खलक मिला खाली रहा, बहुत किया बकवाद ।
 बाँभ भुलावै पालना, ता में कौन सवाद १५॥
 जो बिभूति साधुन तजी, तेहि बिभूति लपटाय ।
 जौन बवन करि डारिया, स्वान स्वादि करि खाय^२ ॥१६॥
 स्वाँग पहारि सोहदा भया, दुनिया खाई खूँदि ।
 जा सेरी^३ साधू गया, सो तो राखो मूँदि ॥१७॥
 भूला भसम रमाइ के, मिटी न मन को चाहि ।
 जौ सिक्का नहिँ साच का, तौ लगि जोगी नाहिँ ॥१८॥

(१) बाल । (२) जिस माया को सच्चे साधु ने त्याग किया उसमें असाधु लपटता है जैसे कुत्ता कै की हुई चीज़ को मज़े के साथ खाता है । (३) रास्ता ।

बाना पहिरे सिंह का, चलै भेड़ की चाल ।
 बोली बोलै स्थार की, कुत्ता खाया फाल^१ ॥१९॥
 कबीर वह तो एक है, परदा दीया भेष ।
 करम भरम सब दूरि करि, सबही माहिँ अलेख ॥२०॥
 पहिले बूड़ी पिरथवी, भूठे कुल की लार ।
 अलेख बिसारयो भेष मैं, बूड़े काली धार ॥२१॥
 चतुराई हरि ना मिलै, ये बातें की बात ।
 निस्प्रेही निरधार^२ का, गाहक दीनानाथ ॥२२॥
 जप माला छापा तिलक, सरै न एकौ काम ।
 मन काचे राचे वृथा, साचे राचे नाम ॥२३॥
 साकट का मुख बिम्ब^३ है, निकसत बचन भुवंग ।
 ता की औषधि मौन है, बिष नहिँ व्यापै अंग ॥२४॥
 साकट कहा न कहि चलै, स्वान कहा नहिँ खाय ।
 जो कौआ मठ हगि भरै, तो मठ को कहा नसाय ॥२५॥
 साकट संग न बैठिये, अपना अंग लगाय ।
 तत्व सरीरा भरि परै, पाप रहै लपटाय ॥२६॥
 हम जाना तुम मगन है, रहे प्रेम रस पागि ।
 रंचक पवन के लागते, उठे नाग से जागि ॥२७॥
 बात बनार्ह जग ठगा, मन परमोधा नाहिँ ।
 कबीर स्वारथ ले गया, लख चौरासी माहिँ ॥२८॥
 सोवत साधु जगाइये, करै नाम का जाप ।
 ये तीनों सोवत भले, साकट सिंह रु साँप ॥२९॥
 आँखो देखा घो भला, मुख मेला नहिँ तेल ।
 साधु से भगड़ा भला, ना साकट से मेल ॥३०॥

(१) फाड़ । (२) संसार की ओर से बेपरवाह और निरास । (३) बाँबी ।

घर में साकट इस्तरी, आप कहावै दास ।
 वो तो हूँगी सूकरी, वह रखवाला पास ॥१॥
 साकट नारी छोड़िये, गनिका कीजै नारि ।
 दासी है हरिजनन की, कुल नहीं आवै गारि ॥२॥

गृहस्थ की रहनी का अंग ।

जो मानुष गृहधर्म युत, राखै सील बिचार ।
 गुरुमुख बानी साधु संग, मन बच सेवा सार ॥१॥
 सेवक भाव सदा रहै, बहम^१ न भानै चित्त ।
 निरनै लखै जथार्थ बिधि, साधुन को करै मित्त ॥२॥
 सत्त सील दाया सहित, बरतै जग ब्यौहार ।
 गुरु साधू का आखित, दीन बचन उचचार ॥३॥
 बहु संग्रह बिषयान को, चित्त न आवै ताहि ।
 मधुकर इव^२ सद्यजगत जिव, घटि बढिलखि बरताहि ॥४॥
 गिरही सेवै साधु को, साधू सुमिरै नाम ।
 या मैं धोखा कछु नहीं, सरै दोऊ को काम ॥५॥

बैरागी की रहनी का अंग ।

सिख^३ साखा संसार गति, सेवक परतछ काल ।
 बैरागी छावै मढ़ी, ता को मूल न डाल ॥१॥
 पास न जाके कापड़ा, कधी सुरंग न होय ।
 कबीर त्यागै ज्ञान करि, कनक कामनी दोय ॥२॥
 घर में रहु तौ भक्ति करु, नातर करु बैराग ।
 बैरागी बंधन करै, ता का बड़ा अभाग ॥३॥

धारन तो दोऊ भली, गिरही कै बैराग ।
 गिरही दासासन करै, बैरागी अनुराग ॥४॥
 बैरागी बिरकत भला, गेही चित्त उदार ।
 दोउ बातें खाला पड़ै, ता को वार न पार ॥५॥

अष्ट दोष वा बिकारी अंग ।

१-काम का अंग

कामी का गुरु कामिनी, लोभी का गुरु दाम ।
 कबीर का गुरु संत है, संतन का गुरु नाम ॥१॥
 सहकामी दीपक दसा, सोखै तेल निवास ।
 कबीर हीरा संत जन, सहजै सदा प्रकास ॥२॥
 कामी कुत्ता तीस दिन, अंतर होय उदास ।
 कामी नर कुत्ता सदा, छः ऋतु बारह मास ॥३॥
 कामी क्रोधी लालची, इनसे भक्ति न होय ।
 भक्ति करै कोइ सूरमा, जाति बरन कुल खोय ॥४॥
 भक्ति बिगारी कामियाँ, इन्द्री करे स्वाद ।
 हीरा खोया हाथ से, जन्म गँवाया बाद ॥५॥
 कामी लज्जा ना करै, मन माहीं अहलाद ।
 नौद न माँगै साथरा, भूख न माँगै स्वाद ॥६॥
 कामी कबहुँ न गुरु भजै, मिटै न संसय सूल ।
 और गुनन सब बविसहौँ, कामी डार न मूल ॥७॥
 काम क्रोध सूतक सदा, सूतक लोभ समाय ।
 सील सरोवर न्हाइये, तब यह सूतक जाय ॥८॥

जहाँ काम तहँ नाम नहिँ, जहाँ नाम नहिँ काम ।
 दोनों कबहुँ ना मिलै, रवि रजनी इक ठाम ॥९॥
 नारि पुरुष सबही सुनो, यह सतगुरु की साखि ।
 बिष फल फले अनेक हँ, मत कोइ देखो चाखि ॥१०॥
 जिन खाया सोई मुआ, गन गँधर्व बड़ भूप ।
 सतगुरु कहँ कबीर से, जग में जुगति अनूप ॥११॥
 कामी तो निर्भय भया, करै न काहू संक ।
 इंद्री केरे बस परा, भुगतै नरक निसंक ॥१२॥
 कबीर कामी पुरुष का, संसय कबहुँ न जाय ।
 साहिव से अलगा रहै, वा के हिरदे लाय ॥१३॥
 कामी अमो न भावई, बिष को लेवै सोधि ।
 कुबुधि न भाजै जीव को, भावै ज्यौँ परमोधि ॥१४॥
 कहता हूँ कहि जात हूँ, समझै नहीं गँवार ।
 बैरागी गिरही कहा, कामी वार न पार ॥१५॥
 कामी कर्म की कैचली, पहिरि हुआ नर नाग ।
 सिर फोरै सूझै नहीं, कोइ पूरबला भाग ॥१६॥
 काम कहर असवार है, सब को मारै धाय ।
 कोइक हरिजन उबरा, जा के नाम सहाय ॥१७॥
 केता बहता बहि गया, केता बहि बहि जाय ।
 ऐसा भेद बिचारि कै, तू मति गोता खाय ॥१८॥
 काम क्रोध मद लोभ की, जब लगि घट में खान ।
 कहा मूरख कहा पंडिता, दोनों एक समान ॥१९॥
 काम काम सब कोइ कहै, काम न चीन्है कोय ।
 जेती मन की कल्पना, काम कहावै सोय ॥२०॥

२-क्रोध का अंग

यह जग कोठी काठ की, चहुँ दिसि लागी आग ।
 भीतर रहे सो जल मुए, साधू उबरे भाग ॥१॥
 क्रोध अगिन घर घर बढी, जरै सकल संसार ।
 दीन लीन निज भक्त जो, तिन के निकट उबार ॥२॥
 कोटि करम लागे रहै, एक क्रोध की लार ।
 किया कराया सब गया, जब आया हंकार ॥३॥
 जक्त माहिँ धोखा घना, अहं क्रोध औ काल ।
 पार पहुँचा मारिये, ऐसा जम का जाल ॥४॥
 दसो दिसा से क्रोध की, उठी अपरबल आगि ।
 सीतल संगति साध की, तहाँ उबरिये भागि ॥५॥
 गारि अँगारा क्रोध भल, निंदा धूआँ होय ।
 इन तीनों को परिहरै, साध कहावै सोय ॥६॥
 कुबुधि कमानी चढ़ि रही, कुटिल बचन का तीर ।
 भरि भरि मारै कान में, सालै सकल सरीर ॥७॥
 कुटिल बचन सब से बुरा, जारि करै तन छार ।
 साध बचन जल रूप है, बरसै अमृत धार ॥८॥
 निन्दक तँ कूकर भला, हठ करि माड़ै रारि^१ ।
 कूकर तँ क्रोधी बुरा, गुरुहिँ दिवावै गारि^२ ॥९॥

३-लोभ का अंग

जब मन लागा लोभ से, गया बिषय में मोय ।
 कहै कबीर बिचारि कै, कस भक्ती धन होय ॥१॥

कबीर त्रिस्ना चापिनी, ता से प्रीति न जोरि ।
 पैँड पैँड पाछे परै, लागै मोटो खोरि ॥२॥
 त्रिस्ना सीँचो ना बुझै, दिन दिन बढ़ती जाय ।
 जवासा का रूख ज्यौँ, घन मेहा कुम्हिलाय ॥३॥
 कबीर औँधो खोपरी, कबहूँ धापै नाहिँ ।
 तीन लोक की संपदा, कब आवै घर माहिँ ॥४॥
 आब गई आदर गया, नैनन गया सनेह ।
 ये तीनों जबही गये, जबहिँ कहा कछु देह ॥५॥
 सूम थैलो अरु स्वान भग, दोनेँ एक समान ।
 घालत में सुख ऊपजै, काढ़त निकसै प्रान ॥६॥
 जग में भक्त कहावई, चुकट^१ चून नहिँ देय ।
 सिष जोरू का हूँ रहा, नाम गुरू का लेय ॥७॥
 बहुत जतन करि कीजिये, सब फल जाय नसाय ।
 कबीर संचय सूम धन, अंत चोर लै जाय ॥८॥
 पूत पियारे पिता के, संग रे लगा धाय ।
 लोभ मिठाई हाथ लै, आपन गया भुलाय ॥९॥

४-मोह का अंग

मोह फंद सब फंदिया, कोइ न सकै निरवार ।
 कोइ साधू जन पारखी, बिरला तत्त्व बिचार ॥१॥
 प्रथम फँदे सब देवता, (सुख) बिलसैँ स्वर्ग निवास ।
 मोह मगन सुख पाइया, मृत्युलोक की आस ॥२॥
 दूजे ऋषि मुनिवर फँदे, ता से रुचि उपजाय ।
 स्वर्गलोक सुख मानहीं, (फिरि) धरनि परत हैं आय ॥३॥

मोह मगन संसार है, कन्या रही कुमारि ।
 काहू सुरति जो ना करी, फिरि फिरि ले अवतार ॥४॥
 कुरुच्छेत्र सब मेदनी, खेती करै किसान ।
 मोह मिरग सब चरि गया, आस न रहि खलिहान ॥५॥
 काहू जुगति न जानिया, केहि बिधि बचै सु खेत ।
 नहिँ बँदगी नहिँ दीनता, नहिँ साधू संग हेत ॥६॥
 जब घट मोह समाइया, सबै भया अँधियार ।
 निर्मोह ज्ञान बिचारि कै, कोइ साधू उतरै पार ॥७॥
 जहँ लगि सब संसार है, मिरग सबन को मोह ।
 सुर नर नाग पताल अरु, ऋषि मुनिवर सब जोह ॥८॥
 अष्ट सिद्धि नौ निद्धि लौं, तुम से रहै निनार ।
 मिरगहिँ बाँधि बिडारहु, कहै कबीर बिचार ॥९॥
 सलिल मोह की धार में, बहि गये गहिर गँभीर ।
 सुच्छम मछरी सुरत है, चढ़िहै उलटे नीर ॥१०॥

५-मान और हँगता का अंग

कंचन तजना सहज है, सहज त्रिया का नेह ।
 मान बढ़ाई ईरषा, दुरलभ तजनी येह ॥१॥
 माया तजी तो क्या भया, मान तजा नहिँ जाय ।
 मान बड़े मुनिवर गले, मान सबन को खाय ॥२॥
 काला मुँह कर मान का, आदर लावौ आगि ।
 मान बढ़ाई छाड़ि के, रहौ नाम लौ लागि ॥३॥
 मान बढ़ाई कूकरो, धरमराय दरबार ।
 दीन लकुटिया बाहरा, सब जग खाया फाड़ ॥४॥

मान बढ़ाई कूकरी, संतन खेदी जानि ।
 पांडव जग पूरन भया, सुपव बिराजे आनि ॥५॥
 मान बढ़ाई जगत में, कूकर की पहिचान ।
 मीत किये मुख चाटही, वैर किये तन हानि ॥६॥
 मान बढ़ाई ऊरमी, यह जग का व्योहार ।
 दीन गरीबी बंदगी, सतगुरु का उपकार ॥७॥
 बड़ी बढ़ाई ऊँट की, लादे जहँ लगी साँस ।
 मुहकम सलिता^१ लादि के, ऊपर चढ़ै फरास ॥८॥
 हरिजन को ऊँचा नवै^२, ऊँट जनम का होय ।
 तीन जगह टेढ़ा भया, ऊँचा ताकै सोय ॥९॥
 बड़ा हुआ तो बया हुआ, जैसे पेड़ खजूर ।
 पंथी को छाया नहीं, फल लागै अति दूर ॥१०॥
 कबीर अपने जीव तैं, ये दो बातें धोय ।
 मान बढ़ाई कारने, आछत मूल न खोय ॥११॥
 भक्त रु भगवँत एक है, बूझत नहीं अजान ।
 सीस नवावत संत को, बड़ा करै अभिमान ॥१२॥
 प्रभुता को सब कोउ मजै, प्रभु को भजै न कोय ।
 कह कबीर प्रभु को भजै, प्रभुता चेी होय ॥१३॥
 जहँ आपा तहँ आपदा, जहँ संसय तहँ सोग ।
 कह कबीर कैसे मिटै, चारो दीरघ रोग ॥१४॥
 अहं अगिन हिरदे जरै, गुरु से चाहै मान ।
 तिन को जम न्यौता दिया, हो हमरे मिहमान ॥१५॥
 ऊँचा कुल नीचा मता, नाहिँ गुरु से हेत ।
 हीन गिनै हरि भक्त को, खासो खता अनेक ॥१६॥

(१) मजबूत टाट के थैले । (२) सिर ऊँचा करके नमस्कार करै ।

ऊँचे कुल के कारने भूला सब संसार ।
 तब कुल की क्या लाज है, यह तन होवै छार ॥१७॥
 हस्ती चढ़ि के जो फिरै, ऊपर चँवर दुराय ।
 लोग कहैं सुख भोगवै, सीधे दोजख जाय ॥१८॥
 जौन मिला सो गुरु मिला, चेला मिला न कोय ।
 चेला को चेला मिलै, तब कछु होय तो होय ॥१९॥
 बड़ा बड़ाई ना तजै, छोटा बहु इतराय ।
 ज्यैँ प्यादा फरजी भया, टेढ़ा टेढ़ा जाय ॥२०॥
 जग में बैरी कोउ नहीं, जो मन सीतल होय ।
 यह आपा तू डारि दे, दया करै सब कोय ॥२१॥

ई-कपट का अंग ।

कबीर तहाँ न जाइये, जहाँ कपट का हेत ।
 जानो कली अनार की, तन राता^२ मन सेत^३ ॥१॥
 कबीर तहाँ न जाइये, जहाँ न चोखा चित्त ।
 परपूटा अवगुन घना, मुहँडे ऊपर मित्त^४ ॥२॥
 चित्त कपटी सब से मिलै, माहीं कुटिल कठोर ।
 इक दुर्जन इक आरसी, आगे पीछे और ॥३॥
 हेत प्रीति से जो मिलै, ता को मिलिये धाय ।
 अंतर राखे जेः मिलै, ता से मिलै बलाय ॥४॥
 नवनि नवा तो क्या हुआ, सूधा चित्त न ताहि ।
 पारधिया^५ दूना नवै, मिरगहिँ दूकै जाहि ॥५॥

(१) शतरंज के खेल में जब प्यादा वजीर बन जाता है तो वह टेढ़ा चल सकता है। (२) लाल; रंगोन। (३) सपेइ। (४) पीछे पीछे बुराई करै और मुँह पर बड़ाई। (५) शिकारी।

७-आशा का अंग ।

आसा जीवै जग मरै, लोक मरै मन जाहि ।
 धन संचै सो भी मरै, उबरै सो धन खाहि ॥१॥
 आसा बेली कर्म बन, बाढ़त मन के साथ ।
 त्रिस्ना फूल बागान में, फल करता के हाथ ॥२॥
 जो तू चाहै मुझको, राखो और न आस ।
 मुझहि सरोखा हूँ रहो, सब सुख तेरे पास ॥३॥
 आसा मनसा दुइ नदी, तहाँ न पग ठहराय ।
 इन दोनों को लाँघि कै, चौड़े बैठा जाय ॥४॥
 चौड़ा बैठा जाइ कै, नाम धरा रनजीत ।
 साहिब न्यारा देखिया, अंतरगत की प्रीत ॥५॥
 आस बास^१ जग फंदिया, रहा अरध लपटाय ।
 नाम आस पूरन करै, सकल आस मिटि जाय ॥६॥
 आसन मारे क्या भया, मुई न मन की आस ।
 ज्यैँ तेली के बेल को, घर ही कोस पचास ॥७॥
 कबीर जग को कहा कहूँ, भवजल बूड़े दास ।
 सतगुरु सम पति छोड़ि के, करै मनुष की आस ॥८॥
 आसा एक जो नाम की, दूजी आस निरास ।
 पानी माहीं घर करै, सो भी मरै पियास ॥९॥
 आसा एक जो नाम की, दूजी आस निवारि ।
 दुजी आसा मारसी, ज्यैँ चौपड़ को सार ॥१०॥
 कबीर जागी जगत-गुरु, तजै जगत की आस ।
 जो जग की आसा करै, तो जगत गुरु वह दास ॥११॥

बहुत पसारा जनि करै, कर थोरे को आस ।
 बहुत पसारा जिन किया, तेई गये निरास ॥१२॥
 आसा का इधन कहूँ, मनसा कहूँ भभूत ।
 जोगी फिरि फेरी कहूँ, येँ बनि आवै सूत ॥१३॥

८-तृष्णा का अंग

कबीर सो धन संचिये, जो आगे को होय ।
 सोस चढ़ाये गाठरी, जात न देखा कोय ॥१॥
 त्रिस्ना केरि बिसेषता, कहूँ लगी करैँ बखान ।
 देह मरै इंद्री मरै, त्रिस्ना मरि न निदान ॥२॥
 की त्रिस्ना है डाकिनी, की जीवन का काल ।
 और और निसि दिन चहै, जोवन करै बिहाल ॥३॥
 त्रिस्ना अग्नि प्रलय किया, तप्त न कथहूँ होय ।
 सुर नर मुनि औ रंक सब, भस्म करत है सोय ॥४॥
 नामहिँ छोटा जानि कै, दुनिया आगे दीन ।
 जीवन को राजा कहै, त्रिस्ना के आधीन ॥५॥

नव रत्न वा सकारि अंग ।

१-शील का अंग

शील छिमा जय ऊपजै, अलख दृष्टि तब होय ।
 धिना शील पहुँचै नहीं, लाख कथै जो कोय ॥१॥
 शीलवंत सब तैं बड़ा, सर्व रतन की खानि ।
 तीन लोक की संपदा, रही शील में आनि ॥२॥
 ज्ञानी ध्यानी संजमी, दाता सुर अनेक ।
 जपिया तपिया बहुत हैं, शीलवंत कोइ एक ॥३॥

सुख का सागर सील है, कोई न पावे थाह ।
 सबद बिना साधू नहीं, द्रव्य बिना नहीं साह ॥४॥
 बिषय पियारे प्रीति से, तब लगि गुरुमुख नाहिं ।
 जब अंतर सतगुरु बसै, बिषया से रुचि नाहिं ॥५॥
 सील गहै कोई सावधान, चेतन पहरे जागि ।
 बासन बासन के खिसे, चार न सकई लागि ॥६॥
 आव कहै सो औलिया, बैठु कहै सो पीर ।
 जा घर आव न बैठु है, सो काफिर बेपीर ॥७॥
 घायल ऊपर घाव लै, टोटे त्यागी सोय ।
 भर जोबन में सीलवँत, बिरला होय तो होय ॥८॥

२-क्षमा का अंग

छिमा क्रोध को छुय करै, जो काहू पै होय ।
 कह कबीर ता दास को, गंजि न सकै कोय ॥१॥
 छिमा बड़न को चाहिये, छोटन को उतपात ।
 कहा बिस्नु को घटि गयो, जो भृगु मारी लात ॥२॥
 भली भली सब कोउ कहै, रही छिमा ठहराय ।
 कह कबीर सीतल भया, गई जो अग्नि बुझाय ॥३॥
 जहाँ दया तहँ धर्म है, जहाँ लोभ तहँ पाप ।
 जहाँ क्रोध तहँ काल है, जहाँ छिमा तहँ आप ॥४॥
 गारी से सब ऊपजै, कलह कष्ट अरु मीच ।
 हार चलै सो संत है, लागि मरै सो नीच ॥५॥
 करगसँ सम दुर्जन बचन, रहै संत जन टारि ।
 बिजुली परै समुद्र में, कहा सकैगी जारि ॥६॥

चोट सुहेली सेल की, पड़ते लेय उसास ।
 चोट सहारै सबद की, तासु गुरु मै दास ॥७॥
 खोद खाद धरती सहै, काट कूट बनराय ।
 कुटिल बचन साधू सहै, और से सहा न जाय ॥८॥

३-संतोष का अंग

साध संतोषी सर्वदा, निरमल जा के बैन ।
 ता के दरसन परस तैं, जिय उपजै सुख चैन ॥१॥
 चाह गई चिंता मिटी, मनुवाँ बेपरवाह ।
 जिन को कटू न चाहिये, सोई साहंसाह ॥२॥
 माँगन गये सो मरि रहे, मरे सो माँगन जाहिँ ।
 तिन से पहिले वे मरे, जोहात करत हैं नाहिँ ॥३॥
 अनमाँगा तो अति भला, माँगि लिया नहिँ दोष ।
 उद्र समाना माँगि ले, निश्चय पावै मोष ॥४॥
 उत्तम भषि है अजगरी, सुनि लीजै निज बैन ।
 कह कबीर ता के गहे, महा परम सुख चैन ॥५॥
 गोधन गजधन बाजधन, और रतन धन खान ।
 जब आवै संतोष धन, सब धन धूरि समान ॥६॥
 मरि जाऊँ माँगूँ नहीं, अपने तन के काज ।
 परमारथ के कारने, मोहिँ न आवै लाज ॥७॥

४-धीरज का अंग

धीरा होइ धमक' सहै, ज्यों अहरन सिर घाव ।
 मेघा पर्वत है रहै, इत उत कहूँ न जाव ॥१॥

धीरे धीरे रे मना, धीरे सब कछु होय ।
 माली सौँचै सौ घड़ा, ऋतु आये फल होय ॥२॥
 कबीर धीरज के धरे, हाथी मन भर खाय ।
 टूक एक के कारने, स्वान घरै घर जाय ॥३॥
 कबीर तूँ काहे डरै, सिर पर सिरजनहार ।
 हस्ती चढ़ि कर डोलिये, कूकर भुसै हजार ॥४॥
 कबीर भँवर में बैठि कै, भौचक मना न जोय ।
 डूबन का भय छाड़ि दे, करता करै सु होय ॥५॥
 मैं मेरी सब जायगी, तब आवैगी और ।
 जब यह निःबल होयगा, तब पावैगा ठौर ॥६॥

५-दीनता का अंग

दीन गरीबी बंदगी, साधन से आधीन ।
 ता के संग मैं यों रहूँ, ज्यों पानी संग मीन ॥१॥
 दीन लखै मुख सबन को, दीनहिँ लखै न कोय ।
 भली बिचारी दीनता, नरहूँ देवता होय ॥२॥
 इक बानी जो दीनता, संतन कियो बिचार ।
 यही भँट गुरुदेव की, सब कछु गुरु दरबार ॥३॥
 दीन गरीबी बंदगी, सब से आदर भाव ।
 कह कबीर तेई बड़ा, जा में बड़ा सुभाव ॥४॥
 नहीं दीन नहिँ दीनता, संत नहीं मिहमान ।
 ता घर जम डेरा किया, जीवत भया मसान ॥५॥
 कबीर नवै सो आप को, परको नवै न कोय ।
 घालि तराजू तौलिये, नवै सो भारी होय ॥६॥

आपा मेटे पिउ मिलै, पिउ में रहा समाय ।
 अकथ कहानी प्रेम की, कहै तो को पतियाय ॥७॥
 ऊँचे पानी ना टिकै, नीचे ही ठहराय ।
 नीचा होय सो भर पिवै, ऊँचा प्यासा जाय ॥८॥
 नीचे नीचे सब तरे, जेते बहुत अधीन ।
 चाढ़ि बेहित^१ अभिमान की, बूड़े ऊँच कुलीन ॥९॥
 सब तें लघुताई भली, लघुता तें सब होय ।
 जस दुतिया को चन्द्रमा, सीस नवै सब कोय ॥१०॥
 बुरा जो देखन मैं चला, बुरा न मिलिया कोय ।
 जो दिल खोजौ आपना, मुझसा बुरा न होय ॥११॥
 कबीर सब तें हम बुरे, हम तें भल सब कोय ।
 जिन ऐसा करि बूझिया, मित्र हमारा सोय ॥१२॥

६-दया का अंग

दाय भाव हिरदे नहीं, ज्ञान कथै बेहद ।
 ते नर नरकहि जाहिंगे, सुनि सुनि साखी सब्द ॥१॥
 दाय दल मैं राखिये, तू क्यों निरदै होय ।
 साई के सब जीव हैं, कीड़ी कुंजर सोय ॥२॥
 हम रोवैं संसार को, रोय न हम को कोय ।
 हम को तो सो रोइहै, जो सबद-सनेही होय ॥३॥
 बैरागी है गेह तजि, पग पहिरै पैजार ।
 अंतर दया न ऊपजै, घनी सहैगा मार ॥४॥

७-साच का अंग

साच बराबर तप नहीं, भूठ बराबर पाप ।
 जा के हिरदे साच है, ता हिरदे गुरु आप ॥१॥

साईं से साचा रहा, साईं साच सुहाय ।
 भावै लम्बे केश रखु, भावै घोट मुँडाय ॥२॥
 साचे खाप न लागई, साचे काल न खाय ।
 साचे को साचा मिलै, साचे माहिँ समाय ॥३॥
 साचै सौदा कीजिये, अपने जिव में जानि ।
 साचै हीरा पाइये, भूठै मूलहुँ हानि ॥४॥
 जो तू साचा बानिया, साची हाट लगाय ।
 अंदर भाडू देइ कै, कूड़ा दूरि बहाय ॥५॥
 तेरे अंदर साच जो, बाहर नाहिँ जनाव ।
 जाननहारा जानिहै, अंतरगति का भाव ॥६॥
 जा की साची सुरत है, ता का साचा खेल ।
 आठ पहर चौंसठ घरी, साईं सेती मेल ॥७॥
 साच बिना सुमिरन नहीं, भय बिन भक्ति न होय ।
 पारस में परदा रहै, कंचन केहि बिधि होय ॥८॥
 अब तो हम कंचन भये, तब हम होते काच ।
 सतगुरु की किरपा भई, दिल अपने का साच ॥९॥
 कंचन केवल हरि भजन, दूजा काच कथोर ।
 भूठा जाल जँजाल तजि, पकड़ा साच कबीर ॥१०॥
 प्रेम प्रीति का चालना, पहरि कबीरा नाच ।
 तन मन ता पर वारहुँ, जो कोइ बोलै साच ॥११॥
 साच सबद हिरदे गहा, अलख पुरुष भरपूर ।
 प्रेम प्रीति का चालना, पहिरे दास हजूर ॥१२॥
 साधू ऐसा चाहिये, साची कहै बनाय ।
 कै टूटै कै फिरि जुरै, कहे बिनभरम न जाय ॥१३॥
 जिन नर साच पिछानियाँ, करता केवल सार ।
 सो प्रानी काहे चलै, भूठे कुल को लार ॥१४॥

कबीर लज्जा लोक की, बोलै नाहीं साच ।
 जानि बूझि कंचन तजै, क्यों तू पकरै काच ॥१५॥
 झूठ बात नहिँ बोलिये, जब लगि पार बसाय ।
 अहो कबीरा साच गहु, आवा गवन नसाय ॥१६॥
 साचै कोइ न पतीजई, झूठे जग पतियाय ।
 गली गली गोरस फिरै, मदिरा बैठि बिकाय ॥१७॥
 साच कहूँ तो मारि हूँ, झूठे जग पतियाय ।
 ये जग काली कूकरी, जो छेड़ै तो खाय ॥१८॥
 साचे को साचा मिलै, अधिका बढ़ै सनेह ।
 झूठे को साचा मिलै, तड़दे टूटै नेह ॥१९॥
 जा के बोली बंध नहिँ, साच नहीं मन माहिँ ।
 ता के संग न चालिये, छाड़ै पँडे माहिँ ॥२०॥
 कबीर पँजी साहु की, तू मत खोवै खवार ।
 खरी बिगुर्चन होयगी, लेखा देती बार ॥२१॥
 लेखा देना सहज है, जो दिल साचा होय ।
 साइ के दरवार में, पला न पकरै कोय ॥२२॥
 साच सुनै अरु सत कहै, सत्त नाम की आस ।
 सत्त नाम को जानि करि, जग से रहै उदास ॥२३॥
 साच हुआ तो क्या हुआ, (जो) नाम न साचाजान ।
 साचा हूँ साचै मिलै, (तब) साचै माहिँसमान ॥२४॥
 साचा सबद कबीर का, हिरदय देखु बिचारि ।
 चित दै समुझत है नहीं, (मोहिँ) कहत भये जुगचारि ॥२५॥

८-बिचार का अंग

आगि कहे दाँके नहीं, पाँव न दीजै माहँ ।
 जो पै भेद न जानई, नाम कहा तौ काह ॥१॥

कबीर सोच बिचारिया, दूजा कोई नाहिं ।
 आपा परे जब चीन्हिया, उलटि समाना माहिं ॥२॥
 पानी केरा पूतला, राखा पवन सँचार ।
 नाना बानी बोलता, जाति धरी करतार ॥३॥
 आधी साखी सिर कटै, जो रे बिचारो जाय ।
 मनाहिं प्रतीत न ऊपजै, राति दिवस भरि गाय ॥४॥
 एक सबद मैं सब कहा, सबही अर्थ बिचार ।
 भजिये निर्गुन नाम को, तजिये विषय बिकार ॥५॥
 बोली तो अनमोल है, जो कोइ जानै बोल ।
 हिये तराजू तोलि के, तब मुख बाहर खोल ॥६॥
 सहज तराजू आनि करि, सब रस देखा तोल ।
 सब रस माहीं जीभ रस, जो कोइ जानै बोल ॥७॥
 ज्यों आवै त्योंही कहै, दोलै नाहिं बिचारि ।
 हतै पराई अत्मा, जीभ लेइ तरवारि ॥८॥
 बोलै बोल बिचारि कै, बैठै ठौर सँभारि ।
 कह कबीर वा दास की, कबहुँ न आवै हारि ॥९॥
 बोली हमरी पलटिया, या तन याहो देस ।
 खारी से मीठी करी, सतगुरु के उपदेस ॥१०॥
 कबीर उलटे ज्ञान का, कैसे कहँ बिचार ।
 थिर बैठे मारग कटै, चला चलो नहिं पार ॥११॥
 जो कटु करै बिचारि कै, पाप पुन्र तँ न्यार ।
 कह कबीर इक जानि कै, जाय पुरुष दरबार ॥१२॥
 आचारी सब जग मिला, बिचारी मिला न कोय ।
 कोटि अचारी वारिये, इक बिचारि जो होय ॥१३॥

८-बिबेक का अंग

फूटी आँखि बिबेक की, लखै न संत असंत ।
 जा के संग दस बीस हैं, ता का नाम महंत ॥१॥
 साधू मेरे सब बड़े, अपनी अपनी ठौर ।
 सबद बिबेकी पारखी, सो माथे के मौर ॥२॥
 जब लगि नाहिँ बिबेक मन, तब लगि लगै न तोर ।
 भवसागर नाहीं तरै, सतगुरू कह कबीर ॥३॥
 गुरुपसु नरपसु नारिपसु, बेदपसु संसार ।
 मानुष सोई जानिये, जाहि बिबेक बिचार ॥४॥
 प्रगटै प्रेम बिबेक दल, अभय निसान बजाय ।
 उग्र ज्ञान उर आवताँ, यह सुनि मोह दुराय ॥५॥
 कर बँदगी बिबेक की, भेष धरै सब कोय ।
 वा बँदगी बहि जानि दे, (जहँ) सबद बिबेक न होय ॥६॥
 कहै कबीर पुकारि कै, कोई संत बिबेकी होय ।
 जा में सबद बिबेक है, छत्र-धनी है सोय ॥७॥
 जीव जंतु जलहर बसै, गये बिबेक जु भूल ।
 जल के जलचर यों कहै, हस उड़गन समतूल ॥८॥
 सत्तनाम सब कोइ कहै, कहिबे माहिँ बिबेक ।
 एक अनेकै फिरि मिलै, एक समाना एक ॥९॥
 समझा समझा एक है, अनसमझा सब एक ।
 समझा सोई जानिये, जा के हृदय बिबेक ॥१०॥

बुद्धि और कुबुद्धि का अंग ।

बुद्धि बिहूना आदमी, जानै नहीं गँवार ।
 जैसे कपि परबस पचौ, नाचै घर घर द्वार ॥१॥

बुद्धि बिहूना अंध गज, परधौ फंद में आय ।
 ऐसे ही सध जग बंधा, कहा कहैं समझाय ॥२॥
 पंख छता^१ परिवस परधो, सूत्रा के बुधि नाहिं ।
 बुद्धि बिहूना आदमी, यों बंधा जग माँहिं ॥३॥
 बुद्धि बिहूना सिंह ज्यों, गयो ससा के संग ।
 अपनी प्रतिमा देखि कै, कीन्ह्यो तन को भंग ॥४॥
 अफिल अरस से ऊतरी, बिधना दीन्ही बाँटि ।
 एक अभागी रहि गया, एहन लीन्ही छाँटि ॥५॥
 बिना वशीले चाकरो, बिना बुद्धि की देह ।
 बिना ज्ञान का जोगना, फिरै लगाये खेह ॥६॥
 गुन गाड़ै औगुन खनै, जिभ्या कटु^२ कुदार ।
 ऐसा मूरख दुर्जता, नरक जाय जम द्वार ॥७॥
 समझा का घर और है, अनसमझा का और ।
 जा घर में साहिब बसै, बिरला जानै ठौर ॥८॥
 मूरख को समझावते, ज्ञान गाँठि को जाय ।
 कोइला होइ न ऊतरो, नौ मन साबुन लाय ॥९॥
 कोइला भी होइ ऊतरो, जरि बरिहोय जो स्वेत ।
 मूरख होय न ऊतरो, ज्यों कालर^३ का खेत ॥१०॥
 मूरख से क्या बोलिये, सठ से कहा बसाय ।
 पाहन में क्या मारिये, चेखा तीर नसाय ॥११॥
 पसुआ से पाला परा, रहि रहि हिये में खीज ।
 ऊसर परा न नीपजै, केतक डारै बीज ॥१२॥
 एक सबद से सब कहै, गुहू सिष्य समझाय ।
 समझाया समझै नहीं, फिरि फिरि पूछै आय ॥१३॥

मन का अंग ।

मन के मते न चालिये, मन के मते अनेक ।
 जो मन पर असवार है, सो साधू कोइ एक ॥१॥
 मन-मुरीद संसार है, गुरु-मुरीद कोइ साध ।
 जो मानै गुरु बचन को, ता का मता अगाध ॥२॥
 मन को मारुँ पटक के, टूरु टूरु है जाय ।
 बिष की क्यारी बोइ के, लुनता क्यों पछिताय ॥३॥
 मन को मारुँ पटक के, टूरु टूरु है जाय ।
 टूटे पीछे फिरि जुँरै, बीच गाँठि परि जाय ॥४॥
 यह मन फटक पिछोरि ले, सब आपा मिटि जाय ।
 पिँगल हूँ पिउ पिउ करै, ता को काल न खाय ॥५॥
 मन पाँचो के बस परा, मन के बस नहिँ पाँच ।
 जित देखूँ तित दौँ लगी, जित भागूँ तित आँच ॥६॥
 कबीर बैरी सबल हूँ, एक जीव ऋषु पाँच ।
 अपने अपने स्वाद को, ब हुन नचाँचि नाँच ॥७॥
 कबीर मन तो एक है, भावै तहाँ लगाय ।
 भावै गुरु की मक्ति कर, भावै बिषय कमाय ॥८॥
 मन के मारे बन गये, बन तजि बस्ती माहिँ ।
 कह कबीर क्या कीजिये, यह मन ठहरै नाहिँ ॥९॥
 तीन लोक चोरी भई, सब का धन हर लीन्ह ।
 बिना सोस का चोरवा, पड़ा न काहू चीन्ह ॥१०॥
 चोर भरोसे साहु के, लाया बस्तु चुगाय ।
 पहिले बाँधो साहु को, चोर आप बाँधि जाय ॥११॥
 कबीर यह मन मसखरा, कहाँ तो मानै रोस ।
 जा मारग साहिब मिलै, तहाँ न चालै कोस ॥१२॥

जेती लहर समुद्र की, तेती मन की दौर ।
 सहजै हीरा नीपजै, जो मन आवै ठौर ॥१३॥
 समुँद लहर तो थोड़िया, मन लहर घनियाय ।
 केती आइ समाइहै, केति जाइ बिसराय ॥१४॥
 कबीर लहर समुद्र की, केती आवै जाहिँ ।
 बलिहारी वा दास की, उलटि समावै वाहिँ ॥१५॥
 दौड़त दौड़न दौड़या, जहँ लगि मन की दौड़ ।
 दौड़थकी मन थिर भया, बस्तु ठौर की ठौर ॥१६॥
 पहले यह मन काग था, करता जीवन घात ।
 अथ तो मन हंसा भया, मोती चुगि चुगि खात ॥१७॥
 कबीर मन परबत हुआ, अथ मैं पाया जानि ।
 टाँकी लागी सबद की, निकसी कंचन खानि ॥१८॥
 अगम पंथ मन थिर करै, बुद्धि करै परबेस ।
 तन मन सबही छुड़ि के, तब पहुँचै वा देस ॥१९॥
 मनहीं को परमोधिये, मनहीं को उपदेस ।
 जो यहि मन को बसि करै, (ते) सिष्य होय सब देस ॥२०॥
 कबीर सीढ़ी साँकरी, चंचल मनुवाँ चोर ।
 गुन गावै लौनीन हूँ, मन मैं कटु इक और ॥२१॥
 चंचल मनुवाँ चेरे, सेवै कहा अज्ञान ।
 जमधर जम ले जायगा, पड़ा रहैगा म्यान ॥२२॥
 कबीर मन मै भया, या मैं बहुत बिकार ।
 यह मन कैसे धेइये, साधो करो बिचार ॥२३॥
 गुरु धोबी सिष कापड़ा, साबुन सिरजनहार ।
 सुरत सिला पर धेइये, निकसै रंग अपार ॥२४॥

मन गोरख मन गोबिंदा, मनहीं औघड़ सोय ।
 जो मन राखै जतन करि, आपै करता होय ॥२५॥
 पय पानी की प्रोतड़ी, पड़ा जो कपटी नोन ।
 खंड खंड न्यारे भये, ताहि मिलावै कौन ॥२६॥
 मन मोटा मन पतरा, मन पानी मन लाय ।
 मन के जैसी ऊपजै, तैसी ही है जाय ॥२७॥
 मन दाता मन लालची, मन राजा मन रंक ।
 जो यह मन गुरु से मिलै, तो गुरु मिलै निसंक ॥२८॥
 कबहुँ मन गगना चढ़ै, कबहुँ गिरै पताल ।
 कबहुँ मन उ मुनि लगै, कबहुँ जावै चाल ॥२९॥
 मन के बहुतक रंग हैं, छिन छिन बदलै सोय ।
 एकै रंग में जे रहै, ऐसा बिरला कोय ॥३०॥
 कोटि करम पल मैं करै, यह मन विषया स्वान ।
 सतगुरु सचद न मानहो, जनम गँवावै बाद ॥३१॥
 कबीर मन गाफिउ भया, सुमिरन लागै नाहिँ ।
 घनी सहैगा सासना, जम की दरगह माहिँ ॥३२॥
 कागद केरो नावरो, पाना केरो गंग ।
 कह कबीर कैसे तरुँ, पाँच कुसंगी संग ॥३३॥
 इन पाँचे से बंधि करि, फिर फिर धरै सरार ।
 जो यह पाँचे बसि करै, सोई लागै तोर ॥३४॥
 मनुवाँ तो पंछो भया, उड़ि के चला अकास ।
 ऊर ही रँ गिरि पड़ा, मन माया के पास ॥३५॥
 मन पंछो तब लगि उड़ै, विषय बासना माहिँ ।
 प्रेम बाज की झपट में, जब लगि आयो नाहिँ ॥३६॥

जहाँ बाज बासा करै, पंछी रहै न और ।
 जा घट प्रेम प्रगट भया, नाहिं करम को ठौर ॥३७॥
 मन कुंजर महमंत था, फिरता गहिर गँधीर ।
 दुहरी तिहरी चौहरी, परि गइ प्रेम जँजीर ॥३८॥
 अपने अपने चोर को, सब कोइ डारै मार ।
 मेरा चोर मुझे मिलै, तो सरस डारूँ वार ॥३९॥
 कबीर यह मन लालची, समझै नहीं गँवार ।
 भजन करन को आलसी, खाने को हुसियार ॥४०॥
 या तन में मन कहँ बसै, निकसि जाय केहि ठौर ।
 गुरु गम होय तो परखि ले, नहिँ तो कर गुरु और ॥४१॥
 नैनाँ माहीं मन बसै, निकसि जाय नौ ठौर ।
 गुरु गम भेद बताइया, सब संतन सिर मौर ॥४२॥
 यह तो गति है अटपटी, सटपट लखै न कोय ।
 जो मन की खटपट मिटै, चटपट दरसन होय ॥४३॥
 हिरदे भीतर आरसी, मुख देखा नहिँ जाय ।
 मुख तो तबहीं देखसी, दिल की दुबिधा जाय ॥४४॥
 तन माहीं जो मन धरै, मन धरि उज्जल होय ।
 साहिब से सन्मुख रहै, अजर अमर सो होय ॥४५॥
 पानी हूँ तँ पातला, धूआँ हूँ तँ भोन ।
 पवन हूँ तँ ऊतावला, दोस्त कबीरा कीन्ह ॥४६॥
 मेरा मन हंसा रमै, हंसा गमनि रहाय ।
 बगुल! मन मानै नहीं, घर आँगन फिरि जाय ॥४७॥
 पुहुप बास तँ पातला, सूच्छम, जा को रंग ।
 कबीर ता से मिलि रहा, कबहुँ न छोड़ै संग ॥४८॥

मन मनसा को मारि ले, घट ही माहीं घेर ।
 जब ही चालै पीठि दै, आँकुस दै दै फेर ॥४९॥
 मन मनसा को मारि करि, नन्हा करि के पीस ।
 तब सुख पावै सुन्दरी, पदुम फलकै सीस ॥५०॥
 मन मनसा जब जायगी, तब आवैगी और ।
 जब मन निःचल होयगा, तब पावैगा ठौर ॥५१॥
 काया कजली बन अहै, मन कुंजर महमंत ।
 आँकुस ज्ञान रतन का, फेरै बिरला संत ॥५२॥
 कबीर मनहिँ गजंद है, आँकुस दै दै राखु ।
 बिष की बेली परिहरो, अमृत का फल चाखु ॥५३॥
 काया देवल मन धुजा, बिषय लहरि फहराय ।
 मन चालै देवल चलै, ता को सरबस जाय ॥५४॥
 काया बसौ कमान ज्यौँ, पाँच तत्त करि बान ।
 मारो तौ मन मिरग को, नातरु मिथ्या जान ॥५५॥
 सुर नर मुनि सब को ठगे, मनहिँ लिया अवतार ।
 जो कोई या तँ बचै, तीन लोक तँ न्यार ॥५६॥
 कुंभै बाँधा जल रहै, जल बिनु कुंभ न होय ।
 ज्ञानै बाँधा मन रहै, मन बिनु ज्ञान न होय ॥५७॥
 मन माया तो एक है, माया मनहिँ समाय ।
 तीन लोक संसय परी, काहि कहाँ समभाय ॥५८॥
 मन माया की कोठरी, तन संसय को कोट ।
 बिषहर मंत्र मानै नहीं, काल सर्प की चोट ॥५९॥
 मन सायर मनसा लहगि, बूड़े बहे अनेक ।
 कह कबीर ते बाचिहै, जा के हृदय बिवेक ॥६०॥
 नैनन आगे मन बसै, रल पिल करै जो दौर ।
 तीन लोक मन भूप है, मन पूजा सब ठौर ॥६१॥

तन बोहित^१ मन काग है, लख जोजन उड़ि जाय ।
कबहीं दरिया अगम यहि, कबहीं गगन समाय ॥६२॥

॥ सोरठा ॥

मन जानै सब बात, जानि बूझि औगुन करै ।
काहे की कुसलात, लै दीपक कूँए परै ॥६३॥

॥ साखी ॥

कबीर मन मरकट भया, नेक न कहूँ ठहराय ।
सत्त नाम बाँधे बिना, जित भावै तित जाय ॥६४॥
मन के हारे हार है, मन के जीते जीत ।
कह कबीर पिउ पाइये, मनहीं की परतीत ॥६५॥
मन जो गया तो जानि दे, दृढ़ करि राखु सरीर ।
बिना चढ़े कमान के, कैसे लागै तीर ॥६६॥
बिना सीस का मिरग है, चहुँ दिसि चरने जाय ।
बाँधि लाव गुरु ज्ञान से, राखौ तत्त लगाय ॥६७॥
तन तुरंग असवार मन, कर्म पियादा साथ ।
त्रिस्ना चली सिकार को, बिषै बाज लिये हाथ ॥६८॥
मना मनोरथ छाड़ि दे, तेरा क्रिया न होय ।
पानी में घी नीकसै, सूखा खाय न कोय ॥६९॥
कहत सुनत सब दिन गये, उरभि न सुरभा मन ।
कह कबीर चेता नहीं, अजहूँ पहिला दिन ॥७०॥
मन नाहीं छाड़ै बिषय, बिषय न मन को छाड़ि ।
इन का यही सुभाव है, पूरी लागी आड़ि^२ ॥७१॥
अकथ कथा या मनहीं की, कह कबीर समभाय ।
जा को येहि समझि परै, ता को काल न खाय ॥७२॥
मेरा मन मकरंद था, करता बहुत बिगार ।
सूधा है मारग चला, गुरु आगे हम लार ॥७३॥

मनुवाँ तो अंतर बसा, बहुतक भीना होय ।
अमर लोक सुचि^१ पाइया, कबहुँ न न्यारा होय ॥७४॥

माया का अंग ।

माया छाया एक सी, बिरला जानै कोय ।
भगता के पाछे फिरै, सनमुख भागै सोय ॥१॥^२
कबीर माया पापिनी, माँगी मिलै न हाथ ।
मना उतारी झूठ करि, (तब) लागी डोलै साथ ॥२॥
माया तो ठगनी भई, ठगत फिरै सब देस ।
जा ठग या ठगनी ठगी, ता ठग को आदेस ॥३॥
कबीर माया पापिनी, फँद लै बैठी हाट ।
सब जग तो फँदे परा, गया कबीरा काट ॥४॥
कबीर माया पापिनी, ताही लाये लोग ।
पूरी किनहुँ न भोगिया, या का यही बियोग ॥५॥
कबीर माया बेसवा, दीनों की इक जाति ।
आवत कौँ आदर करै, जाति न पूछै बाति ॥६॥
मोती उपजै सीप में, सीप समुन्दर जाय ।
रंचक संचर^३ रहि गया, ना कछु हुआ न होय ॥७॥
कबीर माया हूखड़ी, दो फल की दातार ।
खावत खरचत मुक्ति भे, संचत नरक दुवार ॥८॥
खान खरचन बहु अंतरा, मन में देखु बिचार ।
एक खवाया साधु को, एक मिलाया छार ॥९॥
कबीर माया जात है, सुनो सबद निज मोर ।
सखिरीयाँ^४ के घर संतजन, सूमेँ के घर चार ॥१०॥

(१) पवित्रता, निरमलता । (२) जो माया अर्थात् संसार से भागै उसके तो वह छाया की नाई पीछे लगी फिरती है और जो उसके सन्मुख होकर उसका याचक हो उससे भागती है अर्थात् नहीं मिलती ! (३) संचार, प्रवेश । (४) दाता

संतों खाई रहत है, चोरा लीन्ही जाय ।
 कहै कबीर बिचारि के, दरगह मिलिहै आय ॥११॥
 माया तो है राम की, मोदी सब संसार ।
 जा को चिट्ठी जतरि, सोई खरचनहार ॥१२॥
 माया संचै संग्रहै, वह दिन जानै नाहिं ।
 सहस बरस की सब करै, मरै महरत^१ माहिं ॥१३॥
 कबीर सो धन संचिये, जो आगे को होय ।
 मूढ़ चढ़ाये गाठरी, जात न देखा कोय ॥१४॥
 कबीर माया मोहिनी, मोहे जान सुजान ।
 भागे हूँ छूटै नहीं, भरि भरि मारै बान ॥१५॥
 कबीर माया मोहिनी, जैसी मीठी खाँड ।
 सतगुरु की किरपा भई, नातर करती भाँड ॥१६॥
 कबीर माया मोहिनी, सब जग घाला घानि ।
 कोइ इक साधू ऊबरा, तोड़ी कुल की कानि ॥१७॥
 कबीर माया मोहिनी, भइ अँधियारी लाय ।
 जे सूता तेहि मूसि लै, रहे बस्तु को रोय ॥१८॥
 माया मन की मोहिनी, सुर नर रहे लुभाय ।
 माया इन सब खाइया, माया कोइ न खाय ॥१९॥
 कबीर माया डाकिनी, सब काहू को खाय ।
 दाँत उपाहूँ पापिनो, (जे) संतों नियरे जाय ॥२०॥
 माया दासी संत की, ऊभी^२ देहि असीस ।
 बिलसी अरु लातेँ छी, सुमिरि सुमिरि जगदीस ॥२१॥
 मोटी माया सब तजै, भीनी तजी न जाय ।
 पोर पयम्बर औलियो, भीनी सब को खाय ॥२२॥

भीनी माया जिन तजी, मोटी गई बिलाय ।
 ऐसे जन के निकट से, सब दुख गयो हिराय ॥२३॥
 माया आगे जीव सब, ठाढ़ रहै कर जोरि ।
 जिन सिरजा जल बुंद से, ता से बैठे तोरि ॥२४॥
 माया के भक्त जग जरै, कनक कामिनी लागि ।
 कह कबीर कस बाचिहै, रुई लपेटी आगि ॥२५॥
 मैं जानूँ हरि से मिलूँ, मो मन मोटी आस ।
 हरि बिच डारै अंतरा, माया बड़ी पिचास^२ ॥२६॥
 कबीर माया सूम की, देखनहीं का लाड़ ।
 जो वा मैं कौड़ी घटै, तौ हरि तोड़ै हाड़ ॥२७॥
 या माया जग भरमिया, सब को लगी उपाध ।
 यहि तारन के कारने, जग में आये साध ॥२८॥
 कबीर या संसार की, झूठी माया मोह ।
 जेहि घर जिता बधावना, तेहि घर तेता द्रौह ॥२९॥
 भूले थे यहँ आइ के, माया संग लुभाय ।
 सतगुरु राह बताइया, फेरि मिलूँ तेहि जाय ॥३०॥
 सौ पापन को मूल है, एक रुपैया रोक ।
 साधू है संग्रह करै, हारै हरि सा थोक^३ ॥३१॥
 माया है दुइ भाँति की, देखी ठाँक बजाय ।
 एक मिलावै नाम से, एक नरक लै जाय ॥३२॥
 या माया है चूहड़ी^४, औ चुहड़े की जोय ।
 बाप पूत अरुभाय के, संग न केहु के होय ॥३३॥
 माया के बस सब परे, ब्रह्मा बिष्नु महेस ।
 नारद सारद सनक अरु, गौरी-पुत्र गनेस ॥३४॥

(१) आँच । (२) पिशाच, भूतिबी । (३) जमा, माल । (४) भंगिन ।

आँधी आई ज्ञान की, ठही भरम की भीति ।
 माया टाटी उड़ि गई, लगी नाम से प्रीति ॥३५॥
 मीठा सब कोइ खात है, बिष है लागै धाय ।
 नीब न कोइ पीवसी, सर्व रोग मिटि जाय ॥३६॥
 माया तरवर त्रिबिधि का, साख बिषय संताप ।
 सीतलता सपने नहीं, फल फीका तन ताप ॥३७॥
 जिन को साइँ रँग दिया, कभी न होइँ कुरंग ।
 दिन दिन बानी आगरी, चढ़ै सवाया रंग ॥३८॥
 माया दीपक नर पतँग, भ्रमि भ्रमि माहिँ परंत ।
 कोइ एक गुरु ज्ञान तै, उबरे साधू संत ॥३९॥

कनक और कामिनी का अंग ।

चलोँ चलोँ सब कोइ कहै, पहुँचै बिरला कोय ।
 एक कनक अरु कामिनी, दुरगम घाटी दोय ॥१॥
 नारी की भाँइँ परत, अंधा होत भुजंग ।
 कबीर तिन की कौन गति, (जो)नित नारी के संग ॥२॥
 कामिनि काली नागिनी, तीनों लोक मँभारि ।
 नाम सनेही ऊधरे, बिषईं खाये क्कारि ॥३॥
 कामिनि सुंदर सर्पिनी, जो छेड़ै तेहि खाय ।
 जो गुरु चरनन राचिया, तिन के निकट न जाय ॥४॥
 इक नारी इक नागिनी, अपना जाया खाय ।
 कबहूँ सरपट नीकसै, उपजै नाग बलाय ॥५॥
 नैनों काजर पाइ कै, गाढ़े बाँधे केस ।
 हाथोँ मिहँदी लाइ कै, बाघिनि खाया देस ॥६॥
 पर नारी के राचने, सीधा नरकै जाय ।
 तिन को जम छाड़ै नहीं, कोटिन करै उपाय ॥७॥

पर नारी पैनी छुरी, मत कोइ लावो अंग ।
 रावन के दस सिर गये, पर नारी के संग ॥६॥ ✓
 पर नारी पैनी छुरी, बिरला बाचै कोय ।
 ना बहि पेट सँचारिये, (जो) सर्व सोन की होय ॥६॥ ✓
 पर नारी का राचना, ज्यों लहसुन की घ्रान' ।
 कोने बैठि के खाइये, परगट होय निदान ॥१०॥ ✓
 पर नारी के राचने, औगुन है गुन नाहिं ।
 खार समुंदर माछरी, केती बहि बहि जाहिं ॥११॥
 पर नारी पर सुंदरी, जैसे सूली साल ।
 नित कलेस भुगतै सही, तहू न छोड़ै खाल ॥१२॥
 दीपक सुन्दर देखि कै, जरि जरि मरै पतंग ।
 बढ़ी लहर जो बिषय की, जरत न मोड़ै अंग ॥१३॥
 नारि पराई आपनी, भोगै नरकै जाय ।
 आग आग सब एक सो, हाथ दिये जरि जाय ॥१४॥
 जहर पराया अपना, खाये से मरि जाय ।
 अपनी रच्छा ना करै, कह कबीर समभाय ॥१५॥
 कूप पराया अपना, गिरै बूड़ि जो जाय ।
 ऐसा भेद बिचारि कै, तू मत गोता खाय ॥१६॥
 छुरी पराई आपनी, मारे दर्द जो होय ।
 बहु बिधि कहूँ पुकार कै, कर छूवो मत कोय ॥१७॥
 नारी निरखि न देखिये, निरखि न कीजै दौर ।
 देखेही तँ बिष चढ़ै, मन आवै कछु और ॥१८॥ ✓
 जो कबहूँ कै देखिये, बीर बहिन के भाय ।
 आठ पहर अलगा रहै, ता को काल न खाय ॥१९॥

सर्व सोने की सुंदरी, आद्वै वास सुवास ।
 जो जननी होय आपनी, तऊ न बैठे पास ॥२०॥ ✓
 नारि नसावै तीन गुन, जो नर पास होय ।
 भक्तिमुक्ति निज ध्यानमें, पैठि न सकै कोय ॥२१॥
 गाय रोय हंस खेलिके, हस्त सबन के प्रान ।
 कह कबीर या घात को, समझै संत सुजान ॥२२॥
 नारी नदी अथाह जल, बूढ़ि मुवा संसार ।
 ऐसा साधू न मिला, जा संग उतरूँ पार ॥२३॥
 गाय भैस घोड़ी गधी, नारि नाम है तास ।
 जा मंदिर में यह बसै, तहाँ न कीजै वास ॥२४॥ ✓
 नारि रचंते पुरुष हैं, पुरुष रचंती नारि ।
 पुरुष पुरुष तें राचते, ते बिरले संसार ॥२५॥
 नारि कहाँ की नाहरी, नख सिख से यह खाय ।
 जल बूढ़ा तो ऊबरै, भग बूढ़ा बहि जाय ॥२६॥ ✓
 भग भोगे भग ऊपजै, भग तें बचै न कोय ।
 कह कबीर भग तें बचै, भक्त कहावै सोय ॥२७॥ ✓
 सेवक अपना करि लई, आज्ञा मेतै नाहिँ ।
 भग मंतर दै गुरु भई, सिष हो सबै कमाहिँ ॥२८॥
 कबीर नारि की प्रीति से, केते गये गडंत ।
 केते औरौ जाहिँगे, नरक हसंत हसंत ॥२९॥
 फाटे कानों बाघिनी, तीन लोक को खाय ।
 जावत खाय कलेजरा, मुए नरक लै जाय ॥३०॥
 नारी नाहीं नाहरी, करै नैन की चोट ।
 कोइ कोइ साधू ऊबरै, लै सतगुरु की ओट ॥३१॥

नारी नाहीं जम अहै, तू मत राचै जाय ।
 मंजारी^१ ज्यौं बोलि कै, काढ़ि करेजा खाय ॥३२॥
 नारी नदिया सारिखी, बहै अपरबल पूर ।
 साहिब से न्यारा रहै, अंत परै मुख धूर ॥३३॥
 एक कनक अरु कामिनी, ये लंबी तखारि ।
 चाले थे गुरु मिलन को, बीचहिं लीन्हा मारि ॥३४॥
 एक कनक अरु कामिनी, दोऊ अगिन की भाल ।
 देखतही तैं परजवलै, परसि करै पैमाल ॥३५॥
 एक कनक अरु कामिनी, बिष फल लिया उपाय ।
 देखतही तैं बिष चढ़ै, चाखतही मरि जाय ॥३६॥
 एक कनक अरु कामिनी, तजिये भजिये दूर ।
 गुरु बिच पारै अंतरा, जम देसी मुख धूर ॥३७॥
 रज बीरज की कोठरी, ता पर साज्यो रूप ।
 एक नाम बिन बूढ़सी, कनक कामिनी कूप ॥३८॥
 जहाँ जराई सुंदरी, तू जनि जाय कबीर ।
 उड़ि के भस्म जो लागसी, सूना होय सरीर ॥३९॥
 नारी तौ हम भी करी, जाना नाहिं बिचार ।
 जब जानी तब परिहरी, नारी बड़ी बिकार ॥४०॥
 छोटी मोटी कामिनी, सबही बिष की बेल ।
 बैरी मारै दाँव दै, यह मारै हँसि खेल ॥४१॥
 नागिन के तो दोय फन, नारी के फन बीस ।
 जा का डसा न फिरि जिये, मरिहै बिस्वा बीस ॥४२॥
 नारी नदिया सारिखी, और जो प्रगटै काल ।
 सब कालन तैं बाबिहै, नारी जम का जाल ॥४३॥

दीपक भोला पवन का, नर का भोला नारि ।
 साधू भोला सबद का, बोलै नाहिं बिचारि ॥१४॥
 नारि पुरुष की इसतरी, पुरुष नारि का पूत ।
 याही ज्ञान बिचारि कै, छाडि चला अबधूत ॥१५॥
 अविनासी बिचधार तिन', कुल कंचन अरु नार ।
 जो कोइ इन तँ बचि चलै, सोई उतरै पार ॥१६॥
 नारि से नजरि न जोरिये, अंसहिं खिस हूँ जाय ।
 जा के चित नारी बसै, चारि अंस लै जाय ॥१७॥

॥ सोरठा ॥

नारी सेती नेह, बुधि बिबेक सबही हरै ।
 कहा गँवावै देह, कारज कोई ना सरै ॥१८॥

निद्रा का अंग ।

कधीर सोया क्या करै, जागि के जपो दयार ।
 एक दिना है सोवना, लम्बे पैर पसार ॥१॥
 कधीर सोया क्या करै, उठि न भजो भगवान ।
 जमधर रजब लै जायँगे, पड़ा रहैगा म्यान ॥२॥
 कधीर सोया क्या करै, सोये होय अकाज ।
 ब्रह्मा का आसन डिगा, सुनी काल की गाज ॥३॥
 कधीर सोया क्या करै, उठि न रोवै दुक्ख ।
 जा का बासा गोर^२ में, सो क्यों सोवै सुक्ख ॥४॥
 कधीर सोया क्या करै, जागन की करु चौँप ।
 ये दम हीरा लाल है, गिनि गिनि गुरु को सौँप ॥५॥
 कधीर सोया क्या करै, काहे न देखै जागि ।
 जा के सँग तँ बीछुरा, ताही के सँग लागि ॥६॥

नींद निसानी मीच की, उठ कबीरा जागु ।
 और रसायन छाड़ि कै, नाम रसायन लागु ॥७॥
 सोया सो निरुफल गया, जागा सो फल लेय ।
 साहिब हकू न राखसी, जब माँगै तब देय ॥८॥
 पिउ पिउ कहि कहि कूकिये, ना सोइये इसरार^१ ।
 रात दिवस के कूकते, कबहुँक लगै पुकार ॥९॥
 सोता साध जगाह्ये, करै नाम का जाप ।
 यह तीनों सोते भले, साकित सिंह अरु साँप ॥१०॥
 जागन से सोवन भला, जो कोइ जानै सोय ।
 अंतर लौ लागी रहै, सहजै सुमिरन होय ॥११॥
 जागन में सोवन करै, सोवन में लौ लाय ।
 सुरति डार लागी रहै, तार टूटि नहिँ जाय ॥१२॥
 कबीर खालिक जागता, और न जागै कोय ।
 कै जागै विषया भरा, कै दास बंदगी सोय ॥१३॥

निंदा का अंग ।

निन्दक नियरे राखिये, आँगन कुटी छवाय ।
 बिन पानी साबुन बिना, निर्मल करै सुभाय ॥१॥
 निन्दक दूरि न कीजिये, दीजै आदर मान ।
 निर्मल तन मन सब करै, बकै आनही आन ॥२॥
 निन्दक हमरा जनि मरो, जीवो आदि जुगार्दि ।
 कबीर सतगुरु पाइया, निन्दक के परसादि ॥३॥
 कबीर मेरे साधु की, निन्दा करौ न कोय ।
 जो पै चन्द्र कलंक है, तऊ उँजारा होय ॥४॥

जो कोइ निन्दै साधु को, संकट आवै सोइ ।
 नरक माहिँ जनमै मरै, मुक्ति न कबहूँ होइ ॥५॥
 तिनका कबहूँ न निन्दये, जो पाँवन तर होय ।
 कबहूँ उड़ि आँखिन परै, पीर घनेरी होय ॥६॥
 सातो सायर' मैँ फिरा, जंबु दीप दै पीठ ।
 पर निन्दा नाहीं करै, सो कोइ बिरला दीठ ॥७॥
 दोष पराया देख करि, चले हसंत हसंत ।
 अपने याद न आवई, जा का आदि न अंत ॥८॥
 निन्दक एकहु मत मिलै, पापी मिलै हजार ।
 इक निन्दक के सोस पर, कोटि पाप को भार ॥९॥

[अहार]

स्वादिष्ट भोजन का अंग ।

खटा मीठा चरपरा, जिह्वा सब रस लेय ।
 चोरोँ कुतिया मिलि गई, पहरा किस का देय ॥१॥
 खटा मीठा देखि कै, रसना मेलै नीर
 जबलगि मन पाकोनहीं, काँचे निपट कथीर ॥२॥
 अहार करै मन भावता, जिह्वा करे स्वाद ।
 नाक तलक पूरन भरै, को कहिहै परसाद ॥३॥
 माखी गुड़ मैँ गड़ि रही, पंख रह्यो लपटाय ।
 तारी पीटै सिर धुनै, लालच बुरी बलाय ॥४॥

मांस अहार का अंग ।

माँस अहारी मानवा, परतछ राछस अंग ।
 ता की संगति मत करो, परत भजन मैँ भंग ॥१॥

माँस मछरिया खात हँ, सुरा पान से हेत ।
 सो नर जड़ से जाहिँगे, ज्यों मूरी का खेत ॥२॥
 माँस माँस सब एक है, मुरगी हिरनी गाय ।
 आँख देखि नर खात है, ते नर नरकहिँ जाय ॥३॥
 यह कूकर को खान है, मनुष देँह क्यों खाय ।
 मुख में आमिख^१ मेलता, नरक परै सो जाय ॥४॥
 विष्टा^२ का चौका दिया, हाँड़ी सीकै हाड ।
 छूत बरावै चाम को, ता का गुरु है राड़^३ ॥५॥
 हनिया सोई हन्नसी, भावै जानि बिजान ।
 कर गहि चोटी तानसी, साहिब के दीवान ॥६॥
 तिल भर मछरी खाइकै, कोटि गज दै दान ।
 कासी करवत लै मरै, तौ हू नरक निदान ॥७॥
 बकरी पाती खात है, ता की काढी खाल ।
 जो बकरी को खात हँ, तिन का कौन हवाल ॥८॥
 पीर सबन को एकसी, मूरख जानै नाहिँ ।
 अपना गला कटाइ कै, भिस्त^४ बसै क्यों नाहिँ ॥९॥
 मुरगी मुल्ला से कहै, जिबह करत है मोहिँ ।
 साहिब लेखा माँगसी, संकट परिहै तोहिँ ॥१०॥
 काला मुँह कर करद^५ का, दिल से दुई निवार ।
 सबही सुरति सुभान^६ की, अहमक मुला^७ न मार ॥११॥
 गल गुस्सा का काटिये, मियाँ कहर को मार ।
 जो पाँचो बिरमिल^८ करै, तो पावै दीदार ॥१२॥
 दिन को राजा रहत है, रात हनत है गाय ।
 येह खून वह बंदगी, कहु क्यों खुसी खुदाय ॥१३॥

(१) माँस । (२) गोबर । (३) कलह ? (४) बिहिस्त = बैकुण्ठ । (५) डुरी ।
 (६) खुदा । (७) मुल्ला । (८) बिरमिल, अथमुआ ।

खुस खाना है खीचरी, माहिँ परा टुक नोन ।
 माँस पराया खाइ करि, गला कटावै कौन ॥१४॥
 कहता हूँ कहि जात हूँ, कहा जो मान हमार ।
 जा का गर तुम काटिहौ, सो फिर काटि तुम्हार ॥१५॥
 हिन्दू के दाया नहीं, मिहर तुरुक के नाहिँ ।
 कह कबीर दोनाँ गये, लख चौरासी माहिँ ॥१६॥

नशे का अंग ।

गऊ जो बिष्टा भच्छई, बिप्र तमाखू भंग ।
 सस्तर बाँधे दर्सनी^१, यह कलियुग का रंग ॥१॥
 कलिजुग काल पठाइया, भाँग तमाल^२ अफीम ।
 ज्ञान ध्यान की सुधि नहीं, बसै इन्हीं की सीम^३ ॥२॥
 भाँग तमाखू छूतरा, अफयूँ^४ और सराब ।
 कह कबीर इन को तजै, तब पावै दीदार ॥३॥
 औगुन कहूँ सराब का, ज्ञानवंत सुनि लेय ।
 मानुष से पसुआ करै, द्रव्य गाँठि को देय ॥४॥
 अमल अहारी आत्मा, कबहुँ न पावै पारि ।
 कहै कबीर पुकारि कै, त्यागौ ताहि बिचारि ॥५॥
 मद तो बहुतक भाँति का, ताहि न जानै कोय ।
 तनमद मनमद जातिमद, मायामद सब लोय ॥६॥
 बिद्यामद और गुनहुँ मद, राज मद्दु उनमद्दु ।
 इतने मद को रद करै, तब पावै अनहद्दु ॥७॥
 कबीर मतवाला नाम का, मद मतवाला नाहिँ ।
 नाम पियाला जो पियै, सो मतवाला नाहिँ ॥८॥

सादे खान पान का अंग ।

रूखा सूखा खाइ कै, ठंडा पानी पीव ।
 देखि बिरानी चूपड़ी, मत ललचावै जीव ॥१॥
 कबीर साइँ मुज्झ को, रूखी रोटी देय ।
 चुपड़ी माँगत मैं डरूँ, (कहूँ) रूखी छोनि न लेय ॥२॥
 आधी अरु रूखी भली, सारी से संताप ।
 जो चाहैगा चूपड़ी, (तो) बहुत करैगा पाप ॥३॥
 अन पानी आहार है, स्वाद संग नहिँ खाय ।
 जो चाहै दीदार को, (तो) चुपड़ी चखै बलाय ॥४॥

आनदेव की पूजा का अंग ।

सौ बरसाँ भक्ती करै, इक दिन पूजै आन ।
 सो अपराधी आत्मा, परि चौरासी खान ॥१॥
 सत्त नाम को छाड़ि कै, करै आन को जाप ।
 ता के मुहड़े दीजिये, नौसादर को बाप^१ ॥२॥
 सत्त नाम को छाड़ि कै, करै और को जाप ।
 बेस्या करे पूत ज्यों, कहै कौन को बाप ॥३॥
 सत्त नाम को छाड़ि कै, करै अन्य की आस ।
 कह कबीर ता दास का, होय नरक में बास ॥४॥
 कामी तरै क्रोधी तरै, लोभो तरै अनंत ।
 आन उपासी कृतधनी, तरै न गुरू कहंत ॥५॥
 देबी देव मानै सबै, अलख न मानै कोय ।
 जा अलख का सब क्रिया, ता से बेमुख होय ॥६॥

एकै साधे सब सधै, सब साधे सब जाय ।
जो गहि सेवै मूल को, फूलै फलै अघाय ॥७॥

मूरत पूजा का अंग ।

पाहन केरी पूतरी, करि पूजै करतार ।
वाहि भरोसे मत रहो, बूढ़ो काली धार ॥१॥
काजर केरी कोठरी, मसि के किये कपाट ।
पाहन भूली पिरथवी, पंडित पारी बाट ॥२॥
पाहन को क्या पूजिये, जो नहिँ देइ जवाब ।
अंधा नर आसामुखी, यैँहीं होय खराब ॥३॥
हम भी पाहन पूजते, होते बन के रोभ ।
सतगुरु की किरपा भई, डारा सिर का बोभ ॥४॥
पाहन पूजे हरि मिलै, तो मैँ पुजँ पहार ।
ता तँ यह चाकी भली, पीसि खाय संसार ॥५॥
मूरति धरि धंधा रचा, पाहन का जगदीस ।
मोल लिया बोलै नहीं, खोटा बिस्वा बीस ॥६॥
पाथर ही का देहरा, पाथर ही का देव ।
पूजनहारा अँधरा, क्यौँकरि मोनै सेव ॥७॥
पाहन पानी पूजि कै, सेवा जासी बाद ।
सेवा कीजै साध की, सत्तनाम करु याद ॥८॥
पाथर लै देवल चुना, मोटी मरति माँहि ।
पिंड फूटि परबस रहै, सो लै तारै काहि ॥९॥
कागद केरी नावरी, पाहन गरुवा भार ।
कहै कधीर बिचारि कै, भव बूड़ा संसार ॥१०॥
कधीर दुनिया देहरे, सीस नवावन जाय ।
हिरदे माहीं हरि बसै, तू ताही लौ लाय ॥११॥

मन मथुरा दिल द्वारिका, काया कासी जान ।
 दस द्वारे का देहरा, ता में जोति पिछान ॥१२॥
 काँकर पाथर जोरि के, मसजिद लई चुनाय ।
 ता चढ़ि मुल्ला बाँग दे, क्या बाहरा हुआ खुदाय ॥१३॥
 मुल्ला चढ़ि किलकारिया, अलख न बहिरा हाय ।
 जोहि कारन तूँ बाँग दे, सो दिलही अंदर जोय ॥१४॥
 तुर्क मसीते हिन्दू देहरे, आप आप को धाय ।
 अलख पुरुष घट भीतरे, ता का द्वार न पाय ॥१५॥
 पूजा सेवा नेम ब्रत, गुड़ियन का सा खेल ।
 जब लगि पिव परसै नहीं, तब लगि संसय मेल ॥१६॥
 कबीर या संसार को, समझायौ सौ बार ।
 पूँछ तो पकड़े भेड़ की, उत्तरा चाहै पार ॥१७॥

तीर्थ व्रत का अंग ।

जप तप दीखै थोथरा, तीरथ व्रत बिस्वास ।
 सूआ सँभल सेइ कै, फिर उड़ि चला निरास ॥१॥
 तीरथ व्रत बिष बेलरी, सब जग राखा छाय ।
 कबीर मूल निकंदिया, कौन हलाहल खाय ॥२॥
 तीरथ व्रत करि जग मुआ, जूड़े पानी न्हाय ।
 सत्त नाम जाने बिना, काल जुगन जुग खाय ॥३॥
 तीरथ चाले दुइ जना, बित चंचल मन चोर ।
 एको पाप न उतरिया, मन दस लाये और ॥४॥
 न्हाये धोये क्या भया, जो मन मैल न जाय ।
 मीन सदा जल में रहै, धोये बास न जाय ॥५॥
 निर्मल गुरु के नाम से, कै निर्मल साधू भाय ।
 कोइला होइ न ऊजला, सौ मन साबुन लाय ॥६॥

कोटि कोटि तीरथ करै, कोटि कोटि करि धाम ।
जब लगि साधु न सेइहै, तब लगि काँचा काम ॥७॥
मन में तो फूला फिरै, करता हूँ मैं धर्म ।
कोटि करम सिर पर चढ़ै, चेति न देखै भर्म ॥८॥
और धरम सब करम हैं, भक्ति धरम निःकर्म ।
नदिया हत्यारी अहै, कुवा बावड़ी भर्म ॥९॥
कर्म हमारे काटिहै, कोइ गुरुमुख कलि माहिँ ।
कहै हमारी बासना, सो गुरुमुख कहियत नाहिँ ॥१०॥
बहुत दान जो देत हैं, करि करि बहुतै आस ।
काहू के गज होहिँगे, खइहँ सेर पचास ॥११॥

पंडित और संस्कृत का अंग ।

संस्कृतहिँ पंडित कहै, बहुत करै अभिमान ।
भाषा जानि तरक करै, ते नर मूढ़ अजान ॥१॥
संस्किरत संसार में, पंडित करै बखान ।
भाषा भक्ति दृढ़ावही, न्यारा पद निरवान ॥२॥
संस्किरत है कूप जल, भाषा बहता नीर ।
भाषा सतगुरु सहित है, सत मत गहिर गंभीर ॥३॥
पूरन बानो बेद की, सोहत परम अनूप ।
आधी भाषा नेत्र बिन, को लखि पावै रूप ॥४॥
बानो तो पानी भरै, चारो बेद मजूर ।
करनी तो गारा करै, रहनी का घर दूर ॥५॥
बेद कहै जानौँ न कछु, स्वासा के संग आय ।
दरस हेतु करुँ बंदगी, गुन अनेक मैं गाय ॥६॥
पोथी पढ़ि पढ़ि जग मुआ, पंडित हुआ न कोय ।
एकै अच्छर प्रेम का, पढ़ै सो पंडित होय ॥७॥

पढ़ि पढ़ि तो पत्थर भया, लिखि लिखि भया जो ईद ।
 कबीर अंतर प्रेम की, लगी न एकै छोट ॥८॥
 पंडित पीथी बाँधि के, दे सिरहाने सोय ।
 वह अच्छर इन में नहीं, हँसि दे भावै रोय ॥९॥
 पंडित केरी पोथियाँ, ज्यों तीतर को ज्ञान ।
 औरन सगुन बतावही, अपना फंद न जान ॥१०॥
 पढ़े गुने सीखे सुने, मिटी न संसय सूल ।
 कह कबीर का से कहूँ, येही दुख का मूल ॥११॥
 कबीर पढ़ना दूर करू, पुस्तक देहु बहाय ।
 बावन अच्छर सोधि के, सत्त नाम लौ लाय ॥१२॥
 पढ़ना गुनना चातुरी, ये तो बात सहल ।
 काम दहन मन बसि करन, गगन चढ़न मुसकिल ॥१३॥
 पंडित और मसालची, दोनेँ सूझै नाहिँ ।
 औरन को करै चाँदना, आप अँधेरे माहिँ ॥१४॥
 नहिँ कागद नहिँ लेखनी, नहिँ अच्छर है सोय ।
 पाँचहि पुस्तक छाड़ि कै, पंडित कहिये सोय ॥१५॥
 धरती अम्बर ना हता, कौन था पंडित पास ।
 कौन महरत थापिया, चाँद सूर आकास ॥१६॥
 पंडित बोरौ पत्तरा, काजी छोटु कुरोन ।
 वह तारीख बताइदे, थे न जमीँ असमान ॥१७॥
 बाम्हन गुरु है जगत का, करम भरम का खाहि ।
 उरभि पुरभि के मरि गया, चारो बेदों माहिँ ॥१८॥
 बाम्हन गदहा जगत का, तीरथ लादा जाय ।
 जजमान कहै मै पुन किया, वह मिहनत का खाय ॥१९॥
 बाम्हन तँ गदहा भला, आन देव तँ कुत्ता ।
 मुलना त मुरगा भला, सहर जगावै सुत्ता ॥२०॥

कबीर बाम्हन की कथा, सो चोरन की नाव ।
 सब अंधे मिलि बैठिया, भावै तहँ लैजाव ॥२१॥
 कबीर बाम्हन बूढ़िया, जनेऊ केरे जोरि ।
 लख चौरासी माँगि लइ, सतगुरु सेती तोरि ॥२२॥
 कलि का बाम्हन मसखरा, ताहि न दीजै दान ।
 कुटुंब सहित नरकै चला, साथ लिया जजमान ॥२३॥

मिश्रित का अंग ।

साईं केरे बहुत गुन, लिखे जो हिरदे माहिँ ।
 पिऊँ न पानी डरपता, मत वै धोये जाहिँ ॥१॥
 सुपने में साईं मिले, सोवत लिया जगाय ।
 आँखि न खोलूँ डरपता, मत सुपना हूँ जाय ॥२॥
 सोऊँ तो सुपने मिलूँ, जागूँ तो मन माहिँ ।
 लोचन राते सुभ घड़ी, बिसरत कबहूँ नाहिँ ॥३॥
 कबीर साथी सोइ किया, दुख सुख जाहि न कोय ।
 हिलि मिलि कै संग खेलई, कधी बिछोह न होय ॥४॥
 यार बुलावै भाव से, मो पै गया न जाय ।
 धन मैली पिउ ऊजला, लागि न सकूँ पाँय ॥५॥
 तरवर तासु बिलंबिये, बारह मास फलंत ।
 सीतल छाया सघन फल, पंछी केल करंत ॥६॥
 तरवर सरवर संतजन, चौथे बरसै मँह ।
 परमारथ के कारने, चारौ धारै देह ॥७॥
 नवन नवन बहु अंतरा, नवन नवन बहु बान ।
 ये तीनों बहुतै नई, चीता चोर कमान ॥८॥
 कबीर सुख को जाय था, आगे मिलिया दुख ।
 जाहु सुख घर आपने, हम जानै अरु दुख ॥९॥

कबीर सीप समुद्र की, खारा जल नहीं लेय ।
 पानी पावै स्वाँति का, सोभा सागर देय ॥१०॥
 ऊँची जाति पपीहरा, पियै न नीचा नीर ।
 कै सुरपति^१ को याँचई, कै दुख सहै सरीर ॥११॥
 पड़ा पपीहा सुरसरी^२, लगा बधिक का बान ।
 मुख मूँदे झुत गगन में, निकस गये यों प्रान ॥१२॥
 पपिहा पन को ना तजै, तजै तो तन बेकाज ।
 तन छूटे तो कछु नहीं, पन छूटे है लाज ॥१३॥
 चात्रिक^३ सुतहिँ पढ़ावही, आन नीर मत लेय ।
 मम कुल यही सुभाय है, स्वाँति बूँद चित देय ॥१४॥
 जा के हिरदे गुरु बसै, सो जन कल्पै काहि ।
 एकै लहर समुद्र की, दुख दरिद्र सब जाहि ॥१५॥
 प्रेम प्रीति से जो मिलै, ता से मिलिये धाय ।
 अंतर राखे जो मिलै, ता से मिलै बलाय ॥१६॥
 हाथी अटका कीच में, काढ़े कोइ समरत्थ ।
 कै निकसै बल आपने, कै धनी पसारै हत्थ ॥१७॥
 भूप दुखी अवधू दुखी, दुखी रंक बिपरीत ।
 कह कबीर यह सब दुखी, सुखी संत मन जीत ॥१८॥
 काँसे ऊपर बीजुली, परै अचानक आय ।
 ता तै निर्भय ठीकरा, सतगुरु दिया बताय ॥१९॥
 लम्बा मारग दूर घर, बिकट पंथ बहु मार ।
 कह कबीर कस पाइये, दुर्लभ गुरु दीदार ॥२०॥
 कबीर मैं तो बैठि कै, सब से कहूँ पुकारि ।
 धरा^४ धरै सो धरि कुटै, अधर धरै सो तारि ॥२१॥
 हेरत हेरत हे सुखी, हेरत गया हिराय ।
 बुन्द समानी समुँद में, सो कित हेरी जाय ॥२२॥

हेरत हेरत हे सखी, रहा कबीर हिराय ।
 समुंद समाना बुंद में, सो कित हेरा जाय ॥२३॥
 बुंद समानो समुंद में, सो जानै सब कोय ।
 समुंद समाना बुंद में, जाने बिरला कोय ॥२४॥
 एक समाना सकल में, सकल समाना ताहि ।
 कबीर समाना बूझ में, जहाँ दूसरा नाहि ॥२५॥
 गुरु नहीं चेला नहीं, नहिँ मुरीद नहिँ पीर ।
 एक नहीं दूजा नहीं, बिलमे तहाँ कबीर ॥२६॥
 बृच्छ जो हूँदै बीज को, बीज बृच्छ के माहिँ ।
 जीव जो हूँदै पीव को, पीव जीव के माहिँ ॥२७॥
 आदि होत सब आप में, सकल होत ता माहिँ ।
 ज्यों तरवर के बीज में, डार पात फल छाहिँ ॥२८॥
 खुलि खेले संसार में, बाँधि न सककै कोय ।
 घाट जगाती क्या करै, जो सिर बोझ न होय ॥२९॥
 घाट जगाती धर्मराय, सब का भारा लेय ।
 सत्तनाम जाने बिना, उलटि नरक में देय ॥३०॥
 जब का माई जनमिया, कतहुँ न पाया सुख ।
 डारी डारी मैं फिरौँ, पात पात में दुख ॥३१॥
 कबीर मैं तो तब डरौँ, जो मुझही में होय ।
 मोच बुढ़ापा आपदा, सब काहू में सोय ॥३२॥
 सात दीप नौखंड में, तीन लोक ब्रह्मंड ।
 कह कबीर सब को लगे, दँह धरे का दंड ॥३३॥
 दँह धरे का दंड है, सब काहू को होय ।
 ज्ञानी भुगतै ज्ञान करि, अज्ञानी भुगतै रोय ॥३४॥
 एक वस्तु के नाम बहु, लीजै वस्तु पिछानि ।
 नाम पच्छ नहिँ कीजिये, सार तत्त ले जानि ॥३५॥

सब काहू का लीजिये, साचा सबद निहारि ।
 पच्छपात न कीजिये, कहै कबीर बिचारि ॥३६॥
 देखन ही की घात है, कहने की कछु नाहिँ ।
 आदि अंत कोमिलि रहा, हरिजन हरि ही माहिँ ॥३७॥
 सबै हमारे एक हैं, जो सुमरै सत नाम ।
 बस्तु लही पहिचानि कै, बासन से क्या काम ॥३८॥
 आछे दिन पाछे गये, गुरु से क्रिया न हेत ।
 अब पछताये होत का, चिरियाँ चुग गइँ खेत ॥३९॥
 कबीर दर दीवान जो, क्योंकर पावै दाद ।
 पहिले बुरा कमाइ कै, पाछे करै फरियाद ॥४०॥
 कौन कसे अरु कौन कसावै, कौन जो लेइ छुड़ाय ।
 यह संसा जिव है रही, साधु कही समझाय ॥४१॥
 काल कसै अरु कर्म कसावै, सतगुरु लेइ छुड़ाय ।
 कहै कबीर बिचारि कै, सुनौ संत चित लाय ॥४२॥
 माटी मैं माटी मिलो, मिली पौन से पौन ।
 मैं तोहि बूझौ पंडिता, दो मैं मूवा कौन ॥४३॥
 कुमति हती सो मिटि गई, मिटयो बाद हंकार ।
 दूनों का मरना भया, कहै कबीर बिचार ॥४४॥
 जूआ चोरी मुखबिरी, ब्याज घूस पर नारि ।
 जो चाहै दीदार को, ऐतो बस्तु निवारि ॥४५॥
 करता दीखै कीरतन, ऊँचा करि के तुंड ।
 जानै बूझै कछु नहीं, यौ ही आधा रुंड ॥४६॥
 मो मैं इतनी सक्ति कहँ, गाओँ गला पसार ।
 बंदे को इतनी घनी, पड़ा रहै दरघार ॥४७॥
 रचनहार को चीन्हि ले, खाने को क्या रोय ।
 दिल मंदिर मैं पैठि करि, तानि पिछौरा सोय ॥४८॥

सब से भली मधूकरी, भाँति भाँति का नाज ।
 दावा काहू का नहीं, बिना बिलायत राज ॥४९॥
 भौसागर जल विष भरा, मन नहीं बाँधे घोर ।
 सबद-सनेही पिउ मिला, उतरा पार कबीर ॥५०॥
 हंसा बगुला एक रंग, मानसरोवर माहिँ ।
 बगुला हूँदै माछरी, हंसा मोती खाहिँ ॥५१॥
 तन संदूक मन रतन है, चुपके दे हठ ताल ।
 गाहक बिना न खोलिये, पूँजी सबद रसाल ॥५२॥
 हीरा गुरु का सबद है, हिरदे भीतर देख ।
 बाहर भीतर भरि रहा, ऐसा अगम अलेख ॥५३॥
 कै खाना कै सोवना, और न कोई चीत ।
 सतगुरु सबद बिसारिया, आदि श्रंत का मीत ॥५४॥
 याहि उदर के कारने, जग याच्यो निसि जाम ।
 स्वामीपन सिर पर चढ़्यौ, सस्यो न एकौ काम ॥५५॥
 परतिष्ठा का टोकरा, लीये डोलै साथ ।
 सत्त नाम जाना नहीं, जनम गुँवाया बाद ॥५६॥
 कलि का स्वामी लोभिया, मनसा रहा बँधाय ।
 रुपया देवै ब्याज पर, लेखा करत दिन जाय ॥५७॥
 कलि का स्वामी लोभिया, पीतरि धरै खटाइ ।
 राज दुवारे यौँ फिरै, ज्यौँ हरियाई गाइ ॥५८॥
 राज दुवारे साधुजन, तीनि वस्तु को जाय ।
 कै मोठा कै मान को, कै माया की चाय ॥५९॥
 कबीर कलिजुग कठिन है, साधु न मानै कोय ।
 कामी क्रोधी मसूखरा, तिन कौ आदर होय ॥६०॥
 सतगुरु की साची कथा, कोई सुनही कान ।
 कलिजुग पूजा डिम्भ की, बाजारी कौ मान ॥६१॥

देखन को सब कोई भली, जैसा सीत का कोट ।
 देखत ही ढहि जायगा, बाँधि सकै नहिँ पोट ॥६२॥
 पद गावै मन हरखि कै, साखी कहै अनन्द ।
 तत्त मूल नहिँ जानिया, गल मैं परिगा फंद ॥६३॥
 नाचै गावै पद कहै, नाहीं गुरु से हेत ।
 कह कबीर क्यों नीपजै, बीज बिहूना खेत ॥६४॥
 चतुराई क्या कीजियै, जो नहिँ पदहिँ साथ ।
 कोटिक गुन सुवना पढ़ै, अंत बिलाई खाय ॥६५॥
 ब्रह्महिँ तैं जग ऊपजा, कहत सयाने लोग ।
 ताहि ब्रह्म के त्याग बिनु, जगत न त्यागन जोग ॥६६॥
 ब्रह्म जगत का बीज है, जो नहिँ ता को त्याग ।
 जगत ब्रह्म मैं लीन है, कहहु कौन बैराग ॥६७॥
 नेत नेत जेहिँ वेद कहि, जहाँ न मन ठहराय ।
 मन बानी की गमि नहीं, ब्रह्म कहा किन आय ॥६८॥
 एक कर्म है बेवना, उपजै बीज बहुत ।
 एक कर्म है भूँजना, उदय न अंकुर सूत ॥६९॥
 चाँदसुरजनिज किरनि को, त्याग कवन बिधि कीन ।
 जा की किरनी ताहि मैं, उपजि होत पुनि लीन ॥७०॥
 जब दिल मिला दयाल से, फाँसी गई बिलाय ।
 मोहिँ भरोसा इष्ट का, बंदा नरक न जाय ॥७१॥
 जब दिल मिला दयाल से, तब कछु अंतर नाहिँ ।
 पाला गलि पानी भया, यै हरिजन हरि माहिँ ॥७२॥
 कबीर मोह पिनाक जग, गुरु बिनु टूटत नाहिँ ।
 सुर नर मुनि तोरन लगे, छुवत अधिक गरुआहि ॥७३॥

साधू ऐसा चाहिये, ज्यों मोती मैं आब ।
 उतरे तैं फिरि नहिँ चढ़ै, अनादर होइ रहाब ॥७४॥
 मूरख लघु को गरु कहैं, लघु गरु कहैं बनाय ।
 यह अबिचारी देखि कै, कहत कबीर लजाय ॥७५॥
 कबीर निगुरे नरन कौ, संसय कबहुँ न जाय ।
 संसय छूटै गुरु कृपा, तासु बिमुख जहँड़ाय ॥७६॥
 कबीर जो गुरु-बेमुखी, (तेहि) ठौर न तीनउँ लोक ।
 चीरासी भरमल फिरै, भौगै नाना सोक ॥७७॥
 गुरु भरोखे बैठि के, सब का मुजरा लेइ ।
 जैसी जा की चाकरो, तैसा ता को देइ ॥७८॥
 नाम रतन धन संत पहुँ, खान खुली घट माहिँ ।
 संतमैत ही देत हौँ, गाहक कोई नाहिँ ॥७९॥

॥ इति ॥



उपयोगी हिन्दी-पुस्तकमाला

नवकुसुम—इस पुस्तक में कई छोटी बड़ी कहानियाँ संग्रहित हैं जो बड़ी रोचक और शिक्षाप्रद हैं। पढ़िये और घरेलू जिन्दगी का आनन्द लूटिये। मूल्य ॥१)

सचित्र विनय पत्रिका—गोस्वामी जी की इस दुर्लभ पुस्तक का दाम मय टीका ३ चित्र और राग परिचय के सिर्फ २॥) है सजिल्द ३)

करुणा देवी—औरतों को पढ़ाइये, बहुत ही रोचक और शिक्षाप्रद उपन्यास है मूल्य ॥२)

हिन्दी कवितावली—यह उत्तम कविताओं का संग्रह बालक बालिकाओं के लिये अत्यन्त उपयोगी है। मूल्य -)

हिन्दी महाभारत—सरल हिन्दी में कई सुंदर रंगीन चित्रों के सहित १८ पर्चों का सारांश छपा है। मूल्य ३)

गीता—(पाकेट एडिशन) श्लोक और उनका सरल हिन्दी में अनुवाद है अन्त में गूढ़ शब्दों का कोश भी है। मूल्य ॥२)

उत्तर ध्रुव की भयानक यात्रा—(सचित्र) इस उपन्यास को पढ़ कर देखिये कैसी अच्छी सैर है। बार बार पढ़ने का ही जी चाहेगा। मूल्य ॥१)

सिद्धि—यथा नाम तथा गुणः। ज़रूर पढ़िये, और अपने अनमोल जीवन को सुधारिये। मूल्य ॥१)

महारानी शशिप्रभा देवी—यह एक विचित्र जासूसी उपन्यास है, पढ़ कर देखिये, जी प्रसन्न हो जाता है। साथ ही अपूर्व शिक्षा भी मिलती है। स्त्रियों के लिये अत्यंत लाभदायक है। सजिल्द मूल्य १।)

सचित्र द्रौपदी—पुस्तक में देवी द्रौपदी के जीवनचरित्र का अति उत्तम रीति से वर्णन किया गया है। पुस्तक प्रत्येक भारतीय के लिये उपयोगी है। मूल्य ॥१)

कर्मफल—बहु सामाजिक उपन्यास बड़ा शिक्षाप्रद और रोचक है। मूल्य ॥१)

दुःख का मीठा फल—इस उपन्यास के नाम ही से समझ लीजिये। मूल्य ॥२)

लोक संग्रह अथवा संतति विज्ञान—(सचित्र) मूल्य ॥२)

हिन्दी साहित्य प्रदीप-कक्षा ५ व ६ के लड़कों के लिए (सचित्र) मूल्य ॥२)

काव्य निर्णय—काव्य प्रेमी सज्जनों के लिये अत्यन्त ही लाभदायक पुस्तक है।

दास कवि का बनाया हुआ इस उत्तम ग्रंथ की ऐसी सरल टीका-टिप्पणी आज तक न हुई थी। मूल्य १।)

सुमनोऽञ्जलि प्रथम भाग—हिन्दू धर्म सम्बन्धी अपूर्व और अत्यन्त लाभदायक पुस्तक है। इसके लेखक मिश्रबन्धु महोदय हैं। सजिल्द मूल्य ॥२)

सचित्र रामचरितमानस—यह असली रामायण बड़े हरफों में टीका सहित है। भाषा बड़ी सरल और लालित्य पूर्ण है। यह रामायण २० सुन्दर चित्रों, मानस (पगल और गोसाईं जी की जीवनी सहित है। पृष्ठ संख्या १४५०, मूल्य लागत मात्र केवल ८)। इसी असली रामायण का एक सस्ता संस्करण भी हम ने जनता के लाभ के लिए छपा है सचित्र और सजिल्द १३०० पृष्ठों का मूल्य ४॥। प्रत्येक कांड अलग अलग भी मिल सकते हैं।

प्रेम तपस्वा—एक सामाजिक उपन्यास—(प्रेम का सच्चा उदाहरण) मूल्य ॥)

लोक परलोक हितकारी—इसमें कुल महात्माओं के उत्तम उपदेशों का संग्रह किया गया है। पढ़िये और अनमोल जीवन को सुधारिये। मूल्य ॥=

विनय कोश—विनयपत्रिका के सम्पूर्ण शब्दों का अकारादि क्रम से संग्रह करके विस्तार से अर्थ है। मूल्य २)

हनुमान बाहुक—प्रति दिन पाठ करने योग्य, मोटे अक्षरों में बहुत शुद्ध छपा है।

मूल्य १)॥

तुलसी ग्रन्थावली—रामायण के अतिरिक्त तुलसीदास जी के कुल ग्यारहों ग्रन्थ शुद्धता पूर्वक मोटे मोटे बड़े अक्षरों में छपे हैं और पाद टिप्पणी में कठिन शब्दों के अर्थ दिये हैं। सचित्र व सजिल्द मूल्य ४)

कबिच रामायण—पं० रामगुलाम जी द्विवेदी कृत पाद टिप्पणी में कठिन शब्दों के अर्थ सहित छपी है। मूल्य १०)

नरेन्द्र-भूषण—एक सचित्र सजिल्द उत्तम मौलिक जासूसी उपन्यास है। मूल्य १)

संदेह—यह मौलिक क्रांतिकारी उपन्यास अनूठा और बिलकुल नया है। दाम ॥)

चित्र माला—अति सुन्दर मनोहर १२ रंगीन चित्रों का संग्रह है। मूल्य प्रथम भाग ॥)

चित्रमाला—अति सुन्दर मनोहर १२ रंगीन चित्रों का संग्रह है। मूल्य द्वितीय भाग का ॥)

गुटका रामायण—यह असली तुलसीकृत रामायण अत्यन्त शुद्धता पूर्वक छोटे रूप में है। पृष्ठ संख्या लगभग ६०० के है। इसमें अति सुन्दर १० रंगीन और ७ सादे चित्र हैं। चित्र अत्यन्त भावपूर्ण और मनोमोहक हैं। रामायण प्रमियों के लिये यह रामायण अपूर्व और लाभ दायक है। जिल्द बहुत सुन्दर और मज़बूत बँधी हुई है। मूल्य केवल लागत मात्र १॥)

बेलवेडियर प्रेस, कटरा, प्रयाग की पुस्तकें

संतबानी पुस्तकमाला

[हर महात्मा का जीवन-चरित्र उनकी बानी के आदि में दिया है]

कबीर साहिब का बीजक	III)
कबीर साहिब का साखी-संग्रह	१=)
कबीर साहिब की शब्दावली, पहला भाग	II)
कबीर साहिब की शब्दावली दूसरा भाग	III)
कबीर साहिब की शब्दावली, तीसरा भाग	IV)
कबीर साहिब की शब्दावली, चौथा भाग	V)
कबीर साहिब की ज्ञान-गुदड़ी, रखते और भूलने	VI)
कबीर साहिब की अक्षरावती	VII)
धनी धरमदास जी की शब्दावली	VIII)
तुलसी साहिब (हाथरस वाले) की शब्दावली भाग १	IX)
तुलसी साहिब दूसरा भाग पद्मसागर ग्रंथ सहित	X)
तुलसी साहिब का रत्नसागर	XI)
तुलसी साहिब का घट रामायण पहला भाग	XII)
तुलसी साहिब का घट रामायण दूसरा भाग	XIII)
गुरु नानक की प्राण-संगली सटिप्पण पहला भाग	XIV)
गुरु नानक की प्राण-संगला दूसरा भाग	XV)
दादू दयाल की बानी भाग १ "साखी"	XVI)
दादू दयाल की बानी भाग २ "शब्द"	XVII)
सुन्दर बिलास	XVIII)
पलट्टू साहिब भाग १—कुंडलियाँ	XIX)
पलट्टू साहिब भाग २—रखते, भूलने, अरिल, कबिच सवैया	XX)
पलट्टू साहिब भाग ३—भजन और साखियाँ	XXI)
जगजीवन साहिब की बानी, पहला भाग	XXII)
जगजीवन साहिब की बानी दूसरा भाग	XXIII)
दूलन दास जी की बानी,	XXIV)
चरनदास जी की बानी, पहला भाग	XXV)
चरनदास जी की बानी, दूसरा भाग	XXVI)

गरीबदास जी की बानी	११-)
रैदास जी की बानी	॥)
दरिया साहिब (बिहार) का दरिया सागर	॥३) ॥५)
दरिया साहिब के लुने हुए पद और साखी	१-)
दरिया साहिब (माड़वाड़ वाले) की बानी	॥३)
भीखा साहिब की शब्दावली	॥२) ॥
गुलाल साहिब की बानी	॥१-)
बाबा मलूकदास जी की बानी	१) ॥
गुसाईं तुलसीदास जी की बारहमासी	-)
यारी साहिब की रत्नावली	-)
बुल्ला साहिब का शब्दसार	१)
बेशवदास जी की अमीचूँट	-) ॥
धरनी दास जी की बानी	॥३)
मीरा बाई की शब्दावली	॥)
सहजोबाई का सहज-प्रकाश	॥३) ॥
दया बाई की बानी	१)
संतबानी संग्रह, भाग १ [साखी]	१॥)
[प्रत्येक महात्माओं के संक्षिप्त जीवन चरित्र सहित]			
संतबानी संग्रह, भाग २ [शब्द]	१॥)

[पैसे महात्माओं के संक्षिप्त जीवन चरित्र सहित जो भाग १ में नहीं हैं]

कुल ३४-

अहित्या बाई ३)

दाम में डाक महसूल व रजिस्टरी शामिल नहीं है वह इसके ऊपर लिया जायगा—

मिलने का पता—

मैनेजर,

बेलवेडियर प्रेस, प्रयाग ।

सबसे सस्ती ! सबसे उत्तम ॥ सचित्र मासिक पत्रिका ॥

एक प्रति
का मूल्य ॥)

मनोरमा

वार्षिक मूल्य ५)

दुःमाही ३)

सम्पादक — श्री भक्त शिरोमणि

पं० ज्योति प्रसाद 'मिश्र निर्मल'

हिन्दी की जितनी पत्रिकाएँ हैं सबों में यह पत्रिका श्रेष्ठ है। मुख्य कारण—

१—इसमें लेख गम्भीर से गम्भीर रहते हैं और सरल से सरल तथा शिक्षाप्रद, कविताएँ भी हर मास उत्तम से उत्तम निकलती हैं।

२—सुन्दर तिरङ्गे चित्र भावपूर्ण रहते हैं और कई स्वरंगे चित्र भी सुन्दर आर्ट पेपर पर छपे रहते हैं। कार्टून तथा कालियाँ भी हर मास निकलती हैं। मनोरंजक कहानियाँ, आनक बिकार, और प्रहसन इत्यादि अति सुन्दर और मनोरंजक निकलते हैं, जिनको पढ़ कर ज्ञान के साथ साथ मनोरंजन का दिलवहलाव भी होता है।

३—महिलाओं और बालकों के मनोरंजन के लिए इसमें विशेष सामग्री रहती है।

४—इस कोटि की पत्रिका इतनी सस्ती आज तक नहीं निकली है। इसी वजह से इसके ग्राहक दिनों दिन बढ़ रहे हैं। ५) बहुत नहीं है, अभी ही अनीआर्डर कर साल भरके ग्राहकों में नाम लिखा लीजिए—

—ता—मैनेजर, मनोरमा,

बेलवेडियर प्रेस, प्रयाग।

हिन्दी महाभारत

सचित्र और सजिबद

[लेखक—पं० महावीर प्रसाद मालवीय]

यह महाभारत डबल क्राउन अठपेजी साइज़ के ४५० पृष्ठों में उमदा सफ़ेद कागज़ पर छपा है। रङ्ग-बिरङ्गे अति सुन्दर चित्रों से सजधज कर और सरल हिन्दी भाषा में अनुदित होकर प्रकाशित हुआ है।

इसके उपसंहार में महाराज युधिष्ठिर से लेकर पृथ्वीराज चौहान के वंशजों तक का अर्थात् १७५१ वर्ष दिल्ली के राज्यासन पर आर्य्य राजाओं का शासनकाल बड़ी खोज के साथ लिखा गया है। मूल्य लागत मात्र ३)

एक पोस्टकार्ड लिज कर इस अनुपम पुस्तक को शीघ्र भेगा लीजिए।

पता—

मैनेजर,

बेलवेडियर प्रेस, प्रयाग।

